

**Master Negative  
Storage Number**

**OCI00074.01**

**L'histoire du noble  
preux & vaillant  
cheualier**

**A Rouen**

**[1610]**

**Reel: 74 Title: 1**

**BIBLIOGRAPHIC RECORD TARGET  
PRESERVATION OFFICE  
CLEVELAND PUBLIC LIBRARY**

**RLG GREAT COLLECTIONS  
MICROFILMING PROJECT, PHASE IV  
JOHN G. WHITE CHAPBOOK COLLECTION**

**Master Negative Storage Number:**

**OCI00074.01**

**Control Number: AES-1595**

**OCLC Number : 31394000**

**Call Number : W 382.4145 Q29h no. 3**

**Title : L'histoire du noble preux & vaillant cheualier Guillaume de  
Palerne & de la belle Melior : lequei Guillaume de Palerne  
fut filz du roy de Cecille ...**

**Imprint : A Rouen : Chez Loys Costé, libraire, [1610]**

**Format : [116] p. : ill. (woodcuts) ; 18 cm.**

**Note : Title from cover.**

**Subject : William of Palerne (Legendary character)**

**Subject : Chapbooks, French.**

**MICROFILMED BY  
PRESERVATION RESOURCES (BETHLEHEM, PA)**

**On behalf of the**

**Preservation Office, Cleveland Public Library**

**Cleveland, Ohio, USA**

**Film Size: 35mm microfilm**

**Image Placement: IIB**

**Reduction Ratio: 8:1**

**Date filming began:**

**Camera Operator:**

*12/16/94*  
*RT*







# 'Histoire du noble preux & vaillant che- ualier Guillaume de Palerne & de la belle

Melior. Lequel Guillaume de Palerne fut filz du Roy de Cecille. Et  
par fortune & merueilleuse aenture deuint vacher. Et finalement  
fut Empereur de Rome souz la conduite d'un Loupgarou filz au  
Roy d'Espaigne.

xv. F.



A R O V E N,

Chez Loys Costé, Libraire rue Escuyere aux trois  
croix Couronnées.

100-120300

*Prologue de L'acteur au Traducteur.*

Out ainsi comme la vigne qui n'est de toutes façons labourée, facilement est subiecte à mauuaises herbes & si se n'est bien & conuenablement laissée le fruit en est moins sauoureux si la conuient ameliorer autrement facilement demouroit en friche. Ainsi est des histoires antiques & choses dignes de memoire qui sont profitables & sauoureuses comme le bon vin & augmentent à ieunes gens le cœur & le courage.

Mout valent pour le passetemps de seigneurs, dames & Damoyseles eüitant oyssiueté racine de tous maux, & seruent de tresgrande recreation & aux vieux & plus anciens oyans parler des choses antiques qui digne sont de grande veneration. A ceste occasion par aucun mien amy, fut à moy humble translateur & traducteur de la presente histoire présenté l'ancien liure, auquel elle estoit cōtenuë, quasi comme en friche en grand danger d'estre perdu, adnichilée, & enrouillée doubly. Et ce considerant le langage qui estoit Romât antique rimoye en sorte non intelligible ne lisible à plusieurs fauorisans à leur requeste Rome de chose tresconuenable ay traduiet & transferé le langage de ceste histoire en lan-

gage moderne François pour à chacun qui lire le voudra estre plus intelligible. Car en icelle lisant pourra l'on veoir plusieurs faicts d'armes d'amours, & fortunes innumerables & choses admirables que aduindrēt au preux & vaillant cheualier Guillaume de Palerne, duquel l'histoire porte le nom. Si doncques lisez l'histoire attentiuement & soit chacun aduertty que comme l'on fait de la bonne vigne ie n'ay seulement taillé ne retranché les choses au premier liure contenuës qui mout semble estre absurdes & moins que raisonnable, mais aussi en ensuiuant tousiours l'intention du premier escrivain de celle à mon pouuoir ay sans sortir hors de propos adiousté en temps d'en aucunes sentences morales ou ioyeusetez le tout à la decoration & illustration du liure, comme pourrez veoir & ouyr iceluy lisant ou escoutant de vos delicattes oreilles.

L'Histoire antique du noble Cheualier Guillaume de Palerne nous racōte par le rapport du Conte de Flandres & haynaut nommé Baudouin que finalement fut Empereur de Grece apres la prise de Constantinople lequel Baudouin pour exaucer la foy catholique, mourut & souffrit martire par les infidelles. Si

fut la Contesse volant sa tante, pour & à l'honneur de laquelle, & à sa requeste fut la presenté histoire premierement rimée, escripte & ditée. Pour l'honneur de laquelle & de si haut empereur pouués facilement accroistre les choses au present liure contenues. Et nous signifie l'histoire au premier liure que iadis fut vn Roy de Cecille duc de Calabre, & Seigneur de la pouille nommé Ebron riche, puissant, craint & redouté sur tous princes de son tēps, tellement que le roi, Prince, ne autre n'eust osé sur lui entreprendre ne guerroyer. Dequoy aduertty. L'empereur de Grece lui donna à femme & espouse sa fille, tant belle sage, gēte, & plaine de vertus, & deuote enuers Dieu que rien plus. Nommée estoit Felixe plaine de toute felicité. Laquelle à cause de son bon bruiet & religion augmētoit & accroissoit merueilleusement la renommée du Roy Ebron si mary tant que toutes gens prenoient plaisir à les voir & acquiescir leur beneuolence.

*Comme le Roy Ebron & Felixe sa femme eurent vn fils nommé Guillaume.*

**S**ine furent gueres long temps en mariage le roi Ebron & la roine felixe sa fēme lās auoir lignée

que Dieu leur donna qui fust d'un beau fils nommé Guillaume duquel principalement parle c'est histoire. Beau fut l'enfant à merueilles dont le roy & la royne eurent grand ioye. Si le baillerent pour instruire & endoctriner pour son commencement à ieune aage à deux belles & sages Damoiselles nommées fut lune Gloriande & l'autre Eglantine. Sages furent & bien aprinses. Si reçurent l'enfant & firent leur plain pouuoir de iceluy gouverner, endoctriner & instruire, mais ne demoura gueres de temps que grande fortune aduint à l'enfant Guillaume, comme cy apres oyez raconter qui est chose mout piteuse à ouyr, & tout ce vint à cause du mauuais vice d'auarice qui souuent auengle non seulement les moyens ou mineurs. Mais aussi les princes & grands seigneurs qui tant plus ont, plus veulent auoir. Et ne leur chaut par quel moyen, soit bien ou mal. Si le noble Roy Ebron estoit bō & vertueux de riens ne luy ressembloit vn sien frere quel'histoire ne daigne nommer pour le vice d'auarice dont il estoit plain. Si pour pensa ce frere que d'auoir vn neveu celuy tourneroit à grand dommage & pour ce moien seroit exclus de la succession de son frere le roi Ebron. Lors ambition de son cœur estoit la maistresse luy fist

conspirer la mort de son neuch.  
Il n'eust consideration à dieu au  
grand mal qu'il faisoit, fors seu-  
lement d'en estre despeché. Si s'en  
va aux deux Damoiselles que l'en-  
fant auoient en gouuernement.  
Et tant les persuada par belles  
parolles que à force de promesses  
il les fist consentir de faire mourir  
l'enfant dont sera grand dom-  
mage s'il cas aduient, mais il  
n'a garde de danger qui de Dieu  
est preserué & gardé. Si dist l'hi-  
stoire que les deux damoyelles  
furent tant enuenimées de vice  
par la persuation de ce maudit  
homme que le venin leur fist en-  
cores d'auantage penser de faire  
mourir nō seulement le fils, mais  
aussi le pere. Helas! c'estoit vraye-  
ment venin qui tant monte que  
il attainct iusques au cœur. Si  
pouuez considerer comme les bō-  
nes personnes & innocentes sont  
bien sounēt persecutées des mau-  
uais. Mais tout gist sous la bon-  
ne disposition diuine. Mout fu-  
rent ententiues les Damoyelles  
de parfaire leur entreprinse. Le  
Roy Ebron & la Roynes femme  
& tout leur train residoient pour  
lors en la noble cité de Palerne.  
Belle fut la Cité & populeuse &  
fort enrichie de beaux edifices &  
lieux de plaissance. Prés la mai-  
stresse tour y eut vn iardin mout  
delectable. Leans auoit grande  
multitude de bestes sauuages,

tant de diuersitez d'arbres & her-  
bes odorans portans fleurs &  
fruiçs de diuerles sortes que c'e-  
stoit belle chose à veoir. La pre-  
noit souuent le roy Ebron soulas  
& recreation. Vn iour de feste se  
alla le Roy esbatre en ce iardin.  
Semblablement la Roynne & y fu-  
rēt les deux damoiselles & l'ésant  
Guillaume, dont desus auons  
parlé. La se deuisoient sans pen-  
ser à la fortune que soudain leur  
aduint. Si prenoient le Roy & la  
Roynne grand plaisir à veoir leur  
enfant qui encores n'auoit que  
quatre ans. Tant plaisant & bel  
enfant estoit qu'il ressembloit e-  
stre fils de Roy: Plus bel enfant  
n'eust on sceu trouuer en tout le  
mōde. Or vous changerons main-  
tenant ce propos pour bien tost le  
repandre pourueu que ne vous  
ennuye & parlerons du Roi D'es-  
paigne qui vn bel enfant auoit  
dont la mere estoit trespassee. Si  
fust le roy admonesté par ses ba-  
rons & seigneurs incité se rema-  
rier. Et luy fut donné à femme  
dame de grand renom qui mout  
fut subtile & cauteleuse. De leur  
mariage yssit vn beau fils. Et  
doutant la dame dont nous par-  
lons que le fils de la premiere fé-  
me succedast à la couronne & non  
le sien. Vne nuit quelle fust cou-  
chée avec le roy son mary luy dist  
telles parolles. Monseigneur ro-  
lōtiers vous diroye quelque cho-



se que l'ay sur le cœur pourueu  
que n'en soyez marry contremoi:  
Le Roy qui fort l'aymoit pour sa  
grande beauté facilement luy  
donna loisir de dire hardiment  
tout ce qu'elle voudroit s'ascrain-  
te de riens, Et que nul malgré  
ne luy en sçauroit, mais tresvo-  
lontiers l'escouteroit.

*Comme la roine D'espaigne par subtil  
moyen fist transmuier le fils du Roy  
son mary qu'il auoit eu de sa  
premiere femme en  
loupgaren.*

**B**ien grandes sont les  
estudes des mauuai-  
ses femmes, comme  
vous pourrez cognoi-  
stre de celle roine que comença à  
dire au Roy son mary. Sire dist el-  
le vous auez vn fils de vostre pre-  
miere femme qui succederoit à la  
couronne si Dieu faisoit de vous  
son commandement. Je regarde  
& considere que mon fils ou le vo-  
stre seroit en grand danger vne  
fois de mandier sa vie qui vous  
tourneroit & à moy aussi à grand  
vitupere scandalle & ennuy, mais  
s'il vous plaisoit me permettre y  
remedier ie feroye encores telle  
chose dont ne seriez aucunement  
courroucé ne marry & n'e'auroit  
l'enfant mal ne douleur. Adonc le  
Roy de vouloir effeminé auen-

glé de nouuelles amours soudain  
luy accorda sa requeste en luy di-  
sant quelle fist ce quelle voudroit  
& que luy plaisoit. Or voyez vous  
comme amourettes font sou-  
uent oublier l'amour & charité  
que doit auoir le pere à son enfant.  
Pas ne dormoit la dame que ce-  
luy fist oublier son entreprinse, Si  
tost quelle fut leuée print l'enfant  
en vne chambre secrette le mena.  
La fust par elle despouillé & en-  
oint d'un oignement quelle a-  
uoit par subtilité fait cherement  
gardé. Loignement fust de telle  
force & vertu que tout soudain la  
tendre & blanche chair de l'enfant  
fust changée en forme de beste  
muë, & luy fist perdre la parolle  
& muer toute la figure en forme  
de loupgarou. Toutesfois ne  
peut en dommager l'esprit que ne  
luy demourast grand signe d'en-  
tendement raison. Si dist toutes-  
fois l'histoire que les gestes & fa-  
çon de viure luy furent des lors en  
auant come d'un Loupgarou. Car  
soudainement comença à faire  
telle guerre à la Roine qui ainsi  
l'auoit atourné que peu s'en fallut  
qu'il ne la deuorast à tout sa gueu-  
le bée, & la eut occise sen'eust esté  
quelle fust secourue hastiuement.  
Si fust tellement poursuivy, ce  
Loupgarou qu'il fut contrainct  
prendre les champs, & tant alla  
touours courant comme beste  
enragée que finalement arriva

au pays de la pouille & Calabre,  
Cy ortrez les merueilleuses aduen-  
tures qui aduindrent au iardin  
en la noble cité de Palerne, dont  
n'agueres auons parlé. Auquel es-  
toient le Roy & la Royne de Ce-  
cille leur fils & seigneurs & Da-  
moiselles qui ne pensoient fors à  
plaisir & passe temps, mais l'on dit  
communement que tel souuent  
s'esbat & solacie qui tost apres se  
d'eust & se loucie.

*Comme au iardin auquel le Roy de Ce-  
cille & sa noble compagnie estoient  
faisans ioyeuse chere. Aduint  
vne merueilleuse  
fortune.*

**E**N reuenant à nostre  
premier propos pas-  
soient le tēps en ce iar-  
din le noble Roy Ebrō  
de Cecille, la Royne sa femme &  
la tresbelle compaigniesans penser  
au cas subit leur aduint quand le  
Loupgarou d'auenture entra  
au iardin si se tapist & mussa en  
vn fort buisson. Et estoit lors le  
frere du Roy & les deux damoy-  
selles gardiennes de l'enfant en-  
semble qui deuiloient comme le  
plus secretement ils pourroyent  
paruenir à leur entreprinse qui  
estoit de occire, tuer le roy & son  
fils. malheureux est qui en tel

conseil se frauail si bien tost ne s'e  
repent, pres estoit comme nous  
dit l'histoire du buisson, auquel  
estoit le loupgarou qui bien en-  
tendoit leur propos & deuis. Lors  
dieu de sa grace voulut que de  
leur entreprinse furēt empeschez  
car le Loupgarou commença à  
sortir hors du buisson & impe-  
tueusement courut par le iardin  
ça & la comme tout enragé, dōtle  
roy, & tous les assistans furent  
mout effroyez. Et voyans qu'il  
auoit la gueulle bée comme s'il  
voulist tout deuorer se mirent en  
fuite. Si fist ce Loupgarou vn  
saut reglissant le poil de sa teste  
la gueulle bée alsez grand pour  
engloutir vn mouton, print l'en-  
fant du Roy. Dont si fort espou-  
uenta les Damoiselles quelles  
cheurent toutes pasmées. Si em-  
porta l'enfant sans luy faire au-  
cun mal hors du iardin. Et le  
roy de ce aduertiy incōtinent cō-  
manda à les gens rescourre son  
fils, mais ce fut pour neant. Car  
le loupgarou plustost couroit  
portāt l'enfant en sa gueulle que  
le meilleur lieure ou leurier qui  
fut au monde, & telle diligence  
fist qu'il gaigna les montaignes.  
Si fust à seureté & hors des dan-  
gers du Roy & de ses gens le Roi  
& la compaignie demenerent grad  
dueil pour leur enfant qui seul  
estoit fils & vniue heritier du  
royaume mais rien ne leur vaut

le lameter. Car las mal le loupgarou passe les montaignes & porte l'enfant dedans la forest qui de long-téps ne verra le Roi son pere, ains luy conuint changer maniere de viure. Si fust poursuui le loupgarou par les seruiteurs du Roi de Cecile pour recouurer l'enfant Guillaume. Ilz passèrent la forest, mais au moien d'un profond estang, par lequel le loupgarou estoit passé à tout l'enfant n'y peurent mettre remede. Ains furent contrains de retourner & perdirent leur peine, dont fut en la court du roi demené si grand dueil que à peine le scauroit on racôter. Mais si bien eussent sçeu le pere & la mere la conspiration que l'on auoit contre eux faicte & l'auenture de l'enfant il n'eusse demené si grand dueil, car à l'aide de Dieu ia ne fera le loupgarou mal à l'enfant & bien le nourrira. & le frere du roy ne les Damoiselles ne paruiendront à leur entreprinse, comme souuent l'on dit que l'homme propose, mais Dieu de tout dispole.

*Comme le Loupgarou songneusement  
nourrissoit le petit enfant Guillau-  
me près la cité de Rome en vne  
fosse dedans la forest, & ce  
qui en aduint.*



l'endroiect lairrons à  
parler du Roi & parle-  
rons de l'enfant que  
le loupgarou empor-

toit à tout sa gueulle sans aucunement luy mal faire. Si fist tant par iour & par nuict qu'il se resconsa en grande forest, près la cité de Rome & la reposa par l'espace de huict iours entiers, en pourchassans à l'enfant ce que estoit necessaire pour viure, & à tout ses ongles & griffes vne grande fosse & parfonde fist, laquelle il garnist de herbes, foings & feugere, pour la dedans avec l'enfant soi coucher, & reposer, Si l'embrassoit & accolloit des quatre piedz mieux que ne eust sçeu faire vn pere nourrisier. Tant estoit de l'enfant Amoureux l'histoire nous racômte que la frequentoit souuent vn vacher gardant ses vaches à la pasture qui vn iour estant en celle forest tenant vn chien en lesse comme il fut près la fosse au loupgarou le chien se print à abbayer. Et cuydant le vacher que ce fust quelque beste commença à huler. Dont l'enfant eust peur, Si se print à crier.

Or estoit l'enfant seulet hors de la fosse. Car le Loupgarou estoit allé au pourchas querant viures pour leur nourriture. Et si tost que le vacher entendit l'enfant crier si piteusement alla celle part si ne sçeut que dire ne que penser. L'enfant appaisa au mieux qu'il peut & porta à sa femme qui grand ioye en demena pour la grand beauté de luy. Si luy demande-



Demanderet son nom: lequel leur  
dist qu'il auoit nom Guillaume.  
Or n'auoient le vacher & sa fem-  
me nul enfans. Parquoy delibe-  
rerent de faire Guillaume leur  
heritier & que luy venu en aage  
competant seroit maistre va-  
cher.

*Comme il aduint du Loupgaron:*

*quant il fut retourné à la fosse*

*pour bailler à manger*

*à l'enfant.*

**D**Autre part nous faut  
considérer du loupga-  
ron filz au Roy d'Es-  
paigne: ainsi atourné  
cy deuant auez ouy raconter par  
la marastre, lequel estoit allé que-  
rir viures pour luy & l'enfant,  
doat apporra grand foison, mais  
quant fut à la fosse arriué, & qu'il  
ne trouua l'enfant Guillaume que  
tant aymoît commença à hurler  
& braire: demonstrant signe de  
grand dueil & l'amentation. Tât  
alla & vint ça & la cherchât l'en-  
fant autour de la fosse que il res-  
sembloit estre tout enragé. Si fai-  
soit saux en l'air: Se iettant con-  
tre terre: mordant & deschirant  
tout ce qui rencontroit comme  
si se fut voulu occire & tuer de  
d'espit. Finablemēt se pour pensa  
debatre & de s'etir à la trasse telle  
diligence fist que il vint à la mai-

G. de Paler.

son du vacher. Si regarda par  
vn trou & apperceut l'enfant que  
tant aymoît que le bon vacher:  
tenoit entre ses bras luy faisant  
signe & chere D'amour.

Doat fut appailée son yre & à  
lui mesmes pensa que l'enfant bō  
hôte auoit trouué pour estre  
nourry traicté, gouverné & hors  
de dangers de son oncle & de ses  
damoyelles qui sa mort auoient  
iurée. Si dient à ce propos les sa-  
ges que souuentes fois mieux  
vaut aiseureté & à petite eau na-  
ger que en la grand mer se aller  
mettre en danger. A tant lair-  
rons le loupgaron qui s'eva par-  
my les champs à son aduenteure  
& de luy parlerons quant temps  
en sera. Et continuerons du no-  
ble enfant Guillaume à present  
logé en la petite case du vacher si  
orrez comme il en aduint.

*Comme l'Empereur de Rome allant*

*à la chasse trouua le filz au Roy*

*Ebron gardant les vaches*

*en la forest.*

**E** filz du roi Ebron de  
Cecille duc de Cala-  
bre & seigneur de la  
Pouille par fortune  
logé & hebergé en la case du bon  
vacher cōme cy deuant auez ouy  
fut traicté humainemēt, nō cōme  
luy appartenoit qui estoit filz du  
roy. Mais bien s'en deuoit cōte-  
B.

ref. voire Dieu louer & remercier  
qui de peril de mort l'auoit osté  
& preferué par sa grace. L'en dis  
mon opinion. Car l'enfant n'en  
eut sceu donner ses chandelles ne  
faire ses oraisons comme celuy  
qui encores n'auoit que quatre  
ans ou enuiron. Si croissoit l'en-  
fant comme le beau lis florissoit  
comme la rose entre les espines.  
Obeissant estoit au bon vacher  
& à la femme comme à la mere  
à ses propres parens. Aussi cuy-  
doit & estoit aduis quand vint  
à l'aage de cognoissance que le  
vacher & la femme fussent les pe-  
re & mere. Ainsi demeura sept  
ans le bel enfant Guillaume en ce  
boys & gardoit les vaches.

Si eut vnze ans d'aage : & lors  
commença à chasser dont plus es-  
toit songneux que de ses vaches  
garder. Bié mieux scauoit tirer de  
l'arc que enfât de son aage. Onc-  
ques ne retourna des champs  
qu'il ne fut chargé des lieures, cō-  
nins, perdris faisans & autre gi-  
bier. Il acqueroit la grace de  
tous ses compagnons & de tous  
estoit estimé désiré, & bien aymé.  
Telle fut sa fortune que en l'aage  
de vnze ans aduint que l'Empe-  
reur de Rome accompagné de  
plusieurs Cheualiers, Barons,  
& gentilz homes par cas d'auen-  
ture vint chasser en la Forest ou  
l'enfant Guillaume gardoit les  
vaches de son pere putatif. Les

chasseurs recōtrèrent le sanglier  
qui fut poursuiui à course de che-  
uaux leuriers limiers, & chiens  
courant si tref auant dedans la  
forest que les mieux montez fu-  
rent des premiers. L'empereur  
plain de courage tousiours dou-  
nât de l'esperon. Si auant entra en  
la forest suiuant sa chasse qui per-  
dit voie & sentier. Ses gens d'au-  
tre costé suiuiōt le sanglier. Tel-  
lement que l'Empereur tout seul  
demeura & tant fist que vn petit  
sentier trouua lequel suiuit cui-  
dant issir hors, mais tant plus en-  
troit dedans la forest. Si alla si  
auât qu'il vit & apperçut le loup  
garou. Dont dessus nous auons  
parlé qui estoit en la chasse d'vn  
cerf. Si commença l'Empereur à  
suiuir la chasse du loup garou  
& du cerf. Et tant & si auant alle-  
rent qu'ils approchèrent la cale  
du vacher ou l'enfant Guillaume  
gardoit les vaches & la perdit.  
L'empereur la veue du Loup ga-  
rou & du cerf : Dont fut mout  
esmerueillé. Si aduisa l'enfant  
Guillaume en guise de vacher, le-  
quel il print grât plaisir à le regar-  
der pour sa belle ieunesse & bone  
contenance : Et se print à l'arra-  
sonner en luy demandant son es-  
tre. L'enfant humblement luy  
respondit qu'il estoit filz d'un va-  
cher. Et L'empereur luy deman-  
da. Ou est la maison de ton pere,  
mais l'enfant dit qu'il n'en dira

Icy craignant qu'on voulust faire tort aux vaches, & brief parler. Tant fut l'enfant persuadé & prié par l'Empereur qui lui enseigna & monstra la case du vacher. Icy n'est besoing ramenteuoir comme le vacher eut grand peur de voir l'Empereur à sa petite case & maisonnette & des parolles qui furent lors dictes entre eux, mais tant auoit trouué de bonne grace l'Empereur à l'enfant Guillaume qui le voulut emmener en sa court. Bien à changé en peu de temps l'enfant Guillaume de maniere de viure. Et peut l'on dire que vn tel enfant en ses ans tendres n'a pas esté nourry és cendres.

*Comme l'Empereur sceut que Guillaume n'estoit filz du vacher & l'emmena à sa court.*

**L'**Empereur de Rome desireux de mener à sa court ce bel enfant pour sa gracieuse conuenance si auant interroqua le vacher qu'il sceut pour vray que du vacher n'estoit filz. Et luy compta ledit vacher sur sa foy comme il auoit trouué dedans le bois prés vne fosse sept ans auoit ia passez & comme il auoit songneusement traicté pour la debonnaireté de

l'enfant. Si luy dist d'auantage que quant il trouua l'enfant qui estoit vestu de fine escarlate semée de papillottes d'or & qu'il sembloit bien estre filz de Roi ou de grand prince. A tant se partit l'Empereur du vacher luy faisant promesses de grans salaires & remuneration pour auoir nourri & gardé l'enfant, & emmena l'enfant filz du vacher, si n'en osoit dire mot, mais il n'en pésoit pas moins considerât le commencement de sa fortune, eömença tendrement à plorer, mais l'Empereur qui le fist monter sur la croupe de son cheual luy donna tant de reconfort qu'il peut, & ainsi l'emena retournât par le sentier où il estoit venu, mais le vacher demoura en sa case plorant & l'amenant pour l'amour qu'il auoit à l'enfant Guillaume. Et tant alla l'empereur qu'il trouua ses barons qui lui racomterent comme ils auoyent prins quatre sangliers. Si fist l'empereur son cöpte du bel enfant qu'il auoit trouué, dont toute la seigneurie fut tant resiouye que impossible seroit de le racöter. A tant s'en retournerët à Rome la ou arriua le noble enfant Guillaume sans auoir demandé le chemin, mais seulement par fortune & aduenture cöme chacun peut apperceuoir par ce que l'histoire nous à cy dessus racomté. Plusieurs vont à mont à auai



souuent à pied souuent à cheual.

*Comme l'enfant Guillaume fut à Rome en la Court de l'Empereur on il fut aymé des dames & damoisselles pour sa bonne grace.*

**R**ome retournerent l'Empereur & ses gés avec la proye: si fut bien songneusement & honorablement nourry: gardé & endoctriné l'enfant par le commandement de l'Empereur. Si bien se sceut contenir l'enfant en la court & entre les dames & damoisselles que pour sa beauté, bonté, & bonne grace il fut aymé de beaucoup. Or auoit l'Empereur vne seule & vnicque fille nommée Melior: la meilleure, plus sage & gracieuse qui fust pour ce temps en tout le monde vniuersel qui estoit de pareil aage que l'enfant Guillaume. A elle fut Guillaume baillé de par l'Empereur en huy racomptât comme il auoit trouué dedans la forest en la case du vacher, & tout ce que le vacher luy en auoit compté. Et pensoit à luy mesmes que l'enfant estoit filz de Roy ou de quelque grand prince. La fille print l'enfant pour son passé-temps: lequel fut de si bonne nature, comme si toute la

vie il eust esté nourry en la court de l'Empereur. Si fust bien tost vestu de draps de soye & de veloux pour le plaisir & passe-téps de la belle Melior. Et alors le faisoit mout beau veoir: car en toute la court n'y auoit si bel enfant que lui ne si aduenant. Sobre estoit en son manger & boire facilement fut apprins à seruir les dames à tables: A tous ieux & à deuiser & à dire ioieuses sornetes à tous propos, & ce n'estoit sans raison. Car pour sa bonne grace n'y auoit celuy en la court qui ne se employast à l'instruire en ce qu'il y auoit affaire & tant creust en vertu de degré en degré que de son aage n'y auoit en la court de l'empereur n'y auoit sō pareil, & plaisant estoit à tous, obeissant & seruiable: habille de corps & bien formé en toutes perfections liberalité de ce qu'il auoit.

A bres parler à luy n'auoit que redire à tousiours deliberé estoit & à tous ieux & passe-temps que on sceut aduiser. Et principalement de tout son cœur seruoit sa belle dame & maistresse Melior, laquelle si fort le print amour que à autre n'auoit pensée tant l'aymoit parfaitement, & bien est veritable le prouerbe commun qui dit que pour bien seruir Dames ou damoisselles facilement on à la grace d'elles.

*Comme la belle Melior fille à l'empereur de Rome fut amoureuse de Guillaume filz du Roy de Cecille.*

**S**ont passées vne partie des fortunes de Guillaume: mais encorres n'a sentie le mal d'aimer ou il commence à entrer, bié peut dire que pour vn plaisir mille douleurs aura, & sentira deuant long-temps combien amours y a douceur ou d'amertume. Si tres-uaunt fut la besongne qu'il cogneut l'amour d'entre luy & la belle Melior, qui ne se peut celer entre eux. Si commença à sentir son cœur & porter armes cheuau cher gros courriers & palefrois: & experimenter à tous ieux de force de corps pour l'amour de Melior s'amie qui bié scauoit enquerir, mais des Dames & damoiselles tant fut aymé que les plus belles riches, sages, petites & grandes le prisoient, l'ouoient, honoroient, & de luy faisoient bon rapport à Melior, la fille de l'Empereur leur belle maistresse. Et dit l'histoire que tant fut Guillaume aimé & bié chery de l'Empereur qui le voulut tousiours auoir en sa compagnie comme son plus grand mignon pour sa singuliere beauté & bonne grace. A brief

parler l'on peut dire de luy que pour lors fortune luy estoit douce amiable: & gracieuse. Mais la fauce & peruerse ennemie de nature humaine, luy monstra bon propos que à elle ne se faut fier ne glorifier pour les dons de nature hōneurs & richesses de ce monde ne pour grace que on peut acquerir, car tout ce qui est soubz la puissance gist instable & est incertain, changeant & muable plus que la girouette d'vn clocher. Parquoy s'en garde qui vouldra. Car autrement comme souuent l'on dit qui cognoist le mauuais passage s'il ne s'en garde, on dit qu'il n'est pas sage.

*Comme la belle Melior faisoit ses lamentations en sa chambre pour le mal d'aymer qui l'oppressoit.*

**E**st l'histoire que fait bien à considerer que la noble Melior considerant la grande beauté & bonne grace de Guillaume son bien aymé par fois se retiroit en sa chambre à part elle considerant les vertus qui en luy estoient Amours l'auoit serué de son d'ard quand elle ramentoit par elle tous bons seruices que lui auoit fait la belle contenance & gorgiaseté de lui & come il estoit

à d'extre toutes chose honnestes  
faire: & ne se peut tenir de souf-  
pirer: & desiroit le tenir entre les  
bras à son plaisir. Puis se paſ force  
de ſoi mettre hors d'icelle pensée  
conſiderant d'autre coſté que ſi  
haute dame que celle ne ſe deuoit  
arreſter, ſinon à Cheualier de  
nom ſon pareil. Meſmes que ne  
ſçauoit qui eſtoit ce Guillaume  
& qu'il auoit eſté trouué à caſe  
du vacher comme l'empereur ſon  
pere luy auoit racompté. Mais  
c'eſtoit pour neant. Car Cupido  
le Dieu d'amours l'auoit ſi biē aſ-  
ſenée qu'elle n'auoit garde pour  
quelque raiſon ou argument con-  
traire de ſon ſçauoir oſter. Puis  
commença à dire. Las! tref-mef-  
chante & tref-mal'heureuſe que  
ie ſuis: comme ay, ie le cœur ſi  
fort l'aſche de blaſmer ou mal  
penſer celuy que tant i'ayme.

Dont mon cœur ne peut eſtre  
aſſouuy. Si ne ſe pouuoit laiſ-  
ſer la belle Melior de penſer à  
Guillaume tant eſt empriſe de  
ſamour. Si delibera à elle me-  
mes que deſlors en auant auec  
amy n'auoit que luy. Et luy di-  
roit le ſecret de ſon cœur. Si eſtu-  
dioit comment ne par qu'elle fa-  
çon luy feroit ſa harangue. Puis  
commença à conclure elle meſ-  
mes que pour le mieux ſçauoir  
par experience ſi de Guillaume  
eſtoit aymée. Conſiderant que  
c'eſt grād folie d'aimer ſans parti.

Si delibera de luy faire tous les  
ſignes D'amours qu'elle pour-  
roit penſer. Afinque l'amour d'e-  
tre eux fut premierement de luy  
d'eſcouuerté par requeſte ou par  
priere. Vous pouuez conſiderer  
des choſes qui ce pendant furent  
faictes & penſées entre eux deux.  
Si auez quelque temps eſté a-  
moureux. Beaucoup de papier  
faudroit eſcrire pour les graci-  
euſes parolles Salutations bai-  
ſers, bouquetz, Ambaſſades:  
meſſagers, banquetz, danges,  
faux gambades, pennades d'au-  
tre coſté les ſouſpirs, l'armes,  
gemifſemens complainctes, con-  
ſiderations de l'un & l'autre.

Pour les mauuais & faux ra-  
portz d'euie, male bouche ialou-  
ſie, faux ſemblans, & raiſonnables  
coniectures qui en Amours ſont  
ordinaires. Mais rien n'eſt plus  
nourriture en Amours que d'a-  
uoir meſſager ſeal pour faire les  
embaſſades des Amours dont  
bien fut pourueu la belle Melior  
comme orres cy apres.

Elior la belle tant ayma  
**M**Guillaume, & tant en luy  
miſt ſa pensée que l'on ne pou-  
uoit aucunement luy oſter. Et  
toute penſiue, regardant en elle  
meſmes à qui elle ſe pourroit d'eſ-  
couvrir dire le ſecret de ſes A-  
mours à vne noble Damoillelle ſa  
couſine nommée Alexandrine qui  
ſille eſtoit d'un côté de L'obardie



estoit belle & sage à merueilles. A  
donques l'appelle mais de prime  
face mot ne luy peut dire fors de  
son cœur d'amours esprins ietter  
souspirs comme toute deconfor-  
tée : & fust sa ioyeuse face toute  
passe & descoulourée. Et ce vo-  
iant Alexandrine la print à recon-  
forter. Et lui dist. Las! Dame que  
ie vous voy triste & pensue. Ie  
ne sçay Dame ou Damoiselle au  
monde à qui plustost ie voussisse  
faire seruiçe que à vous. Si me pou-  
uez seurement dire ce que auez  
sur le cœur comme à loialle cousi-  
ne & autre. Car tousiours suis de-  
libérée vous secourir au besoing.  
Si vous supplie humblement me  
dire la cause de vostre descon-  
fort. Adonc la noble Melior re-  
mercia grandement sa cousine, &  
luy dist Ha belle cousine ie sçay  
voirement que dites la verité,  
& estes celles en qui plus ie me fie.  
Et lors luy conta comme son a-  
mour auoit du tout mis à Guil-  
laume, & pource ne pouuoit d'or-  
mir ne reposer. Si la prie luy estre  
en tout secourable & lui doner cō-  
seil de ce quelle deuoit faire pour  
le mieux : declarant que du tout  
se fioit en elle, & bien & seulement  
se y peut faire : Car bonne & sage  
& secrette estoit Alexandrine.  
Voirement heureux est il qui tel  
amy peut rencontrer à qui les se-  
cretz de son cœur seurement peut  
dire. Voyant la sage Alexan-

drine la noble Melior sa cousine  
auoit perduë contenance pour a-  
mours qui de si pres la touchoit  
comme la perdis qui de pres est  
poursuiuie de l'esperuier mout  
fust esbahie. Et quant sagement  
eut le tout pēsé & considéré pre-  
sentement luy commença à dire.  
A Madame & bonne cousine, ie  
vous suppli que faictes cesser vo-  
stre desconfort. Ie sçay du mal  
d'aimer que c'est à dire, gueres  
n'ai veu dame d'honneur qui n'ayt  
passe par ce passage. Si vous en  
d'iray à mō aduis ce qu'il me sem-  
ble qui l'est de faire. Ie cognois  
dist elle vne herbe, de laquelle le  
iust est doux & sauoureux & sçay  
que se vne fois en auez gousté,  
que de vostre mal serez toute sai-  
ne & guarie. Voire & iamais ne se-  
rez de telle maladie oppressée tāt  
est vertueux le iust decelle herbe.  
Et tout ce disoit la bonne & sage  
Alexandrine à la belle Melior,  
cuidant donner remede au mal  
d'aymer que Melior sentoit mais  
c'estoit pour neant. Car toutes  
les herbes, pierres, & parolles du  
monde n'y eussent de rien seruy.  
De ce ne tint comte Melior : mais  
tousiours estoit son cœur à son  
amy Guillaume. Toutes-fois  
pour l'amour & reuerence qu'elle  
auoit à sa cousine luy supplia  
faire diligence de trouuer de tel-  
le herbe. Disant que autrement  
elle est en grand d'anger de mou-

rir. Et à tant fina leur propos pour ceste fois.

**A**lexandrine tint mout secret Ace propos & d'autre part Melior cerchant ses remedes & augmentant la nourriture de ses amours à autre chose ne pouuoit penser. Et quelque part qu'elle fust, il luy estoit auis qu'elle voit son amy Guillaume qui en tous lieux ausi contrepensoit comme il pourroit mieux acquerir la bone grace de sa dame & maistresse. Si fust le gentil Guillaume qui nuict couché en sa chambre. Et en son dormant comme souuent auient à gens amoureux entra en songes & luy fust proprement auis que deuant luy presentoit vne face en forme d'vne pucelle belle à merueilles. Toutesfois triste & dolente & explorée aiant le visage tout arroulé de larmes qui lui disoit telles parolles. Ami, amy ie te prie regarde moi en pitié ie suis Melior qui pour toi seuffre dure martire : ayes de moy mercy acolle moy embrasse moy faitz de moy ton amie, ou autrement tost me verras : palle : & transie : Longuemēt dura ce songe dont Guillaume ne se pouuoit rassasier & lui semble propremēt aduis que de ses amours d'eust auoir iouyssance : mais à la mode de ses songes rien n'embrassoit que l'oreille dont luy cōuint lais-

ser le d'ormir & se reueille en sursaut, si fut son plaisir changé en douleur qui ne fut sans soupirer du parfond de son cœur garde n'eust de d'ormir, ains se leue & se pourmene passant sa farsie rememorant le songe qu'il auoit fait iusques au point du iour faisant les douloureuses complaintes d'amours : & disoit à luy mesmes. Las ! que peut estre cecy, ose ie bien estre amoureux de telle dame que la fille d'un Empereur qui est ma dame & ma maistresse. A laquelle n'est digne le plus noble Cheualeureux de tout le monde : c'est à moy grant folie de telle chose entreprendre dont ne scauroye venir à chef : si m'en doy ie trop bien garder veu que trop grand y estoit le danger sageement propoloit Guillaume : mais amours qui amolist les cœurs plus durs que pierres ne rochers le tendit si fort & ferme entre les lacs que toutes résolutions & raisons n'y seruent de rien : Si sont d'amour les tours si vigoureux doux penser au regard gracieux. Vne parolle ou vn mot seulement me rend raison hors de l'entendement.

*Comme Guillaume apres s'estre lavé fort esbahy du songe & vision s'en alla e:battre en vn iardin deuant la chambre de la belle Melior.*



**A**insi naure le gentil hō-  
me du d'ard d'Amours  
delibera que par raison  
ne luy appartenoit de  
mettre son Amour en si haute  
dame que Melior fille de l'Empe-  
reur : Mais son cœur ne peut  
souffrir ne sa memoire oublier :  
celle au vif le Dieu d'Amours en  
son souuenir auoit emprainte.  
Il print son manteau & habille-  
mens gens & honnestes. Puis  
s'en va disant ses heures en vn  
iardinier vis à vis de la chambre  
de sa tant desirée Dame Melior  
& soubz vn pōmier se assiet tout  
pensif regardant vers la fene-  
stre de la chambre de la belle.  
Considerant à luy les fortunes  
& aduentures souuent souspire.  
Puis muë & change de couleur.  
Mout de grand travail à en son  
corps & en sō esprit ainsi se main-  
tint tout le iour en ce iardin  
sans boire ne manger. Et quand  
la nuit fut venue retourna en  
sa chambre. Or auoit il bonne &  
noble hostesse en la ville de Ro-  
me près la tour de L'empereur si  
dist Guillaume à son hostesse qui  
estoit mal de sa persōne & se trou-  
uoit tout à mal aise & vouloit re-  
poser, & pour remonstrance que  
lui fit sa bonne & loialle hostesse  
ne voulut boire ne manger. Voy-  
la comme Amours traicte les  
pauures Amans : & le faict sou-  
uent de ces douces liqueurs mix

G. de Paler.

tionnées de rigueurs viure sans  
boire ne manger tant que plusi-  
eurs en ont gousté le bruvage de  
mortelle expiration. La nuit pas-  
sa qui fut sans reposer ne d'ormir  
& le iour vint que la bonne ho-  
stesse pria le gentil Guillaume de  
prendre le vin deuant son partir  
selon sa coustume, mais pour-  
neant luy eust deschiré les man-  
ches. Car le gentil Guillaume  
n'auoit souci de boire ne manger.  
Et à tant se partit de son logis  
& droit au iardin s'en va : ainsi  
fist toute sa semaine sans autre  
chose faire que penser à ses A-  
mours, & ne prenoit reserctiō que  
bien peu à la grande persuation  
de sa bonne hostesse. A ceste cau-  
se commença laisser sa belle cou-  
leur : & face virille : & ioyeuse &  
deuint blesme : mesgre, pale, &  
transi non seulement par faute de  
boire & manger : mais ausli pour  
le mal d'aimer qui si fort l'oppres-  
soit. Que pourroit on dire de luy.  
Il vit en l'anguissant : il l'anguist  
gemissant : il gemist soupirant il  
est couché au liēt de desconfort  
mort le tient en ses las s'il n'a bres  
reconfort.

**L**A belle Melior d'autre costé  
n'en auoit pas moins, qui  
fort s'esmerueilloit de ce que plus  
ne voit son bien aymé Guillau-  
me. Et de ce en demande conseil :  
à sa belle cousine Alexandrine.

laquelle le secret auoit en disant.  
Helas! ma bonne cousine amie,  
que peut estre de Guillaume d'ot  
ie vous parlay il y à huit iours  
il fouloit en ma chambre venir  
& prenoye plaisir à le regarder,  
mais depuis le temps que ie  
vous en parlay ne l'ay veu ne  
apperceu. Et alors commença à  
faire les grans complaints qui ne  
fut sans plorer & l'amenter avec  
plus de mille regretz & soupirs  
en soy cōplaignāt que de l'amour  
de Guillaume ne se pouuoit oster.  
Helas! disoit elle ma cousine aués  
vous trouué de l'herbe dont par-  
lém'auéz qui doit guarir du mal  
que ie sens. Je vous supplie ne  
m'en celez rien, & me donnez cō-  
seil en c'est affaire mais Alexan-  
drine autre responce ne luy sceut  
faire fors que encores n'en auoit  
sceu trouuer combien qu'elle en  
eust faict grande diligence & que  
bien tost en trouueroit en priāt  
la dame de auoir patience, & que  
Guillaume n'auoit elle veu huit  
iours estoient ia passez, mais dist  
elle Madame iespere que biē tost  
nous le verrons. Et vous prie  
Madame, & me semble bon que  
allions passer le temps en ce ver-  
ger plaisant & delectable, si cueil-  
lerons des fleurs telle que nous  
voudrons choisir & ferons bouc-  
quetz oyant le chant armonieux  
de ses petits oyseletz en passant le  
temps & ostant toute melencolie.

A cela Melior se accorda & con-  
sentit, & ainsi s'en vont ensemble  
en ce verger. A la venue des  
deux nobles dames commence-  
rent le mauuais, la tourterelle &  
le doux Rosignolet, à iouer leur  
chant Ramage de leurs dances  
gorgerettes. Les deux gracieuses  
Damoyselles se asfirent souz vne  
autre belle & gēte fueillée & fort  
vmbageuse. Sur l'herbe verdo-  
iant estoient regardant ces belles  
fleurs, si estoient la deuissant de  
leurs Amourettes. Impossible  
est de racomter tout ce que lors y  
peurent dire l'un à l'autre faisans  
leurs complainctes car l'on dit  
parlant du secret des dames. Ce  
sont auant piedz de chausses à  
femmes. En deuissant la belle Ale-  
xandrine qui regardoit par le  
iardin & la va aduiser Guillau-  
me souz vn vert pommier fleury  
qui tout seullet estoit en l'ombra-  
ge endormy, si le dit incontinent  
à Melior la Dame qui tout sou-  
dain commença à fremir trem-  
bler & changer de couleur en  
mainte guise, si fut long-temps  
sans parler de peur que ce ne fust  
songe ou fantasie.

*Comme Guillaume & Melior estant  
en vn verger parlerent ensemble  
semble de leurs amours &  
des propos qu'il eurent  
entre eux.*



**M**Out fut sage & fort  
prudente Alexandri-  
ne & bien cogneut le  
courage de Melior,  
voyant sa gentille face muer de  
couleur & quasi perdre conte-  
nance, si se auança & luy dist. Ha  
Madame c'est Guillaume sans nul  
le faute qui est couché souz ce  
Pommier, ie croy qu'il n'est gue-  
res à son ayse.

Allons le veoir & à l'aueurure qu'il  
s'est icy venu esbatre, & s'est illec  
endormi: allōs y ie vous supplie. A  
tāt se sont les deux puceiles leuées

& allerent vers Guillaume que  
tant elle aymoît belle chose est  
veoir à son aise la personne qu'on  
ayme, & la bonne contenance de  
son d'ormir lui rendoit couleur à  
son gracieux visage. Ainsi pre-  
noit grant plaisir Melior à regar-  
der la perfection & bonne grace  
de son ieune, gentil, beau, & plai-  
sāt Amoureux, & lui sembloit ad-  
uis que au monde n'y eust son sé-  
blable de beauté. Volōtiers l'eust  
baïsé & acollé tant fut esprise d'a-  
mour feruente, mais par raison  
qui est le guidō & porte enseigne



de l'honneur des Dames refrain-  
gnit le pas, si le g<sup>r</sup> corps de Guil-  
laume reposoit, pas ne d'ormoit  
l'esprit, Car aduis luy estoit par  
s<sup>o</sup>ge qu'il veoit Melior qui toute  
sa pen<sup>l</sup>ee auoit rauie & Alexandri-  
ne sa cousine ysir de leur cham-  
bre, & que à lui venoient ioyeu-  
ment & luy apportoint une rose  
qu'il receuoit de la main de Me-  
lior, dont tellement estoit resiouy  
qu'il ne sentoit mal ne douleur, ne  
greuance, & ioyeux quasi outre  
mesure, dont se refueilla en sur-  
saut tout esbahy, esmerueillé de  
veoir les deux Damoiselles près  
de luy. Si les saluë gracieusement  
le plus tost & humblement, qu'il  
peust, & Melior luy dist.

Dieu vous saul beau & doux ami.  
Ce mot doux amy penetra Guil-  
laume iusques au parfond du  
cœur, si que de long-temps ne  
peut parler, d'ancer, chanter, ne  
rire. La gr<sup>d</sup> douleur d'amouret-  
tes le saisit alors si tres-uant que  
fremir, rongir, & tressuer, le fist  
sans dire mot donc, bien apper-  
gent la belle Alexandrine que sa-  
ge estoit le maintien de Guillau-  
me, si sauua & lui dit mout cour-  
toisement. Sire dist elle ie vous  
prie dictes moy comme vous  
vous portez, & que faictes icy, no-  
ble Damoysselle dist Guillau-  
me, ie m'en vois tout mourant  
ne culde pas que ie viue encore  
un mois. H<sup>l</sup>es vous dist Ale-

xandrine si Madame que dictes,  
doux amy, il luy respond que ouy  
& encores plus qu'il ne disoit.

Doncques dist la Damoysselle di-  
ctes moy ou vous tient ce mal.  
Ma Damoysselle dist il par tout  
le corps me tient, membre n'ay  
sur moy qui ne s'en sente, si vou-  
lut la Damoysselle plus auant sca-  
uoir comment & par qu'elle ma-  
niere il sentoit son mal, & de ce  
l'enquist tresinstamment. Si com-  
mença Guillaume à dire ainsi.

Ma Damoysselle puis que tant  
me presse & rien ne vous en celle-  
ray. Vray est, dont i'ay gr<sup>t</sup> mer-  
ueille que souuent me point  
mal au cœur qui me fait auoir  
puis chaut, puis froit trembler &  
suer. Souuent m'est aduis que  
mon pauvre cœur de moy se de-  
part, si ne scay ou il va ne dont il  
reuiert. Je ne scay imaginer ne pe-  
ser qui ainsi le me retient, & croy  
que pieça fusse mort, si ne fut que  
ie vis seulement de menues pen-  
sées qui me nourrissent, or pour  
me resiouyr & passer mon mal, ie  
m'estoie venu solacier en ce plai-  
sant verger, si me suis endormy  
comme celuy qui grand besoing  
en auoit, car plus de quinze iours  
à que d'ormy n'auoye. Certes dist  
la Damoysselle, volontiers scau-  
roye la cause de vostre mal, mais  
qu'il ne vous viennent à desplai-  
sir, si luy respond Guillaume que  
à homme ne femme iamais ne le

dira. Bien entendit Alexandrine dont procedoit le mal, si luy dist en parolles roubertes. Denc c'est quelque mal d'auenture, & continuant sont propos d'auenture lui dist ainsi. Ma Damoyse par auenture l'homme vit en ce monde, par auenture l'onse meurt tout passé par auenture. Auenture faire maladie venir, & puis guerison, & par auenture du ciel chéent tēpestes & tonnerres. Si maintenant ie suis au parfond de la mer des auentures de ce monde loing du port, d'oric puis se seurement yslir. En grad d'anger me voy de perir, & de moy approcher la mort. Ainsi par les vndes impetueuses m'envois flotant en attendant mes auentures & fortunes à passe, mais vn sospir amoureux luy fit rompre le propos, si qu'il ne peut à demy conclure de ses auentures.

Ongnoulement escoutoit la Sygentille Melior tout ce que Guillaume auoit dit. Si disoit sans parler. Helas! que le mal que ie sens est semblable à celui de toy mon loial amy, dont tu es la cause, mais ie ne ose dire. O Amours, pourquoy mē faictes vous maintenant d'vn si noble vassal estre Amoureuse. Et si fort esprise qui ne scait le pere qui la engendré. Et moy lassé qui tāt de Roys Ducz, Comtes, Barons, & no-

bles Seigneurs subiectz à mon pere, & souz son Empire ne tient compte. Et de ceste Amour oster ne me puis en nulle maniere. Helas! biē me deuroit l'on d'espriser. Puis en sa cōsciēce qui la remort, se reprint & dit que meschāte feroit de mal penser: reprocher & mal dire de celui que tāt elle aime. Sa resolution fut que bien pouuoit à son plaisir amy choisir, elle qui de si haut lieu estoit heritiere. Et delibera de suyuir la penſée, & que mieux aymoist amy ieune gentil, riant, vaillant, sage, prudent & amoureux, courtois, & debonnaire, que vn riche Roi, Prince, Marquis, fier, orgueilleux & trop audacieux. Et imaginoit la vertu bonté & prudence de Guillaume estimāt que au monde n'auoit son pareil. Et en changeant son propos, Croyez dist elle sans parler que tel personnage est né & extraict de haut lieu il est bon à veoir à ses gestes, ainsi pourſuinoit Cupido les deux Amans. Et ne restoit que la parolle & le faict. Alexandrine qui des deux Amoureux voioit les gestes & scauoit les secretz se adressa à Guillaume, en luy disant. Sire ie appertoy vrayement que allez nageant à deux riuēs ne scay qu'elle part pēd vostre ballance si cuiday ie bien tant faire pour vous que esgallement viendrez à bon part, & les poix & la balāce serōt

d'accord. A ces parolles Guillaume entend que Alexandrine cognoist son affaire. Si lui dit ie vous crie mercy Madame. Et dequoy dist elle. De mon cœur de ma vie qui en vostre puissance sont: car si de moy n'avez pitié ie suis certain d'estre en gros danger de mort. Et de cela tenez la balance en vostre main ie ne le vous ose dire: pource que avez le cœur franc & noble, de cela belle dame à vous du tout mon cœur ie me recommande.

*Comme par Alexandrine fut fait  
le traité d'amours d'entre Guil-  
laume: & Melior fille de  
L'empereur.*

**B**ien entendit Alexandrine le bon courage de Guillaume & lui dit que hardiment eust en elle fiance. Si appella sa cousine Melior: & luy fist le message d'amours: de la part de Guillaume: & si bien fist la harangue & le message que tost furent assemblez les Amans à leur desir, car aux parolles & remonstrance de Alexandrine fust Mellior incitée à pitié & cōpasion avoir de Guillaume que tant elle aymoît qui pour l'amour d'elle s'é alloit mou-

rant. L'histoire ne dit en ce passage que souz ce pōmier feuilleu & vmbrageux les deux amans la cueillirēt pommes d'amourettes: ne qu'ils entrassēt iusques au don de mercy, mais bien dit que ensemble seulletz furent soubz ce Pommier doux iusques à la basse vespere. Et ce temps pendant Alexandrine cueilloit les fleurs violettes par le verger: laissant les deux amans parler & deuïser de leurs amours à leur aïse. Si s'entrepromirent Guillaume à la belle Melior de loiaument aimer par honneur, sans iamais l'un l'autre laisser ne habandonner: Pour fortune qui leur d'eust aduenir. A tant s'approche la nuit que au gré des amas fut trop tost venue: car iamais de la n'eusse voulu départir Alexandrine leur remonstra que temps estoit de eux retirer. Si prindrent les deux Amans congé par vn baiser gracieux di sans l'un à l'autre A Dieu sans A Dieu iusques au rencontrer comme auoient entrepris pour ensemble prendre leur recreatiō & soulas en tout hōneur & honnesteté, mais noublia Guillaume de humblemēt remercier Alexandrine qui tant de biē & d'hōneur luy auoit fait luy offrant corps & biens & seruice à tous iamais, ainsi se retirent chacun en son logis Et au regard de Guillaume ne faut demāder s'il d'ormoit & repes-





sa richement celle nuictée: car bñ  
 besoing en auoit. Si fut sa bon-  
 ne hostesse fort ioleuse de le voir  
 ainsi gay & de hait l'endemain au  
 matin s'en va Guillaume à la  
 Court de L'empereur ioyeux &  
 deliberé. Il fut bien venu com-  
 me de coustume estoit si tant tas-  
 cha de la en auant de faire tous  
 seruices: honneurs & plaisirs à sa  
 dame Melior sans en ce acquerir  
 blasme ne deshonneur & ainsi du-  
 rerent longuement leurs amours  
en tout plaisir ioye & liesse.

Comme le Duc de Saxonie entre-  
print grosse guerre contre le tres-  
noble Empereur de Rome

**N**ouvelles vindrēt cer-  
 taines en la court de  
 l'Empereur de Rome  
 que le duc de Saxon-  
 ne par son orgueil & outrecui-  
 dance estoit entréen la terre de  
 l'Empereur à tout son armée ga-  
 stant & pillant le plat pais & fai-  
 sant domage aux subiectz de l'em-  
 pereur, lequel cuyda despassion-  
 ner. Et incontinent enuoya mes-  
 sagers en toutes pars tout semō-  
dre Barons, Cheualiers, & Es-

cuiers: pour venir par deuers luy pour le seruir en ceste guerre comme ieunes estoient. Ce qu'ils firent sans faillir & en vint par deuers lui grand nombre si bien armez & equippez qu'il n'y auoit rien que redire. Tost fut assemblée l'armée de L'empereur. Quoy voyant le gentil Guillaume qui ne demandoit que les armes incontinent se va presenter & mettre à genoux deuant L'épereur: & fort humblement fist requeste d'estre Cheualier. Dont ne fust esconduit, car de ce fust L'empereur grandement ioyeux, & pour l'amour de luy en fist venir deuant luy quatre vingt ieunes escuyers tous fils de nobles princes, & de la taille de Guillaume. Lesquels fist Cheualiers: Et à tous donna cheuaux & harnois & tout ce qui estoit besoing à cheualiers de non Si leur donna Guillaume pour leur capitaine guide & cōducteur. Toute l'armée se print à remarcher vers le pais de Saxonne. Et tant firent par leurs iournées qu'ils bien près arriuerent de leurs ennemis qui en grand nombre estoient avec le duc leur maistre & Seigneur. L'empereur qui dedans son armée estoit, ouyt le plaintif de ses gens: & vit le degast que les Saxons auoient fait en la terre, dont fut mout yré & courroucé. Si tint son conseil avec ses barons, par lequel fut conclu de

assaillir l'aduersaire. Adonc commencerent à sonner cors: tabours trompettes & clairons. Chacun se tint souz son enseigne. Lors eussiez veu gens d'armes monter à cheual: la lance au poing: Cheuaux sauter & bondir en l'air enseignes, estandars volleter de toutes pars que c'estoit belle chose à veoir. Tout l'ost comença à marcher, & n'y auoit celui qui ne fust bien deliberé de seruir L'épereur qui demeura derriere pour la seurété de sa personne selon l'avis de son conseil. D'autre costé estoit duc de Saxonne qui auoit grand nombre de bonnes gens de guerre qui guerres ne prisoient Allemands Lombards ne Tuscans ne tout l'ost de L'épereur. Si enuoya le riche duc de Saxonne un heraut par deuers L'empereur & lui manda par son orgueil que plus ne preane de peine de faire marcher son ost si auant. Mais qui luy assigne iour pour combattre: & qu'il le attende hardimēt, & soit bien garny de tout ce qu'il luy faut, car bien trouuera à qui parler. L'empereur ouyt la semonce du heraut: incontinent donna iournée au l'endemain, dont tout l'ost demena ioye. Car il n'y auoit homme qui n'eust grand desir de seruir L'empereur & le venger de l'injure & dommage que on luy auoit fait.



**A**vpres de L'empereur estoit tousiours Guillaume & bien entendit qu'il estoit question de combattre.

Si luy requist L'empereur de le monstre cheualeureux: & à brief parler n'y auoit cheualier en l'ost qui si grand desir en eust. Si fist responce à L'empereur que son corps & sa vie estoiet à labandon pour loyaument le seruir contre ses ennemis disant. Sire Empereur que rien ne me quiers vanter. Mais demain verra l'on qui bon cœur aura. Le iour de la bataille venu le Duc de Saxonne donna ordre à son armée. Si parlemente à ses gens & les semont de bien le seruir, & que chacun se monstre vertueux & loyal. D'autre costé L'epereur faict ses gens armer & monter à Cheual bien equipez mis en ordre pour cōbattre vaillamment. Si dist Guillaume à ses compagnons. Mes seigneurs & amis vous sçauiez que L'empereur nous a faitz tous cheualiers, & sommes ieunes, fors & puissans. Chacun de nous est tenu de loyaument le seruir, puis que à son secours nous appelle & que tāt de biē & d'honneur nous a faict. A ses parolles n'y eut celui de la compagnie qui ne print cœur & courage si luy firent responce que avec luy vouloient tous viure & mourir Cheualeu-


G. de Paler.

reusement. A tant se ioignirent les batailles d'un costé & d'autre. Si l'un assaut l'autre se deffend. Mais les Saxons qui duiēz estoient à la guerre, cruellement occirent les Lombars que force leur est de d'esmarcher & en grād d'anger fut L'empereur de perdre la bataille. Et cē voyant le gentil Guillaume print courage & avec sa bende commencerent à donner des esperōs & se ferirēt si impetueusement entre les Saxons qu'ilz faisoient trembler la terre & sembloit des Lyons affamez qui tout voulussent deuorer. Celuy n'y eut à l'armée qui ne abbatist son homme à coup de l'ance. Si firent tant de vaillance & de proesses que bien tost rōpirent & mirent en desordre l'armée du Duc de Saxonne. Qui eust lors veule gentil Guillaume de Palerne faire faictz d'armes cheualeureux, réuerfer cheualiers & cheuaux par terre, couper testes, bras, & iambes, bien eust loué Dieu qui tel cheualier auoit mis sur terre, Car homme tant fust hardy ne le vouloit attendre & tous s'enfuoient deuant lui comme font les brebis & moutons deuant le loup. Ceux qui recullez estoient voyans la proesse de Guillaume & sa bande reprennent courage & vigueur. Et se firent entre leurs ennemis, comme sont chiens enragez, pre-

D

ans courage pour leur honte  
sauuer. Il est bien vray ce que  
autres-fois l'ay ouy dire de la  
guerre que il ne faut que vn mes-  
chant & l'atche pour gasier tout,  
& vn vaillant & hardy pour en  
venir à bout.

*Comme le Cheualier Guillaume fist  
vaillances & preesses innumera-  
bles & commença à crier vne  
Palerne par miracles &  
sans penser.*

 Ceste fiere rencontre  
mainte lance furent  
rompuës, Et maint  
Haubert froissé, Et  
maint homme & cheual rue par  
terre. Et tant fist Guillaume par  
sa vaillance & prouesse que  
bien tost les Saxons eurent du  
pire, qui pour crainte de lui & re-  
gardans les vaillans & nobles  
faictz d'armes tournerent le dos,  
furēt poursuiuis à course de che-  
ual, comme l'esprenier apres la-  
louette, A ceste poursuite récon-  
tra le noble Cheualier Guillau-  
me, Thierry le noble Cheualier  
neueu, Duc de Saxonne che-  
ualier de haut pris & de nom qui  
mout se penoit & parforçoit de  
les gës encourager & voit que par  
le Cheualier Guillaume & par  
sa vaillance son oncle est en d'an-  
ger de perdre la bataille, si pique

son cheual & au trenchât de son  
espée s'en va couppant bras &  
iambes à ces L'ombars que mer-  
ueilles estoit de le regarder.  
Mais quant Guillaume l'appera  
ceut ainsi dommager ses gens,  
se met en la presse iusques aux  
lieux plus d'angereux cherchant  
Thierry son aduersaire pour cō-  
batre. Et tost le rencontra. Si  
picque de l'esperō & à pointte de  
lance les deux cheualiers l'vn à  
l'encontre de l'autre courent cō-  
me tempeste si fut le coup de  
Thierry si grand que l'escu de  
Guillaume pourfendit de part  
en part. Et n'eust esté le haubert  
qui fut de fin acier le coup eust  
passé au trauers du corps Guil-  
laume rompit sa lāce qui n'estoit  
assez forte, si print son espée & si  
grand coup en donne à Thierry  
sur le heaume qui le fedit iusques  
aux dēs & le fist trespucher mort  
à terre en criant vne Palerne sās  
penser à ce qu'il disoit, mais com-  
me celuy qui de courage estoit  
plain, bon heur luy mist ce mot  
en la bouche qui estoit le nom de  
la ville dont il estoit Seigneur &  
heritier, qui fut chose miraculeu-  
se, Lors renforça Guillaume son  
courage, si rencontre vn cheua-  
lier fier & orgueilleux nommé Ia-  
son, & du premier coup luy passa  
vne lance parmy les entrailles.  
De celle couffe n'e fist pas moins  
à vn nommé Gortias chastellain

**L**e Cremonne le plus cruel & le plus felō de toute l'armée du duc qui mout de gens de l'Empereur auoit rué par terre, Et commença derechef à crier viue Palerne. Encores ne fut pas l'as de bien ferir si se adressa à vn nommé de Glofatre fort & puissant, & tel coup luy donna de son espée qu'il luy fit la teste voler par terre. Si grāde fut la meslée & occision que impossible seroit de le racōpter tant eussiez veu de cheuaux courans par les champs trainans leurs boyaux, De gens d'armes gisans par terre, bras, testes, & iambes, & sang courant à grans ruisseaux, lances, haches espées, & d'agues & de morts grāds mōceaux gisans par terre que cestoit grand pitié à veoir.

**M**out fut dolent le duc quant il sceut les nouuelles de la mort de son neveu. Si en eut en son cœur si grande desplaissance que nul ne le pouuoit recōforter & de tel dueil en demena que pasme cheut à terre & quant fut reueu de pamoisō il faisoit si grās regretz que homme n'y eust en la cōpagnie qui de pitié ne se print à ploser. Lors le Duc par grand d'espit se print à blāmer & tēcer ses gens & diroit que à eux estoit grand honte de si longuement laisser durer vn homme seul qui tel dōmage luy faisoit. A ces pa-

rolles vne grosse flote de gēsdarmes se vont ferir sur Guillaume comme chiens & leuriers'apres le cerf. Qui lors eust veu Guillaume courir son corps deson espée & desfiēdre virillemēt contre ses ennemis, il les renuersoit par terre, & couppoit & detréchoit bras & iambes aussi menu que cher à pastez, & aux autres donnoit la fuitte & ne sētoit coup qui dōné luy fust, tant auoit le cœur courageux. Ce voyant le duc à haute voix luy escrie en disant vassal à ce coup comparez le dōmage que faict m'auez d'auoir mis mon neveu à mort. Bien l'entendit Guillaume & luy respond en ceste maniere. Grant tort auez seigneur Duc. Car ie l'ay fait en mon corps deffédāt i'aime mieux qui soit demeuré en la place que moy. Or luy dit le Duc rens tōy à moy, car eschaper ne me pourras si te feray demain au plus matin pendre & estrāgler par le col. Certes dist Guillaume encores suis icy, prenez moy se pouuez & n'aie de moy mercy se ne voulez, car iesçay de vray se vne fois ie suis en voz mains à mauuais port suis arriué, mais i'ay bonne fiance en Dieu que tant que ie riendray ma bonne espée ie vous chastirai de telle sorte que ne me prēdrez & ne me ferez pēdemout fut iré & courroucé le duc quāt si audacieusemēt ouit parler Guil-



laume. Si s'escria à ses gens que tost il soit prins ou que on luy en aporte la teste. Et lors coururent contre Guillaume trois riches Côtes vaillans & cheualeureux si ferirēt tāt Guillaume qui virillement tousiours se deffendoit fut de son cheual qui las & hors de sō alaine estoit rué par terre, prins lié & garotté & le emmenerēt en luy faisant plusieurs maux. Ainsi le vont menant à la coste d'une montaigne. Et ce pendant son cheual s'en va rendre au lieu ou les gens de Guillaume estoient dont furent mout effrayez voyāt le cheual sans bride & sans selle toute rougie & vermeille de sang si ne sçauoiēt que dire ne penser, & leur print grand talent de eux mettre en fuite, mais aperçeurēt au val de la montaigne que les gens au duc emmenoiēt Guillaume prisonnier, Parquoy reprennent courage & celle part à course de cheual & poincte de l'ance s'en vont, grand pitié eurent quād ainsi le veirēt lié & garotté comme vn l'arron, Si se mettent en la meslée comme ceux qui pour l'amour de luy ne craignoient la mort, A leurs secours incontīnēt vint l'Empereur à tout plus de vingt mille hommes. Qui lors eut veu la fiere bataille bien se d'eust esbahir, les gens de l'Empereur renuersoient les Saxons comme la gresse qui sur la teste tom-

bo. Et si bien besongnerent que guillaume le noble cheualier fut rescoux, Desliez ses yeux desbendez & lui fut baillé vn cheual blāc cōme vn signe, s'z bōne espée luy fut renduē. Et quand ainsi se veit monté remercia Dieu de tout son cœur, si commença auec sa bande à payer sa rançon de grāds coups d'espée comme celui qui oublié n'auoit les maux qu'ō luy auoit faictz, le cœur auoit eschauffe pour seruir L'empereur loyaument. Si ne demandoit autre chose que rencontrer le Duc de Saxonne, mais auant qu'il le peut récontrer maint coup d'espée donna, & maint Cheualier renuersa par terre.

*Comme par Guillaume fut prins le duc  
de Saxonne prisonnier & les Saxons  
deffaictz au grand triomphe, honneur &  
preiudice de l'empereur.*

**T**ant fist le Cheualier Guillaume qu'il aduifa le riche duc de Saxonne plus fier & orgueilleux que Lucifer qui à meilleur de ses gens estoit cōtrefaisant de l'epereur. Lors Guillaume picque des esperons son blāc cheual qui plustost va que l'arōdelle, & d'une espée bien assuree luy met l'escu en deux pieces, le coup descend

sur l'espaule si rudement que hō-  
me & cheual fist tresbucher par  
terre, alors luy dist seigneur duc  
maintenant elles mon prisonnier  
si puis faire de vous tout ainsi  
que de moy vouliez faire toutes-  
foys si rendre vous voulez meil-  
leure courtoisie vous ferai, car ie  
ne quiers vous faire mourir ne  
pēdre. Quād le duc l'entēdit ain-  
si parler à ioinctes mains luy prie  
que pour dieu ne le occie biēvoit  
que secours ne pouuoit auoir de  
nully, Car tous les gens estoient  
en fuite & se rendit au noble che-  
ualier guillaume en luy presētant  
l'espée. Ainsi prêt Guillaume son  
prisonnier, & le presente à l'empereur,  
ioyeux en fut ne faut pas  
demander comment. Si commē-  
cerent Saxons à prendre la fuite.  
Ainsi fut la victoire obtenue par  
l'epereur, par la vaillāce de Guil-  
laume le gentil cheualier, dont  
l'empereur print en son courage  
de l'auancer & recōpenter cōme  
tresbien l'auoit meritē, Alors vo-  
ians les gēs de l'epereur auoir du  
meilleur & tenir en leurs mains  
le duc, suivirent leur pointē & si  
impetueusemēt poursuivirent les  
Saxons qui en fuite estoient que  
frere, parent ne cousin n'auoient  
loisir de secourir l'un l'autre, & le  
meilleur harnois estoit la pointe  
de l'esperon. Bien heureux estoit  
celuy qui sauuer se pouuoit. Tous  
eussent esté mis à mort, mais la

nuit & vint, parquoy l'empereur &  
le cheualier Guillaume firent son-  
ner la retraicte. Si retournerent  
les gēs de L'empereur à tout sept  
cens prisonniers, Comte Barons,  
& autres bons cheualiers & la ba-  
taille gaignée.

*Comme l'Empereur apres que par la  
prouesse de Guillaume de Palerne,  
Il eut en ses prisons le duc de  
Saxonne s'aisit toutes les  
terres appartenantes  
audit Duc.*

**L'**Empereur de rome a-  
pres la bataille gaignée  
si bien recompensa ses  
Cheualiers & gēs d'ar-  
mes que tous firent tres-bien  
contens Puis par toute la Du-  
ché de Saxonne se trans-porta &  
mist en sa main toutes les ter-  
res du Duc & print foy & hom-  
mage de tous seigneurs mettans  
bonnes & fortes garnisons es vil-  
les chasteaux, & fortes places de  
la duché. Ainsi furent les Saxons  
mis en l'obeissance de L'empereur  
& le duc prisonnier qui ainsi fut  
mené souz bonne & seure garde à  
Rome cōme esclau regrettant  
sa perte & la mort de ses amis.  
Et congnoissant que par son or-  
gueil & outrecuidance luy estoit  
auenuē celle fortune. Si en print  
en son cœur si grand melencolie  
que de courroux & desplaisāce se

laissa mourir. Et ainsi fina ses iours en dueil & descōfort. A celle fin paruint le duc de Saxonne par orgueil & outrecuidance & faute de obeissance : mais il n'est pas seul qui ainsi ayt finy ses iours. Car de telz és anciennes & nouvelles histoires en pourroit on trouuer vn nombre innumerable. Le Duc mort & trespasé fut honorablement en sepulture. L'empereur & ses gens tant firent par leurs iournées que en brief temps à Rome arriuerent à grande ioie & triomphe. Les nouvelles vindrent à Melior de la venue de son pere L'empereur : & qu'il auoit eu victoire à l'écontre de ses ennemis. Si ne fust de ce assez cōtente : car elle n'oublia séquerir aux messagers comme Guillaume se portoit. A celui firent response que par Guillaume & par sa prouesse & vaillance auoient eu victoire contre leurs ennemis & luy, compterent de fil en esguille les vaillances qu'il auoit faictes en la bataille & que sans luy toute L'empire eust esté en grand d'anger.

**E**T quant Melior entendit ces bonnes nouuelles ne faut demander si elle eust en son cœur grand ioie : mais comme sage & prudente bien sceut celer sa pensée. A tant arriuerent à Rome L'empereur & ses gens qui ioieu-

sement furent recueillis & en grand triomphe Melior fist le gracieux recueil à son pere, comme bien le scauoit. Si fist elle sur tous autres au cheualier Guillaume de Palerne, luy disant secrettemēt que à luy vouloit en sa chābre parler. Le cheualier luy fist signe de n'y faillir. Ainsi passa l'yuer & printemps iusques au iour de Pasques ensuyuant que ce pendant Guillaume de Palerne & sa dame & amie Melior prenoient ioyeux esbatemens & ioulas ensemble, sans penser en aucun mal ne deshonneur & neussent sceu viure vn seul iour sans eux esbatre à deuiser de leurs amours & passer tēps ensemble.

**L**E moys de Mars passé : pasques approcherēt que L'empereur pour aucunes causes manda venir par deuers luy plusieurs princes & seigneurs, A son mandement vindrent à Rome plusieurs barons & Seigneurs, tant que la ville estoit toute pleine de seigneurs. Si y furent ennoiez de par L'empereur de Constantinople trente barons de Grece, portans chacun vn rameau d'oliuier en sa main en signe de paix. Montez estoient les Barons sur cheuaux richement parez. Et fine orfauerie si bien enharnachez que bon faisoit voir. Si descendirent de leurs che-



eux & monterent les degrez du  
 palais de L'empereur. A la mode  
 de leur pays estoient les barons  
 garnis de chaines d'or à leurs  
 colz, d'anneaux en leurs doys, &  
 les petis chappeaux garnis & en-  
 richis de perles & fine pierrerie.  
 Chacun portoit sur soy le vail-  
 lant d'une Conté ou Baronnie:  
 A l'entrée du palais leur fut fai-  
 te place largement tant que à  
 leur aysé se presenterent deuant  
 L'epereur: en luy faisant la reue-  
 rence: comme bien scauoient faire  
 Si saluerent hautement L'empe-  
 reur de Rome de par L'empe-  
 reur de Grece & de par son fils sé-  
 blablement L'empereur leur rend  
 leur salut & ce fait l'un d'être eux  
 nommé Ioathas: qui estoit l'un  
 des plus riches de Grece: Apres  
 silence faicte commença à parler  
 à faire sa harangue: disant ainsi  
 Sire Empereur icy sommes en-  
 uoiez de par L'empereur de toute  
 Grece, & de Constantinople que  
 tant riche & puissante est que ri-  
 chesse ne scauroit estre estimée.  
 Il à vn seul & vnique fils son  
 heritier le plus beau & le plus gé-  
 ril que au monde n'en à son pareil.  
 Si à ouy parler de la bonté beau-  
 té, sagesse & prudence de vostre  
 fille. Parquoy desiroit volon-  
 tiers le mariage des deux enfans,  
 & de sa part vous en requiert  
 tresinstamment. Et sçachez sire  
 Empereur que plus aura à vostre

fille d'or que vous n'avez d'argēt  
 Et plus aura de villes & de cha-  
 steaux que vous n'avez de maisons  
 & masures. Et encores dis ie d'a-  
 uantage que en tout le monde  
 n'a plus riche ne plus Noble &  
 puissante dame que L'empereur  
 de Constantinople. Si puis bien  
 dire que de bonne heure sera née  
 à qui Constantinople sera don-  
 né. Parquoy gardez bien de refu-  
 ser tel party: sur ce prenez con-  
 seil & nous en donnez responce.

*Comme L'empereur print conseil sur la  
 requeste que luy firent les ambassa-  
 deurs de Grece: qui estoit à ce que  
 mariage fut fait du fils de L'em-  
 pereur de Grece avec la belle  
 Melior fille de L'empe-  
 reur de Rome.*



Ambassade de L'em-  
 pereur de Grece fai-  
 cte en plain confi-  
 stoire fut bien ouy &  
 entendu par L'em-  
 pereur & tous ses barons que sur  
 ce prindrent conseil: & pour re-  
 solution n'y eut celuy qui ne fut  
 d'auis que telle alliance ne d'eust  
 estre faicte: & selon l'opinion du  
 conseil fut par L'epereur de Ro-  
 me faicte responce aux ambassa-  
 deurs de Grece. Finablement ac-  
 cord le compromis de ce mariage  
 avec serment solennel faict par  
 L'empereur d'iceluy tenir sans en


fraindre & ainsi qu'il fut accordé fut par la ville de Rome : dont tous se resiouirent & furent faitz les feux de ioye. Pendant le temps que le traicté de ce mariage se faisoit : le cheualier Guillaume de Palerne & plusieurs autres barons & gentils hommes estoient hors Rome ou ils prenoient leur passe-temps à voir le ieu de la quaintaine. Si leur vindrent nouuelles du mariage, dont furent bien resiouis, fors le bon Guillaume qui soudain laissa lesbatement & s'en vint à Rome en sa chambre se va coucher sur vn liest. Dieu scait quel dueil & desconfort il maine à par luy & non sans raison. Car la cause de son dueil ne vouloit declarer à homme à femme pour sur ce prendre conseil consolation. Ce pédant estoit L'empereur en son palais faisant les banquetz & festins aux ambassadeurs de grece Si leur monstra la belle Melior sa fille : laquelle les Ambassadeurs louerent, priserent, & estimerent grandement pour la grande beauté & prudence. Et ainsi furent les ambassadeurs trois iours entiers en la court de L'empereur de Rome bien festoyez & honnorez toute reuerence comme bien appartenoit. Si prindrent congé & ioyeux s'en retournerent vers L'empereur de Grece : & tant firent par leurs iour-

nées & diligemment marcherent que en brief temps furent arriuez à Constantinople.

**A** Donc Melior qui auoit ouy & entendu les conuenances fort desplaisante en estoit : Mais n'osoit contre son pere, Si dit à par elle quelque chose qui soit accordé rien n'en sera ne tiédra. Et mourut fort lesmerueilloit de ce que de Guillaume son ami n'auoit nouuelles. Si dit l'histoire que tant fut malade guillaume de desplaisance qu'il perdit la parolle : & ce estoit plaint & regretté de grâs & petits. Si disoient tous que grand dommage estoit d'un tel cheualier ainsi estre malade & plus de regret en auoient par toute la ville de Rome que n'eussent de vingt mille hommes. Car aymé estoit de grans & de petits mesmes L'empereur qui en fut aduertie si grand dueil en demena cōme s'il eust esté son propre fils : parquoy le voulut aller voir s'ils'enquist comme il se portoit. Ha sire empereur dist Guillaume quant il peut parler. Je n'atens plus que la mort : Dont si tres-grand dueil eut L'empereur que il ne se peut tenir de l'armoyer & grans regretz & complainctes en fist en son cœur : D'autre costé la noble Melior quant aduertie en fut ne faut demander se grandement fut desconfortée. Vray Dieu disoit elle que mal me va quant



quant celuy que p'us au monde  
l'aime est ainsi mal de sa person-  
ne. Si dist elle mesmes que se elle  
le pert que viure ne pourra lon-  
guement & brief luy conuiendra  
mourir. Si prie Dieu de tout son  
cœur que Guillaume puisse bien  
tost guerir, Ou sinon que quand  
& luy Dieu la vueille oster de ce  
monde, souuent deliberoit de l'al-  
ler voir. Mais craignoit que par  
les gens de la ville fut regar-  
dée & de leger accusée. Ce non-  
obstant dist que tout le monde  
ne l'en gardera d'aller voir celuy  
quitant elle aime, car sans luy  
rien ne estime sa vie. Ainsi s'en  
va la noble Melior voir son amy  
Guillaume accompagné de ses  
Damoyelles sans crainte de  
pere ne de personne qui destour-  
ner l'en sceust & tant fait que en  
sa chambre est arriuée. Mais seul-  
lette y entra, fors Alexandrine  
qui tousiours compagnie luy  
fist si trouua Guillaume gisant  
au liect fort malade. Dont pitié &  
dueil luy faquirent le cœur de tel-  
le sorte que l'armes luy commen-  
cerent à tomber des yeux en tres-  
grande habondance.

 Vand Melior fut en-  
trée en la chambre ou  
Guillaume estoit gisant  
au liect malade & sans  
autre chose penser le va embras-  
ser disant a si. Helas! mon cœur  
G. de Meter.

& tout mon reconfort. Parlez  
à moy qui seule suis avec vous  
& d'anger n'y a de personne. Je  
vous prie rien ne me celez, car  
viure & mourir ie veux avec  
vous. Et lors luy qui le visage a-  
uoit tourné de l'autre part vers  
elle se retourne. Si luy dist.

Vous soiez la tres-bienvenue, bel-  
le tres-douce, & chere amie, l'as-  
que ay ie dit, mais ennemie qui me  
faictes mourir, parquoy dist elle  
ie vous iure dist Guillaume par  
la foy que ie vous doy que onc-  
ques femme de tel nom que vous  
estes ne fist trahison telle que  
faictes m'avez. Las! mon amy que  
dictes vous, certes vous avez  
tort & faictes grand peché, ie ne  
pense auoir tort dit Guillaume  
car ie vous ayme plus que rien  
du monde. Et en vous auoye  
mise toute mon esperance. Tou-  
te ma ioye mon confort, mon sou-  
las estoient en vous encores seroient  
tant que ie viuray, mais puis que  
ainsi est que ie vous ay perdue de  
brief sera ma vie finée.

Toutef-fois tres-humblement vous  
remercie de ce qu'il vous a pleu  
me venir visiter. Espoir que a-  
pres ma mort mon ame en sera  
mieux. Quand Melior entend  
Guillaume ainsi parler. Si luy  
respond tant doucement disant.  
Helas! amy cuidez vous que si  
mourez que ie puisse viure lon-  
guement, à Dieu ne plaise que ie

E.

viue apres vous ; mais ie vous prie humblement dictez moy comment l'entendez vous m'auyez perdué. Ha madame dist Guillaume estes vous pas pluue. Certes dist Melior pluue suis voirement, mais c'est à vous seulement & non à autre. Et se mon pere L'empereur en à faict à son plaisir si ne le tiendray ie pas. Car ie vous iure la foy que ie vous doy que iamais fils d'Empereur, Roy, Duc, Comte, Baron, ne seigneur n'espouseray, Plustost me laisseroye viue escorcher & en la terre enfouyr. Auant que me departir de vous & de ce cher amy pouuez bien estre assésuré, Belle amie dist le cheualier, ie vous iure Dieu tout puissant que de ce que me dictez estois assésuré iamais douleur au cœur ne sentiroye & serois tout sain & guarý, Or en soye dist elle tout assésuré. Si s'entrebaiserent par grand Amour plus de cent fois. Et voyant Melior que temps estoit de prendre congé ioyeusement à dit à Dieu au cheualier Guillaume, puis s'en est retourné à son hostel, & Guillaume est demouré tout sain & guarý, & ne sentoit mal ne douleur tout ainsi que ce fust vn miracle. A tant lairrons ce propos & parlerons de noz ambassadeurs.

*Comme les ambassadeurs de L'empereur de Grece arriuerent en constantinople. Et compterent à l'empereur comme ilz auoient exploié en leur Embassade.*

**L**Embassade de Grece en Constantinople arriüée comme auez ouy cy dessus compterent à l'Empereur de Grece comme ilz auoyent esté honnorablement receuillis à Rome & comme tout ce qu'ilz auoyent requis & demandé ilz auoient obtenu, & leur auoit esté octroyé & accordé par l'Empereur mesmes qu'ils auoient veü la belle Melior qui belle & sage estoit que plus que tout le thresor du monde valoit. Si en fut si ioyeux l'Empereur que on ne le scauoit raconter. Et encores plus le filz de l'Empereur qui bien & songneusement entendit les nouuelles, mais trop loing sons de leur entreprinse. Car si Dieu sauue Guillaume le noble Cheualier tout autrement ira la besongne qu'ilz ne pensent. Si commence l'Empereur de Grece à faire si grád apareil pour les nopces accomplir & paracheuer ce mariage que iamais homme viuant n'en veit de tel. Si manda tous les princes & Seigneurs de son Empire venir par deuers luy à vn

iour certain qui obeirent à son mandement tous biens en ordre pour le acompagner au voyage de Rome, afin de paracheuer l'entreprinse de ce mariage. Si furent mout belle compagnie, Car l'Empereur estoit tât noblemēt & richemēt mōté & aorné de pierre rie & richesse d'autre costé lō filz. Et ne faut demander si les liurées & habillemens estoient de diuerses guises les hacquenées & cheuaux biē estrillez & enharnachez, chacun auoit fait son deuoir de se mettre en ordre à qui mieux mieux tellement que cestoit chose admirable que de veoir les Grecz marchans le pais. Tant exploierēt qu'ilz sont arriuez à Rome dedans vn mois après leur departement: à leur entrée en la ville de Rome furent tendués les ruës & grande ioye fut demenée, il n'y auoit celuy qui ne fust ioyeux de ce beau mariage fors les deux Amans qui y auoient principal interest, mais se Dieu leur sauue les vies telles choses feront en bref temps que le mariage ne sera commencé ne paracheué, & ne viēdront l'empereur de Grece ne son filz à leur entente, comme lirez bien tost cy apres.

**A**insi arriuerent les Grecz triomphamment en la ville & cité de Rome ou ilz furent richemēt & honorablemēt receuz par l'Empereur & ses barons. Si

fut l'empereur de Rome mout ioyeux de leur venuē, & au rencontrer, les deux Empereurs s'entrefirēt grande reuerēce & grād racueil l'un de l'autre & de honorer l'un l'autre prenoiēt grand peine. Les palais, maisons & toute la ville de Rome estoient tout couuers de riches tapisseries de diuerses lorres, & semez de herbes & fleurs si odoriferantes. Tout estoit si bien tapisé & encourtiné que le chaut ne la pluye n'y eussent sceu faire empeschement. Tous les Grecz furent logez par fourriers en chambres de paremens tant que rien plus. Et si les Romains se parforçoient de les traicter, & sumptueusement festoier, d'autre part les Grecz qui estoient riches sans mesure vserent de dons & liberalitez, & sēbloit qu'il ne renoit comte d'or, d'argēt, & de pierres precieules, & faisoient à chacun grands largesses, dont tous les Romains sont fort ioyeux, & contents. Et depuis le commencement du monde telle ioye ne fut demenée. Mais comme grande fut la ioie sans cōparaison tost fut tournée en plus grande douleur cōme tantost pourrez ouyr & entendre si escouter voulez, & pour sçauoir comme changerons de propos, ie parlerons du cheualier Guillaume de Palerne qui se iouoit avec samie Melior & deuiloient ensemble de leurs amourettes.



**L**E noble Cheualier Guillaume de Palerne & la belle Melior estoient ensemble seuletz & iouoient aux eschetz par passe-temps qui n'estoit pas sans parler de leurs amours. Et ce complaignoit Guillaume disant à Melior. Douce amie le cœur me dit tousiours sās ceste que en malle heure oncques vous veis & eus vostre accointāce. Car vostre amour me tient en ballance à danger de griefuement mourir. Et suis certain que i'ay grand tort de rien me complandre de vous. Si vous iure la foy que ie vous doy, au cœur en ay si grande douleur que ie ne sçay comment me conduire: Et me semble que tout le monde me ennuye. Et vous assure que mieux aymeroye mourir que demain me trouuera à vostre dîner. Car tels mets pourroye porter que les Grecs en feroient bien dolens & maudioyent l'heure d'auoir cy fait telle assemblee, quand la dame entēdit ces parolles du cheualier peu s'en faillloit que le cœur ne luy partit de desplaisance, mais comme sage & prudente commença à dire. Ha mon doux amy il n'est pas besoing de vser telle voye. Bien nous garderons se dieu plaist de meurdrir ne occire homme viuāt aut re moi en trouuerons assez se Dieu me donne la grace. Il faut trouuer façon comme vous & moy pour-

rons seuremēt sortir de ceste cité & no' en aller hors de ceste terre en sorte que ne soyons veuz, apperceuz ne prins. Et vous conseille & prie de tout mō cœur que à ce vueillez vous entendre, & le plus bref que faire se pourra, car besoing ne nous est faire icy longue demeure. Si luy respond le Cheualier, Dame ie vous remercie de tout mon cœur, car ie vous iure Dieu que meilleur conseil à mon gré ne me eussiez sceu donner, & n'est chose possible que ie ne face iusques au mourir. Ie suis grandement ioieux de vostre delibération, ie prie à Dieu tout puissant qu'il vous vueille si bien conduire en c'est affaire que puissions auoir consolation & ioye malgré les grecz & tous faux mauuais & enuieux.

*Comme le Cheualier Guillaume de Palerne & sa Dame Melior fille de l'empereur de Rome delibèrent eux en aller se-  
crettement.*

**M**Out furent les deux amans ententifs de par-  
faire leur enteeprinse  
& principallemēt Melior que comme sage ne voulut rien commencer sans conseil.

Si appella Alexandrine sa cousine qui tousiours l'auoit bien conseillée selon son desir. Et toute la deliberation luy compta: & comme elle & le noble cheualier Guillaume de Palerne auoyent entrepris de eux en aller hors la terre de L'Empire le plustost que faire se pourroit pour le dâger des grecs qui en la cité de rome estoient. Et ne restoit que trouuer le moyen plus exquis. Si en demanda sur ce conseil à Alexandrine sa cousine & luy dist en plorant tendrement ma bonne cousine amye ie vous prie de tout mon cœur que vueillez aduertir de tout ce qui me fait mestier en vous du tout ie me fie vous estes celle qui mon secret sçauiez. Ie vous supplie humblement en ce cas me secourir & en faisant à tout iamais vous serois tenuë. Quand Alexandrine entend Melior: mout fute esbahie courroucée & marrie en son courage de ce que sa cousine Melior ainsi soudainement quelque remonstrance quelle peust faire à Melior pour ses dâgers qui en pourroyent aduenir luy dist ainsi: Las! ma dame bien suis desplaisante de vostre departement & puis qu'il vous a plu vous conseiller à moy en ceste affaire, comme loyalle amye vous en diray ce que me semble, toutesfois cela me semble bien estrange de vous en aller: car sçoyez toute certaine que L'Empe

reur vostre pere vous fera chercher par tout le monde & ne spargnera or ne argent: gens ne cheuaux si pourra encore auoir grand blâme pour vostre departie quand aux Gregois ne pourra tenir sa promesse: dõt toute la ville de Rome sera toute troublee, & moi & toutes les dames de ceas en tres grand douleur & danger. A tât se teust Alexandrine en soupirât du parfond du cœur: mais la belle Melior de rechef luy fait supplication de bien la conseiller, & qu'il n'y a remede: par ce quelle ayme le noble Cheualier Guillaume sur tous autres & quelle luy tiendra promesse. Et puis que à luy s'est donnée autre que luy iamais maymera: si luy dist. Ma cousine ie vous prie de tout le parfond de mon cœur que plus ne me parlez des raisons que mauez dites: car tous les dangers du monde ie ne crains vn festu. Ie crains plus ne offencer mon amy. Cestuy que i'ay choisi: cestuy sans lequel ie ne sçauois viue. Celuy en qui i'ay mis toute ma ioye. Et ma plaissance: qui plus vaut que tout l'or du monde: despechez vous ma cousine ie vous prie affin que ce que i'ai entrepris se face. Lors Alexandrine voyât le grand courage de Melior, & que remede n'i auoit: luy va dire belle cousine, donc puis que ainsi est que voulez partir si tost, dont ie suis des-



plaisante : ie vous prie que avec  
vous ie men voise. Car aussi  
bien sans vous ne pourray viure  
dist Melior. Il n'est besoing que  
avec nous veniez belle cousi-  
ne. Car ce vous seroit par trop  
de peine. Or bien dist Alexandri-  
ne : belle cousine. Je ne sçay plus  
beau moyen que de vous desgui-  
ser. Cousine dist Melior voire-  
ment ie ne demande autre chose  
Mais aduisez la façon comment,  
car à moy ne sera riens impossible.  
Vrayement dist Alexandrine i'ay  
veu en la cuisine de ceans plu-  
sieurs peaux de bestes sauuages  
qui de riens ne seruent si en ay ap-  
perçeu entre les autres qui vous  
seront propices , & seroit enco-  
res la plus grand subtilité , dont  
iamais on ouyt oncques parler.  
Car i'ay veu gens velus de pe-  
aux dours qui ressembloyent be-  
stes : & ne les eust on sçeu cognoi-  
stre. Et en ceste cuisine en y a  
deux blanches qui seront propres  
Lune pour vous : l'autre pour le  
Cheualier Guillaume : & par ce  
moyen pourrez seurement aller  
ou il vous plaira sans danger de  
L'Empereur vostre pere, ned'hô-  
me qui soit viuant quand dedans  
ces deux peaux Dours serez cou-  
sus en allant par les bois : telle-  
ment que de vous homme n'osera  
approcher pourueu que à cela ne  
prenez desplaisir ne ennui : & ne  
arrestera au demourant que vi-

ures. Si ne sçay sur ce vous don-  
ner conseil. Ne vous souciez dist  
Melior de cela. Car il ne me  
chaut de boire ne de manger : &  
vous iure que auant me conten-  
teray de racines par les bois. Et  
quand Alexandrine eut ouy ainsi  
parler Melior se depart d'avec elle  
le : & s'en va à Guillaume , & luy  
compte tout au long ce que Me-  
lior lui auoit dit : & se complaint  
a lui en disant. Noble cheualier,  
côme ce pourra faire que ie vous  
laisse. Je sçai que L'empereur me  
fera viue escorcher quand serez  
departis , & dira que ie suis cause  
de toute la besongne. Si vous  
prie humblement que avec vous  
ie men voise , car ie vous pourrai  
secourir & aider à vos necessitez :  
mais Guillaume lui respond qui  
n'ià remede & qu'il n'est possible  
de ce quelle demande pouuez co-  
gnoistre comme le noble cheua-  
lier Guillaume & Melior sa dame  
& Alexandrine estoient empeschez  
pour secrettement faire leur en-  
treprinse & ne craignoient les  
gros dâgers ou ils semettoient,  
Ainsi les auoit Cupido prins  
à sa corde : mais encores si bien se  
porta leur entreprinse que apres  
plusieurs peines & trauaux que  
eurent ensemble les deux âmans.  
Finablement ils furent heureux  
& eurent ioyeuse issuë de leurs  
aduersitez & paruindrēt a grande  
felicité comme orrez ci apres.

*Comment le cheualier Guillaume & Melior par le conseil de Alexandrine furent cousus en peaux blanches dours & ainsi desguisez s'en allerent hors de Rome à leur aduenture.*

**C**omme auez ouï ci deuant fut entrepris de escamper secrettemēt Alexandrine fist diligence de recouurer deux peaux Dours blancs qui dedans la cuisine estoient & les apporta a Guillaume & Melior qui grandement de ce furent ioyeux & incontīnēt dedans se vestirent. Et par Alexandrine furent cousus. Et si bien se porta la chose que mieux sembloient bestes que gens tant bien se maintenoyent. Ainsi leur ayda leur bon courage. A tant commença Alexandrine a faire ses regrets & complainctes pour la departie. Mais Guillaume & Melior n'auoyent autre pensée que departir & eusse plustost voulu estre en la plus dangereuse forest du monde que en la plus noble cité : Leurs nouueaux habits qui nouuelle façon de viure leur enseignoit pour à leur ayse sans danger viure & conuerſer l'un avec l'autre les firent plustost estre d'amour entre lassez que iamais & se regardoyent l'un l'au-

tre marcher : dont se esmerueilloient & perdirent toute la crainte de L'Empereur estimans que riens ne leur eust iceu nuire. Si furent bien cousus par Alexandrine en ses deux peaux dours blancs. Et disoit Alexandrine qui cousus les auoit. Certes mesure Guillaume si ainsi que ie vous voy, si ne vous auoye accoustrez pour tout l'or du monde ne vous voudroys rencontrer : tant me semblez terrible & furieux & aussi ma cousine Melior. Si bien furent mis à point que l'un auoit frayeur de l'autre en eux regardant & contemplant & bien resſe bloient l'un à l'autre estre ours & bestes sauuages & apres qu'ils eurent biē regardé l'un l'autre & cheminé par la chambre à quatre pieds comme bestes sauuages le cheualier Guillaume de Palerme ainsi atourné se leua tout de bout & dist ainsi. Or est il temps departir : & le dormir n'y vaut riens Melior d'autre costé print de ses meilleures bagues & ioyaux tant qu'il suffist mais Alexandrine se print à plorer. Ainsi se departirent de nuit : les deux amans de Alexandrine qui ne fust sans baiser embrasser & accoller par amour & s'en vont les deux amans par secrettes voyes & sentiers sans craindre bestes ne gens : car sembloit proprement à veoir que ce fussent ours furieux : Et incon-

tinent que chiens ou autres bestes  
ou gens les veioient, se prenoient  
à fuir de peur & de frayeur.

Puis n'auoient soucy de l'Empereur de Constantinople ne de son filz qui d'autre costé en grand soucy estoient de la contenance du disner ou bâquet que l'Empereur de Rome leur deuoit le l'edemain faire, auquel Melior se deuoit trouuer. Or voyez comme loing sont de ce qu'ilz pensent.

*Comme les deux amans s'en allerent  
à quatre piedz en guise d'ours  
blancz, & furent apperceuz  
par vn Grec au iardin.*

**A**insi s'en allerent par nuit obscure Guillaume & Melior, loyeux d'auoir prins telle liberté & mis hors de crainte. Et furent conduitz & conuoyez par Alexandrine, iusques à l'huis ou iardin. Si passerent à quatre piedz par iceluy prenans congé de Alexandrine qui demoura dolente & esplourée leur departement. Et deuotement fist son Oraison à nostre Seigneur Iesu-Christ qu'il luy pleust de les tenir tousiours en sa Sainte sauuegarde. Et que de mal & encombrer les vueille preseruer & garder. Et leur doint l'accomplissement de tous leurs nobles desirs.

Ainsi passerent par ce iardin, entre regardant l'un l'autre par tresgrande amour & admiration louans Dieu qui ainsi leur auoir aydé destre hors de crainte à sauueté. Mais comme ils passerent par ce iardin vn Grec qui pour soy esbatre à solacier, illec estoit venu en contemplant la noblesse du lieu. Si apperceut ces deux Ours blancs qui grands & furieux estoient comme luy sembla aduis, dont il eut si grand paour que en fuyant se cuida rompre le col & ne cessa de courir tant qu'il fust en son logis ou il rencontra les compagnons: mais tout effroyé ne peut dire mot: de mandé luy fut ou il alloit & dont il venoit. Et quand il peut reprendre alaine leur dist. Par ma foy mes seigneurs ie estoie allé à lesbat en vn iardin pres la grosse tour: mais i'ay veu deux grands Ours fiers & outrageux qui sont eschappez: & s'en vont & peus'en faut qu'ils ne m'ont deuoré: Mais ie euide qu'ils ne mont apperceuz. Au diable soient ils commandez. Car ils sont par trop hideux. Et s'ils me eussent rencontré, ie estois deuoré & perdu. Icy l'airrons à parler du Grec & retourneront au gentil cheualier Guillaume de Palerne, de la belle Melior, que cōme auez ouy reciter s'en vont à quatre pieds coufus en peaux blanches dours sauues.



uages. Et tant errerent par à  
trauers les champs sans tenir  
voyes ne sentiers que la nuit se  
passe, & fut laube du iour qui fut  
plus reluyfant que fin Or de  
Chippre entrèrent en la forest,  
dont au commencement de ce li-  
ure auez ouy parler. Sife mirent  
au plus parfod & es espines plus  
drues & espesses pour estre plus  
seurement. Si dist Guillaume,  
dame ie vous prie conteillez moy  
que ie face, car il est grand iour &  
cler, & scait de certain que L'Em-  
pereur nous fera cercher en tous  
lieux. Si sommes las & travail-  
lez, & si n'auons que boire ne que  
menger. Doux amy dist Melior  
i'ay bonne esperance que Dieu  
tout puissant nous aidera. Je  
ne voy pas que bon soit de nous  
desconforter, mais mettrés ordre  
a tout nostre possible. Si s'en va  
la belle Melior par les bois cer-  
chant des Prunelles, Noysettes  
& autres petits fruitages pour  
le desleuer d'elle & de Guillau-  
me, qui plus sauoureux & nour-  
rissant leur estoit & plus à leur gré  
que routes les viandes delicien-  
les que ils eussent peu auoir à la  
court de L'Empereur. Et quand  
fut sur les dix heures Guillau-  
me va dire à Melior. Certes che-  
re amie ie me ennuye en ce buiss  
à quelque chose qu'il en puisse ad-  
uenir ie men vueil aller sur le  
grand chemin la pourray par ad-

G. de Paler.

venture rencontrer quelque pas-  
sans à pieds ou a cheual portés vi-  
ures en la cité de Rome si n'a ho-  
me Viuant qui me puisse garder  
que n'en ayes ma part. Si vous  
en apporteray. Car pis ne nous  
scauroit aduenir que de fam ho-  
laisser mourir. A ces parolles res-  
pōd Melior. Et dist que de ce el-  
le n'estoit d'auis & que trop grād  
estoit le danger: Car ceux à qui  
on auroit osté leurs viures, tost  
feroyent leurs complaintes, dont  
facilement seroit cause de tous  
cōietures, & dit que ce auriez vo-  
faict quiserait cause de nous pour-  
suiuir en ce bois. Et serions trou-  
uez prins & diffamez à tout ia-  
mais: pourquoy mon doux amy  
ie vous supplie que vous depor-  
tez de vostre entreprise. Et com-  
ment dist Guillaume ferons nous  
douce amie le conseille dist Me-  
lior: mon doux amy que encorés  
ayons vn peu patience, si pour-  
rons beaucoup plus seurement  
viures de Noysette que de gros-  
ses viandes. Ainsi passerent quel-  
que temps les deux amans, vi-  
uans en ce bois de petits fruidis.  
Comme glands: Femmes: Noi-  
settes, Chastaignes, Neflens,  
Prunelles, & autres petits fruita-  
ges. Souuent eux recommandans  
à nostre seigneur qu'il luy pleust  
leur donner cōsolation en les pre-  
seruant de tous perils. Dont in-  
cessamment ils estoient en dāger.

E



ainsi prièrent deuotement le bon Dieu, lequel de sa grace les gar- doit & ouyt leurs prieres que fai- des ilz auoient de bon cœur. Car bien tost furent coniolez comme tantost pour ouyr. Si lire vou- lez plus auant.

*Comme le loupgarou vint secourir Guil-  
laume & Melior qui en la forest esto-  
ient sans pain ne vin en dan-  
ger de mourir de faim.*

**D**E bõ cœur auoiet Guil-  
laume & Melior faicte  
leur priere à Dieu que  
tousiours aux bõs dõne  
secours : en faisant leurs cõplain-  
tes les deux amans festoient en-  
dormis. Si auez veu le commen-  
cemẽt de ceste histoire cõme Guil-  
laume fut au verger en la citẽ de  
Palerne prins & rauy & mis hors  
de dẽgers de son oncle & de Glo-  
riade & Esclantine qui sa mort a-  
uoiet conspirẽe par le loupgarou  
qui estoit fils au Roy D'espaigne.  
Et comme ce Loupgarou, a-  
uoit nourry Guillaume dedans la  
forest comme bon pere nourris-  
sier iusques à tant que Guillau-  
me fut vachier & par L'empereur  
prins. Si noublia iamais ce loup-  
garou Guillaume. Car dit l'hi-  
stoire que lors que au iardin de  
L'ẽpereur de Rome Guillaume &

Melior auoient faicte leur en-  
treprinse d'amours. Et quand par  
ce iardin passerent vestus de leurs  
peaux d'ours. Le loupgarou son-  
gneusement mussẽ & cachẽ elcou-  
toit, & scauoit tout leur cõuenant  
de loing tousiours les suruoiẽt : &  
bien entendit qu'ilz auoiet neces-  
sitẽ de viures. Adonc se part de  
celle forest ou il estoit lors & se va  
sur le grand chemin de Rome. Si  
se tapist en vn fort buisson atten-  
dant les passans. Guerres ne de-  
moura ce loupgarou en ce buis-  
son sans rencontrer ce qu'il demã-  
doit. Car tantost passa vn hom-  
me qui portoit grand quantitẽ de  
pain & chair cuite. Si ne fut paref-  
seux ce Loupgarou : car inconti-  
nẽt se ietta sur celuy homme qui  
eut telle peur qui commença à  
crier hautement. Helas ! vray dieu  
ie suis deuorẽ de ceste cruelle be-  
ste. Si vous prie me secourir & ai-  
der. Et ainsi criant iouẽ à l'espẽe  
à deux iambes : tant qu'il peut.  
Mais rien ne luy vaut le courir  
car plus habille estoit le Loupgar-  
ou qui le print par le collet. Et  
tous les viures qu'il portoit luy  
rauit & osta, & puis laissa l'hom-  
me courir tãt qu'il voulut : car de  
luy n'a il que faire puis à tout sa  
proye s'en retourna bruyant par  
la forest tant qu'il vint au lieu ou  
les deux Amans estoient endor-  
mis qui bras à bras estoient en-  
trelassez comme le lierre dans le

piéd d'un doux Pommier sau-  
uage.

**L**E grand bruiet que fist le  
Lougarou par le bois fist  
esueiller Guillaume & Melior que  
bien cuiderēt estre mors ou prins  
& cuidoient que ce fussent les gēs  
de l'Empereur : mais quand Guil-  
laume vit la beste : laissa incont-  
inent frayeur : car de toutes les be-  
stes du monde n'auoit il paour. A  
tant le Lougarou saproche de  
la folse ou les deux amans estoient  
misesz : & doucement leur presē-  
te les viures qui dedans vne be-  
fasse estoient. Et se fait se print à  
fuyr par le bois comme se iamais  
ne d'eust retourner. Quand Guil-  
laume & Melior virent le secours  
que Dieu leur auoit donné. Si  
le remercierent & louerent gran-  
dement. Et mangerent tresbien  
comme ceux qui bon besoing en  
auoient. Car longuement a-  
uoient cheminé & estoient las tra-  
uaillez qui leur auoit faict croi-  
stre l'appetit. Mais reste qui n'a-  
noient que boire. A cela donna or-  
dre le Lougarou qui telle dili-  
gence fist que sur le grand che-  
min s'en alla comme deuant a-  
uoit fait. Et gueres ne fut en a-  
guet qu'il veir passer le clerc d'un  
prieur qui vn baril plain de tres-  
bon vin portoit : si commença le  
Lougarou à sortir du bois & a-  
pres le clerc courut legerement.

si eut le clerc si grand frayeur que  
le baril laissa cheoir à terre. Puis  
ille mist à courir par à trauers  
champs si sembloit que tous les  
diables le deussent emporter.

D'autre costé le Lougarou prent  
le baril plain de vin qui porta di-  
ligement à Guillaume & à Me-  
lior qui bon besoing en auoient.

Et commença Guillaume à dire.  
Ha franche beste de Dieu sois  
tu benie. Qui bien mas secouru à  
ce besoing moi & mamie.

Loué soit Dieu qui vertu nous ta  
enuoie pour nous secourir. Si  
lui en deuons grace & merci ren-  
dre à tout iamais. Si s'en va le  
Lougarou par la forest plu-  
stost que vn lieure ne scauroit cou-  
rir. Et Melior dist que plus ioieu-  
se & gaie se trouue quelle ne fut  
oncques. Et ne voudroit pour  
riēs estre avec l'epereur de Grece  
ne avec son bernaige : ne avec son  
fils que pour espoule la deuoit pré-  
dre. Puis que avec son deux ami  
est a seurte si boient l'un à l'au-  
tre par amour de ce baril du tres-  
bon vin que le Lougarou apor-  
té leur auoit. Et apres qu'ils fu-  
rent bien repus se prindrēt de re-  
chef à deuiser de leurs amours.  
Et oublierent toute la paour &  
le souci qu'ils auoient par auant.  
Et de rechef dormirent & repose-  
rēt iusques à la basse vespre. Et  
lors se esueillerent tous esbahis  
d'auoir si longuement dormi : &

la demeurèrent iusques à tant  
que la nuit fut venue, puis se  
mirent en voye par la forest, &  
ainsi faisoient tous les nuitz.

Car le iour eux resconsoient en  
fors buissons ou fossez, mais dit  
l'histoire que oncques le Loup-  
groux ne leur faillit à leur neces-  
sité. Car il leur apportoit à boire & à  
manger à grand foison, & tout-  
iours les suyuoit de loing quel-  
que part qu'ilz allassent par celle  
forest. Si nous conuient sortir  
de la forest & lairrons vn peu de  
Guillaume & Melior eux esba-  
tre à leur bel ayle, & retournons  
à Rome scauoir comme se porte la  
feste des nopces en commencées  
qui ia ne seront paracheués, si  
Dieu sauue & gard les vrayz  
Amoureux,

*Comme les Empereurs de Rome & de  
Constantinople furent doiens &  
marris quand ils furent ad-  
uertis de la departie de la  
belle Melior & du no-  
ble Cheualier Guil-  
laume de Pa-  
lerne.*

**A** Rome la noble citée  
estoyent arriuez les  
Grecz en triomphant  
parroy. Et faisoient  
les deux Empereurs grand re-  
cueil l'vn à l'autre. Et auoit e-

sté conclud entre eux que le len-  
demain le filz de l'Empereur de  
Constantinople espouleroit lano-  
ble Melior en face de saincte E-  
glise. A ceste cause estoit faict  
le preparatif de la feste tant ma-  
nifique que c'estoit chose admi-  
rable. Car deuant le point du iour  
par tous les carrefours de Rome  
estoyent grād feux de ioye, & flā-  
beaux de tous costez menestriers,  
tant haut que bas: tables dres-  
sees garnies de rasses & godets &  
force vin & viandes d'appetit que  
c'estoit merueilleuse chose à veoir  
ouyr l'armonie des sonnans & dā-  
cans: mais y eust qui matin le le-  
uerēt pour estre habillez des pre-  
miers. Tout estoit si bien paré &  
tendu que riens n'y falloit. Et  
quand le iour & heure despouser  
fust venu tant euliez veu de pu-  
celles dame & damoyelles aux fe-  
nestres, attēdans l'espousee, à pas-  
ser que c'estoit belle chose à voir.  
Et dit l'histoire que de ceste fe-  
ste estoient plus de vingt & deux  
mille Romains & Gregeois sans  
comprendre tous les paylans vil-  
lagois: seruiteurs & chambrig-  
res de Seigneurs qui en si grand  
nombre estoient qu'ils ne valent  
le nombrer & compter. Si disoyent  
monseigneur saint Pierre de Rome  
se debuoyent faire les espousail-  
les par le Sainct pere: qui pour  
lors estoit. Si fust le Pape reue-  
lu au grand possible accompa-




gné de plusieurs cardinaux: Archeuesques & euesques. & s'ebloit que toute Rome ne fust assez forte pour soustenir tant de peuple, dont la terre estoit couuerte aussi dru que l'herbe d'un pré verdoyant & fleury. L'Empereur de Rome estoit vestu d'une robe qui telle vertu portoit que iamais ne pouuoit estre vlee ne gastée. Celuy de Grece tant de richesses auoit que sa robe & habillemens plus valloyent que le vaillant de L'Empereur de Rome. Et si estoit le Grec beau prince & honorable le Romain estoit sage, prudent, puissant & bien formé de corps & en l'age de septante ans ou près vous pouuez considerer comme les damoyelles estoient accoustrez de riches draps d'or & d'argent: car de foyene tenoit on grand compte, les perles & pierreries estoient en valeur.

Car telle pierre eust on trouuée au d'un d'une pucelle qui mieux valoit que le reuenue d'une Baroynie. L'empereur de Rome comanda qu'on fist preparer Melior sa fille. Car au regard du fils de L'Empereur de Grece. Tellement estoit accoustre attendant celle qui desiroit fort qu'il sembloit un Cupido dieu d'amours. Mais bien tost fut failly tel soulas: car apres que L'Empereur eut long temps attendu fut ennuyé de ce que Melior ne venoit. Finablement

luy fut raporté que en sa chambre n'estoit de ce message ne se contenta: ains trois ou quatre renuoya pour Melior faire venir & tant attendirent les assistans que chacun commença à grumeler disant que bien pouuoit estre leuée, habillée & accoustree: & n'y auoit celuy qui ne fust ennuyé d'attendre. Si fut de certain rapporté à L'Empereur que seigneur: dame ne damoyelle n'en scauoit dire nouuelles, dont nouvellement fut yré & courroucé L'empereur: que luy mesmes alla à la chambre de Melior cuidant trouuer, mais ne la trouua pas & seulement vist Alexandrine gisant triste, pensue, & dolente, laquelle incontinct quelle vit L'empereur de lui la proche toute tremblante, pâlée, & transie. Si eut grande paour de le voir en sa fureur & ne scait Alexandrine comme elle pourra sexcuser, & nattend que la question & demande terrible & de L'Empereur pour faire responce telle que Dieu luy donnera la grace.

*Comme Alexandrine prudemment  
se excusa enuers l'Empereur, &  
ce qu'elle luy conta de  
Guillaume.*

 Vand L'empereur vit Alexandrine qui humblement luy fist la reuerence comme bien



ſçauoit faire. Si luy demanda par courroux à quoy il tenoit que Melior ſa fille tant ſe faiſoit attendre, & que trop ſe faiſoit atourner. Et ſi l'on madiet faiet L'ẽpereur que on ne la peut-trouuer. Dont l'ay cauſe d'en eſtre biẽ dolent & marry. Alors Alexandrine en toute humilitẽ luy fiſt reſponce. Sire empereur ie eſpere que bien toſt en orrez nouuelles. Ie vous ſuplie faietes ceſſer voſtre courroux: car ie croy que madame & Couſine eſt encores en ſon liẽt couchẽe pour tout vray. Et L'Empereur luy diſt.

Or y va doncques viſtement & luy diſ que diligemment elle ſe ſieue. Certes diſt Alexandrine. Ie ſuis certaine que pas ne voudroit à moy parler. Pourquoi diſt L'Empereur: quel deſplaiſir luy as tu faiet. Ie ne ſçay diſt Alexandrine par le Dieu qui crea le ciel & la terre. Or ie tẽ prie diſt l'ẽpereur que i'en ſçache la pure veritẽ. Diſt Alexandrine. Certes ſire empereur ſi ie oſoye bien ie voudroys dire. Si de moy vous plaiſt auoir mercy. Or d'y hardiment diſt L'Empereur ſans rien craindre ne doubter. Doncques faiet Alexandrine: ferez vous ma paix enuers elle: & ſi me pardonnerẽz s'il vous plaiſt ſe choſe vous diſ qui vous doyue deſplaire. L'Empereur deſireux d'en ſçauoir toute la pure veritẽ

luy octroya tout ce quelle demãdoit. Si commença Alexandrine à dire ainſi. Ce poyle moy ſire Empereur que tant me interrogez & bien voudrois que par autre la choſe fuſt ſcẽuẽ & rapportẽe que par moy. Bien monſtroit Alexandrine à ſon maintien que elle n'eſtoit imprudente ne folle. Car du cœũr fiſt incontinent à ſes doux yeux diſtiler larmes en habondance: Dont toute ſa face fut arrouſẽe. Sire dit elle ie ne doy conſentir à choſe qui voſtre honneur touche. Comme celle qui de voſtre parentage ſuis en prochain lignage & qui nourrie m'auẽz de mon enfance ſi i'ay en vous miſe toute mon eſperance. Or oyẽz ſire que ie vous diray, car par le dieu qui fiſt la loy de mot ne vous mentiray.

Si eſt vray que au ſoir ie fus au coucher de Melior ma couſine voſtre fille, & tant ſollaſtraſmes que apres miuiet eſtoit. Ie vis Melior toute peſante & deſconfortẽe. Mais quelque priere que ie luy fiſſe ne me vouloit deſcourir ſa peſẽe iuſques à ce que fort ſe commença plaindre de vous. Commẽt diſt L'Empereur ſe plainet elle de moy, Sire Empereur diſt Alexandrine, c'eſt pour c'eſte aſſẽblẽe que pour elle c'eſt faite. A bref parlẽe elle n'a cure de celuy que dõner luy voulez à mary & eſpoux. car ainſi quelle me diſt elle eſtoit

Aduertie que le fils de L'empereur  
de Constantinople estoit tant ia-  
loux & cruel que incontinent que  
il auroit espouſé la tiédroit cōme  
prisonnière: Et que bien deueroit  
on hayr la terre & les richesses de  
ce monde, que n'auroit quelque  
peu de ioye & liberté: Et d'autre  
coſté on dit que au pays de Grece  
ils viuent comme pourceaux Pour  
quoy diſoit ma couſine voſtre  
fille quelle ne vouloit perdre ſon  
corps & ſa ieuneſſe: Et que mi-  
eux aymeroit vn Duc vn Conte  
ou vaſſal que vn tel homme  
ne telles richesses: dont tousiours  
viueroit en melencolie & triteſ-  
ſe. Et comme eſtions enſemble  
ſur ce propos: vray eſt, ſire Em-  
pereur, que ma couſine me diſt  
vn mot: Dont grandement ie  
la reprins qui eſt la cauſe pour-  
quoy ie ſuis en ſa hayne & mal-  
grace. Et diſtes la verité faiſt  
L'epereur & ne cēlez riē. Or dōc,  
ſeigneur, diſt elle, ne me ſachez  
malgré. Car voſtre fille me diſt  
& declara que en vn vaſſal à  
tout mis ſon cœur: Son cœur diſt  
l'Empereur. Ouy certes diſt Ale-  
xandrine en l'amour d'un vaſſal  
dont ne l'ay peu deſtourner quel-  
ques remonſtrāces que lui aie fai-  
tes. Conte moy doncques, diſt  
l'Empereur à Alexandrine ce que  
tu en peux ſcānoir à la verité.  
Sire diſt Alexandrine ie ne vous  
en quiers rien celer. Elle ma

iuré que autre que luy n'ayme  
en ce monde, & quand i'ay cela  
entendu ie l'ai rudement blaſmée.  
Et tant ie luy en diſ de parolles  
qu'elle m'en à prins en hayne ſi  
grande que d'elle me cōuient de-  
partir: Si vous ſupplie cher Sire  
Empereur faite enuers elle m'a  
paix. Or me diſ, fait L'empereur  
ſans mentir qui eſt celuy vaſſal  
à qui ſon cœur elle à donné qui  
eſt ſi hardi de m'auoir fait tel deſ-  
honneur: Sire diſt Alexandrine  
ce poiſe à moy de le dire. C'eſt  
le preux, vaillant, hardy & ſage  
Cheualier Guillaume qui vain-  
quit les Saxons & print prison-  
nier le duc, Si eſt Melior voſtre  
fille tant Amoureuse de luy que  
ſon cœur ne ſ'e peut oſter. Quand  
L'empereur de Rome entendit  
ainſi parler. Alexandrine ſi cuy-  
da paſſionner de yre & mal-ta-  
lent & commença à dire. O mau-  
uais homme ingrat as tu faiſt  
ce deſ-honneur à celuy qui tant  
de biens t'auoit faiſt qui de t'a  
grande miſere t'auoit oſté. Ie te  
prins en vn bois gardant les  
vaches ſubieſt à vn vacher. Ie  
t'ay faiſt Cheualier, & tant de  
bien & d'honneur as eu en mon  
empire pour l'amour de moy que  
oncques homme de m'a court n'e  
eut tant, & maintenant as oſé  
ma fille deceuoir & tel deſhōneur  
me faire. Ha diſt l'Empereur que  
bien eſt vray le commun prouer-

be qui dit que maintesfois nour-  
rist on tel homme que mieux  
vaudroit nourrir vn chien c'est  
mal adressé le vassal, car par le  
Dieu en qui ie croy au monde n'a  
ville, chasteau ne forteresse qui le  
puisse guarantir, & si vne fois ie  
le puis tenir ie le feray pendre ou  
vif brusser. Et ainsi parlant l'Em-  
pereur en grosse colere s'en va  
en la chambre de Melior plus  
enflambé de ire que vn lion enra-  
gé. Si entrerent en la chambre de  
Melior, mais n'y trouuerent la da-  
me, ainsi fut l'Empereur plus fort  
troublé que iamais. Alexandrine  
bien monstra qui n'estoit fort es-  
merueillée comme celle qui fai-  
gnoit rien ne sçauoir de l'affaire,  
toutes-fois grande crainte &  
peur auoit si ne sçauoit que faire  
ne dire. Vray Dieu disoit l'Em-  
pereur ou peut elle estre allée.  
Ie ne sçay dist Alexandrine. Ie la  
cuidoie trouuer encorés en son  
lit couchée. Sire ie vous conseil-  
le de hastiement enuoier à l'ho-  
stel de Guillaume: La en pourrez  
auoir nouuelles. Car ce il y est  
Melior n'est pas hors de ceste vil-  
le yssuë. Sinon croiez sire Empe-  
reur que ils sont ensemble en quel  
que lieu de ceste ville ou qu'ilz  
s'en vont. Mout fut l'Empereur  
marry, & courroucé à ceste fois.  
Car des yeux luy sortoient gros-  
ses larmes de dueil & de d'espir.  
Si fit incontinent chercher par

tous les lieux de la cité de Rome  
mais rien ne luy valut le cher-  
cher. Car homme n'en sceut dire  
nouuelles, dont l'empereur fut si  
esperdu que peu s'en faillit que le  
cœur ne luy fendit de malalent  
tantost fut la nouuelle sçeuë par  
la cité de Rome qui pouuoit es-  
tre celée. Et si l'Empereur de  
Rome estoit troublé en son esprit  
les gregois n'en eurent pas moins,  
& pareillement tous ceux de la  
cité, & estoit le bruiet à Rome que  
Guillaume & Melior s'en estoient  
allez. Ainsi fut toute la feste trou-  
blée, & le grand commencement  
de ioye tourné en plus grād deso-  
lation estoier les Grecz courrou-  
cez & marries & les romains en hō-  
te & vergongne & n'y pouuoient  
mettre remede d'une costé ne d'au-  
tre, fors que les Grecz s'en allerēt  
à tout leur courte honte. Et l'Em-  
pereur fit querir & chercher sa fille  
Melior en toutes pars comme ty  
apres orrez racōpter, mais de lōg  
tēps ne la verra, car grande est la  
forest ou sont les deux Amans qui  
n'ont peur ne foucy, & prennent  
leur foulas & passe-temps à ouyr  
le doux chant du rossignolet.

**Q** Vant par toute la cité fut  
sçeu à la verité que Guillau-  
me, & Melior estoient partis tour-  
na la ioye en grand tristesse, l'em-  
pereur de Rome accompagné de  
vingtz mille Cheualiers de haur  
pris s'en va à l'empereur de Grece  
si compta



li compta son eñndy & honte, se  
complaignant de ce grand mes-  
faict. Et de sa fille qui s'en estoit  
aliée qui par le vassal auoit es-  
té emmenée: & comme le vassal il  
auoit nourry, & en honneur esle-  
ué: qui tel des-honneur luy auoit  
faict. Si en demandé conseil à  
L'empereur de Grece qui comme  
sage luy va dire ainsi. Sire Em-  
pereur, puis que ainsi que nouuel-  
les n'en pouuez auoir ie conseille-  
roye que assemblée fust faicte de  
vostre conseil. Et que faictes ve-  
nir par deuers vous tous voz  
barons, Seigneurs, Cheualiers &  
vassaux pour vous secourir à ce  
besoing, & ceux qui de ce seront  
ressulans soient à perplecité mis  
en seruitude & priuez de l'estat de  
noblesse. Et quand tous seront  
venus, si les ferez mettre en or-  
dre pour chercher par tout vostre  
Empire, sans espargner, villes,  
chasteaux, villages, chemins, sen-  
tiers, forestz, bois, champs,  
montaignes, vallées, Eglises,  
monstiers, caues, ne garniers, en  
faisant promesse que à qui trou-  
uer les pourra, vous le ferez ri-  
che à tout iamais. Mais conuient  
aussi que faciez bien & seuremēt  
garder tous les passages & portz  
de Mer & de riuieres. Et que  
tous passans en allans & venans  
soient diligemment enquis sur  
ce bon fut trouué le conseil de l'É-  
pereur de Grece & fust creu de

G. de Palen.

tout ce qu'il auoit dir. Le mande-  
ment fut incontinent despeché &  
le cry publié. Lequel faict vin-  
drent par deuers l'Empereur de  
toutes partz tāt de gens que tou-  
te la terre en estoit enuisonnée. Si  
fist L'empereur son commande-  
ment avec la promesse que Guil-  
laume & Melior pourroit trou-  
uer riche le feroit à tout iamais  
croiez que si Dieu n'a pitié des  
deux Amans en grand danger sōt  
d'estre trouuez. Car celuy n'y a  
qui grand peine ne met d'en fai-  
re son plain pouuoir. Et maint y a  
en la bande qui par ennies de Guil-  
laume la mort iurée s'il peut tom-  
ber en leurs mains. Mais Dieu  
par sa grace les vueille preseruer  
& garder de ce peril: cōme ceux  
qui meilleur besoing en ont que  
iamais. Bien leur seruira le loup-  
garou, Car l'histoire dict que  
quand les gens de l'empereur ap-  
prochoient du lieu ou les deux  
Amans estoient ce loupgarou  
par grand impetuosité sailloit en-  
tre eux, dont si effroyez estoient  
desuoyez. Si tant par sa diligen-  
ce que loing les as faict fuir &  
n'ont garde de approcher du lieu  
ou estoient les Amans. Ainsi les  
mist hors de ce danger. Et furent  
Romains, Lombars, Gregois,  
cherchans par l'espace d'un mois  
entier sans rien trouuer, ne ouyr  
nouuelles de Guillaume ne de  
Melior. Dont furent fort esmer-

G.



ueillez non sans raison]

*Comme le Grec qui auoit ven Guillaume  
& Melior ainsi vestus en peaux  
dours, passans par le Iardin en  
fist le compte à ceux qui  
commis estoient pour  
les chercher.*

**B**ien auez ouy cy dessus  
racompter comme le  
Grec auoyent eu  
grand frayeur ; &  
peur de Guillaume & Melior pas-  
sans par le iardin, habillez & cou-  
sus en peaux dours. Si fist le com-  
te à plusieurs & mettoit à son y-  
magination que ce pourroit bien  
estre Guillaume & Melior ainsi  
desguisez. Sur ce furent inter-  
roguez les cuisiniers qui dirent &  
affermerent que en la cuisine sou-  
loit auoir deux peaux Dours  
blancs & qu'ils ne scauoient qui  
les auoit prinse. La nouuelle vint  
à L'empereur, lequel incontinent  
fist renouveler son mandement,  
& le fist scauoir par tout son Em-  
pire. Si comencèrent tous à cher-  
cher les deux ours blancs pour en  
auoir nouuelles, c'est pourneant:  
car le loupgarou si bien conduy  
les deux amans que des mains  
de leurs ennemis les preserua &  
les fist euader. Et quand Ro-  
mains furent las de chercher &  
les Grecs ennuyez de attendre,  
prindrēt congé de L'empereur de

Rome: Si dit L'empereur de Grèce  
ce au Romain, sire Empereur, ie  
vous prie & requiers que faictes  
bien garder tous voz passages:  
afin que ce vassal ne vous puisse  
eschapper. Et si tenir le pou-  
uez ie vous prie le me enuoyer en  
grece pour en faire la iustice & au  
regard de vostre fille en pourrez  
faire ce qu'il vous plaira, si luy  
octraya L'empereur sa requeste,  
ainsi prindrent l'un l'autre congé  
& se retira chacun à son quartier.  
Ainsi s'en retournerent les grecz  
dolés de la fortune. Si furent seu-  
és les nouuelles par tout l'empire  
de Grece, dont furent tous esmer-  
ueillez, & plusieurs furent d'auis  
que on deuoit faire guerre aux  
Romains mais L'empereur de  
Grece dist qu'il se tenoit content  
de L'empereur de Rome, & de la  
promesse qu'il luy auoit faicte.  
Et ne demandoit que tenir en  
ses mains le vassal, qui cause es-  
toit de celle mesme aduenture.  
Et encores viendra le temps que  
grandes & forte guerre se esmou-  
uera pour celle cause des Grecz  
contre les Romains qui mout  
grand dommage leur feront, si  
n'est par le secours du bon cheua-  
lier Guillaume, comme pourrez  
ouyr en la deduction de l'histoire  
temps est de laisser les Grecz a re-  
pos en leur pays. Si tournerons  
aux deux Amans qui tant exploi-  
terent avec la bonne conduicte

Un loup-garou qui tousiours leur  
 mostroit le chemin & voie de leur  
 repaire. Et les fournissant de vi-  
 ures à leur besoing qu'ilz fussent  
 passez seurement sans danger ou-  
 tre toute la Lóbardie, entrerent  
 par vne nuit és marches de la  
 Pouille. La reposerent en vne fo-  
 rest iusques au iour esclarcy, si re-  
 garderent par les larris & à tra-  
 uers les buissons & virent les  
 hautes tours clochiers, & fortes  
 murailles de la noble ville de be-  
 neuant qui mout estoit forte &  
 bien ennoblie de riuieres preries  
 & belle champaigne. Si ne fut pas  
 sans estre en grande doute par ce  
 que si prochains estoient de gens  
 & d'une telle ville. Et n'estoiet les  
 buissons assez fors pour eux ca-  
 cher & la tirer à suffisance. Ainsy  
 troublez les deux Amans de peur  
 & craint chercherent tous  
 moyens possibles deuant que le  
 iour fut plus cler. Et finalement  
 autre seureté ne trouuerent fors  
 vne carriere à tirer pierre fort am-  
 ple & parfonde, illec se rapirent &  
 musserét au mieux qu'ilz peurent.  
 Si cuyderent estre en tres-grande  
 seureté. Dedans la carriere auoir  
 plusieurs caues & pertuis: Si vi-  
 siterent à leur loisir & prindrét lo-  
 gis qui leur sembla mieux valoir  
 que chastel ne manoir tant fust  
 fort ou riche. Mais tel cuide bien  
 estre asseuré qui soudain se trou-  
 ue en grand danger, car si tost que

les deux Amans voulurent repó-  
 ser comme ceux qui fort estoient  
 lassez & trauaillez de cheminer à  
 quatre piedz cōme bestes auua-  
 ges. Entra dedans celle carriere  
 vn manouurier maison guarny  
 de son pic de fer pour tirer des  
 pierres. Vray Dieu du ciel qui doi-  
 uent bien prédre souci & non pas  
 dormir. Veu le danger ou ils sont  
 maintenant, car encores de tel  
 danger n'auoient rencontré. Le  
 manouurier: & entre & voyant le  
 lieu de sa tasche aperceut incont-  
 nent les deux ours blancs, dont  
 il auoit ouy faire le cri par la con-  
 trée de par l'Empereur de Rome  
 & les promesses faictes à ceux qui  
 nouuelles certaines en pourroiet  
 dire, parquoy bien cuida estre ri-  
 che. Si s'en va sans dire mot hors  
 de la carriere de ce aduertit ses  
 compagnons, lesquelz incont-  
 nent en aduertirent le Preuost de  
 la ville.

*Comme le Cheualier Gaillaume &  
 Melior vestus en peaux D'ours  
 furent trouuez mussez en  
 vne carriere sus les  
 marches de la  
 Pouille.*



R la nouuelle fust tost  
 sceüe par les carriers:  
 que les deux Ours e-  
 stoiet en celle cauerne  
 ensēble firent cōplot du butin qui

en pourroit aduenir & la en faisoient entre eux leur partage & promirent tenir bonne foy & compagnie l'un à l'autre. Et ce complot entre eux faict, celui qui auoit faict la rencontre, laissa les compagnons pour garder le lieu. Et s'en alla noncer la nouuelle au preuost de Beneuant qui fut tout ioyeux & tost prest.

Si manda tous les sergens & sans faire demeure les mena & conduisoit à celle carrière. Et disoit le manourier sire preuost soyez certain que ie les ay veus dormans près d'un piller à la carrière. Et pour leurreté i'ay laissé mes compagnons pour garder l'entrée : afin que ils ne s'en puissent yssir. Le preuost & les sergens vindrēt à la carrière qui en tresgrand nombre estoient. Car celui n'y auoit qui grand desir n'eust de veoir celle merueille. Dont les uns estoient à pied & les autres à cheual garnis de voulges, picques & iauelots & autres bastons de guerre. Mesmes le fils au preuost qui estoit tout son mignon y fut mené pour voir le mistere. Mais si le Preuost eust sceu l'adventure qui luy aduint ia ne l'eust mené avec luy : si auoit l'enfant sept ans d'age ou environ, blanc, tendre, & beau à merueilles, & l'aymoit le preuost comme son Dieu : & ne alloit en nul lieu qu'il ne fust en sa compa-

gnie. Quand le preuost son fils & les seruiteurs furent arriuez à la carrière : & ceux qui à cheual estoient descendirent. La belle Melior estoit ia resueillée de son sommeil. Et en dormant vint songe mout estrange auoit songé, dont tout le corps luy alloit tremblant de paour & fraieur & en estoit tout esmeuë : Guillaume fut resueillé, si luy compta Melior, cōme le cœur luy trembloit de frayeur pour le songe quelle auoit faict en son dormant. Et guillaume la reconforte au mieux qu'il luy est possible. Helas ! dist la dame doux amy i'ay grand paour que mal ne nous aduienne. Car il ma ia semblé que ours, liepars & fagliers nous venoient icy deuorer, lesquels vn fier lion conduisoit qui auoit vn petit lionneau avec luy. Et venoient ceans pour nous prendre manger sans que eussions puissance de nous deffendre. Si m'estoit semblablement aduis que celle part & vois venir celle beste qui tant de bien nous à fait iusques icy & parmy toute l'assemblée couroit la gueule bée, & vint iusques au petit lionneau & maugré toutes ses feres bestes print le lionneau en sa gueulle & l'emporta sans remede. Et en faisant le compte de son songe ouyrent grand bruit de gés & de cheuaux vers l'entrée de la carrière. Si cuida Guillaume yf-



fir hors du sens & Melior fut plus effrayée que iamais. Pourtant n'ont garde, car ce besoing ne leur faudra ce Loupgarou, comme bien tost pourrez ouïr cōpter se y voulez entendre. Quand Guillaume entendit le bruyt des gens & cheuaux. Si ne sceut plus beau recours auoir que à Dieu tout puissant. Si fist son oraison à Dieu, disāt deuotement. O vray Dieu glorieux, qui par ta bonté as crée le soleil, la lune, le ciel, la terre, les quatre elemens sis & formas l'hōme à ta semblance, & si luy as donné la femme par bonne compagnie & ayde: afin qu'ils ayent l'un de l'autre secours en cas de necessité. O bon Iesus qui par ta sainte bonté as de ton precieux sans rachepté l'humain lignage en souffrant pour nous passion cruelle iusques à la croix & de la croix à la mort. Puis ressuscita, & monta es cieux. Puis le Benoist saint Esprit fut enuoyé pour enluminer de verité, foy, charité, esperance les pauvres humains languoureux & remplis de tentations, erreurs, seductions diabolicques afin de multiplier & augmenter la foy Chrestienne. & tous nous sauuer si à nous ne tient. O sainte Trinité par ta bonté infinie regarde en pitié ton humble creature & vueille offer de danger moy & ma bonne compaignie

& nous vueille de bref enuoyer secours & ayde à ce besoing. O douce beste qui tousiours nous as secouru & aydé au besoing. Te prie dieu qu'il te plaise te diriger & conduire en telle sorte que par toi puissions de bref auoir ayde & secours. Ha fortune ma naturelle ennemie ne cesseras tu iamais de me faire la guerre ne seras tu iamais lasse. Te deueroit il pas suffire de tant de maux que mas faits souffrir & endurer iusques à present. Or puis ie bien dire que bien est fol celui qui en toi se fie. Mais de quoi es tu enuieuse à l'encontre de nos amours qui plus fines nettes & honnestes sont, que de telles ie cuide bien n'en furent iamais au monde. Car autre choses ne rendons en la fin auoir le saint Sacrement de mariage. Or nous vueille maintenant Dieu par sa sainte grace preseruer & garder de nos ennemis. Ici pouuez entendre comme fait bon à Dieu se recommander au besoing. Car leur vertu porta celle oraison que biē tost furent deliurez de ce danger. Or escoutez comment.

*Comme par la vertu de l'oraison que fist Guillaume luy & Melior, euererent le peril de estre prins par le preuost de Bienenant.*



**V**ertueuse, & bonne fut l'oraison que auoit faite Guillaume : car incontinent qu'il eut finée & palacheuee & aduisa près de lui vn gros marteau de fer. Lequel incontinent il print en ayant courage de vertueusement se defendre. Si regarde Melior doucement en luy disant. Helas! ma trel douce amie, fleur de beauté & de noblesse que maintenant i'ai grand peur que n'avez mal ou deshonneur. Ha que ie n'ay à present vn bon cheual & vne lance pour ces gloutons combattre. Car alors de riens ne vous deuriez douter: Mais si ay ie encores bonne esperance en Dieu, qui ne seront si aysement prins tant que ce marteau pourra durer en mes mains. Or ie vous supplie ma douce dame & amie que despouillez c'este peau dours que avez vestue, car incontinent seriez n'aurée & mise à mort & si seroit aduis aux gens que fussiez vne beste sauage, & quand en vos riches habits vous verront vestue n'y aura celuy qui toucher vous ose pour vous mal faire, & serez cogneuë, reuerée, & honorée de toutes gens. Au regard de moy douce amye, si ie meurs ie l'ay bien meritè: mais auant que ie meure le bras me faudra ou ie feray cruelle vengeance, car i'ayme mieux estre mort que prins. Ha doux amy

dist Melior à Dieu ne plaise que sans vous ie viue en ce monde. Cuidez vous doux & loyal amy que ie souffre que vostre corps soit frappé ne batu n'enny certes: & en louspirant redrement cheut palmée à terre. Quand le cheualier vit sa Dame ainsi l'amenter ne sceut bonnement que faire ne peser, car toujours oyoit le bruit des cheuaux & gens voulans entrer pour les prendre. Et lors à tout son marteau & vn gros pic qu'il trouua en la voye va à la gueulle de la carriere. Or se donnent de garde hardimēt ceux qui estoient les plus hardis & les premiers: Car ia ne se trouueront sains. Qui eut veu la contenance de Guillaume vestu en peau dours tenant ce marteau & ce pic biē eust d'eu estre effrayé, car fierement se contenoit comme celui qui n'a nul crainte de mourir. Ce pendant la belle Melior estoit en priere: en grande crainte & doute, non seulement de sa personne: mais plus de son amy Guillaume. Si prie deuotement nostre seigneur qui les vueille preseruer & garder ce iour d'ennuy & encombrier. Et comme les gens du preuost vouloyent entrer n'eurent le loysir de marcher vn pas, car tout soudain le loup garou courant comme la foudre se vint ietter parmy les gens du preuost, & au milieu de toute l'assemblée prent

le fils au preuost à tout sa gueule & l'emporte par chaps & larris si ne luy chaut comme il le traicte, mais sans l'espargner, l'emporte courant & tantant hayes & buissons, & si tost s'en va qu'il n'a garde d'estre prins, le preuost & toute l'assemblée furent grandement troublez & marris decelle aduerture: & principalement le preuost qui commença à arguer les gens disant. Ha lasches & meschans, cōme auez vous laissé emporter mon fils à telle cruelle beste. Tost apres de par dieu ou de par le diable. Si monterent les vns à cheual. Les autres à pied: ensemble s'en vont courāt apres le loupgarou qui faict semblant de les attendre & tellemēt les abusa tousiours tenant l'enfant en sa gueule qui brayt & crie de grād paour à frayeur qu'il à que tost eslongnerent la cauerne & carriere ou estoient Guillaume & Melior.

Ainsi laissa le preuost & ses gens la cauerne, les deux amans qui apperceurent que par le loupgarou auoient esté secourus. Si prindrent conseil ensemble de ce qu'ils auoiēt à faire & dirēt l'un à l'autre que bien deuoiēt Dieu remercier qui par sa sainte grace ainsi leur auoit aydē à leur besoing. Helas! fait Melior i'ai grand paour que ces gens ne facent quel que mal ou desplaisir à celle beste. Le les oy faire si grand bruit que

merueilles: ie prie Dieu qu'il la vueille garder de mal. O douce amie dist Guillaume ne vous souciez de la beste. Car bien de eux se sçaura garder quād besoing sera, mais temps est de penser de nous. Si conseille que de ces peaux dours nous deuestions: & par ainsi ce seront cogneuz ne apperceuz si nous en yrons par ces bleds, & tant ferons que nous gagnerons la forest, & par ce moyen serons a seureté. Ainsi firent cōme ils l'auoient deuisé. Mais au departir noublierent leurs peaux: lesquelles ils trouuerent desous leurs bras. Et ainsi à trauers les bleds qui grands estoient s'en vont, Biē regardoient amont & aual. Et par la champagne, mais ne virent homme qui empeschement leur fist. Ainsi tousiours errerent par champs & champagne l'espace de lieue & demie tousiours eux recommandans à Dieu: & iceluy le regrant, louant d'estre ainsi eschappez: & auoir sigrād peril uader. Si approcherent d'une forest donc furēt mout resiois. La dedans sont entrez & au plus profond buisson & plus fueillu se sēt mussez. Si fut la belle Melior lassee & trauaillēe: car grande diligence auoit faict de cheminer, & quand la furent sur la belle fueille se prindrent à reposer. Et repeurent ensemble d'vndormir sauoureux.

Comme le loup garou qui poursuivy e-  
 st par le Preuost de Beneuant &  
 les gens laissa l'enfant sans au-  
 cun mal luy auoir fait.

**B**ien auez ouï comme le  
 loup garou eut porté le  
 filz au preuost de Be-  
 neuant, qui fait grand  
 diligence auëc les gens de le  
 rescoure à courir de gens & de  
 cheuaux. Et tant fist le loup garou  
 par sa subtilité, que le pre-  
 uost & les gens fist eslongner de la  
 carriere ou Guillaume & Melior  
 estoient & quand il apperceut  
 que bien pourroyent estre les a-  
 mans euadez, si laissa l'enfant sans  
 aucun mal luy auoir fait & s'en  
 va à son aduenture. Et quand les  
 gens du Preuost virent l'enfant  
 que nul mal n'auoit s'en re-  
 tournerent ioyeux. Si dit l'histoi-  
 re que la nuit estoit ia venue, &  
 auoyent employé la iournée cou-  
 rans apres le loup garou si estoient  
 tous trauaillez, mais quand le  
 preuost vit son filz, tost le courut  
 embrasser, & par tout le corps  
 luy tasta: mais n'y trouua mal ne  
 blesseure. Si se print à l'accoller  
 embrasser, & telle ioie en eut qu'il  
 oublia tous ses trauaux, & la  
 peine qu'il auoit eue à le poursui-  
 uir & rescourre. Si dist qui n'a

que faire de la beste, puis que son  
 enfant à recouuert, & ainsi s'en re-  
 tournerent tous laissez & trauail-  
 lez, & pource que la nuit appro-  
 choit se logerent par les villages  
 au mieux qu'ilz peurent, & le l'en-  
 demain retournerent en leurs mai-  
 sons faisans les comtes de leur  
 fortune & de ce qui leur estoit ad-  
 uenu, dont tous estoient esbahis  
 & esmerueillez. Si estoient les car-  
 riers bien marris que les deux  
 iours n'auoient esté prins, car bi-  
 cuidoient estre riches à iamais  
 pour la promesse de l'épereur de  
 Rome. Le preuost ne sceut que di-  
 re ne penser sinon qu'il fit crier &  
 publier par toute la preuosté que  
 qui des deux ours luy apporte-  
 roit nouuelles certaines, riche le  
 feroit à tout iamais. Si laisserons  
 à parler du preuost de Beneuant  
 & les gens, & retournerons aux  
 deux Amans que laissé auons re-  
 posans & dormans.

**V**N bon amy iamais de fai-  
 re à amy plaisir & seruice  
 n'est las si ne craint point ne tra-  
 uail ne ennuy, mesmes de la mort  
 ne tient compte tant sont d'amours  
 grandes les vertus ceque bien ap-  
 perceut du loup garou qui tant de  
 seruices auoit faitz au besoing à  
 Guillaume & Melior, mais enco-  
 res n'est las de leur donner secours  
 car incontinct qu'il se fut departi  
 du preuost & de les gens, mais ne  
 cessa iusques à tant qu'il sceut ou  
 les



les deux amans estoient, si les sui-  
 uit si diligemment par la traise  
 que dormans les trouua en la fo-  
 rest & tout incontinēt s'en retour-  
 na sur le grand chemin passant &  
 la trouua assez moyē, d'auoir vin  
 & viādes: car celuy n'y auoit por-  
 tans viures qui ne fust destroué:  
 Et quand il veit que assez estoit  
 chargé aux deux amans s'en re-  
 tourna: & sans faire bruit ne noi-  
 se prés eux mist assez à boire &  
 manger, puis à diligence s'en re-  
 tourna: car avec eux n'auoit que  
 faire de sejourner. Si s'en alla par  
 champs & par villages escoutant  
 le bruit des gens qui de luy & des  
 deux amans parloient & comme  
 par toute la terre estoient cherchez  
 iour & nuict. Si pensa que besoing  
 estoit de dōner secours aux deux  
 amans, qui encores en grand dan-  
 ger estoient: ce temps pendant se  
 resueillirent les deux amans &  
 quand ils apperceurent les viures  
 qui prés deux estoient se prindrēt  
 à louer Dieu & regracier & bien  
 penserent que le loup garou leur  
 auoit à ce besoing donné secours,  
 dont bien se tindrent heureux: de  
 s'irant que celle beste tousiours de  
 Dieu soit gardée & preleruée de  
 tout mal: car sans elle beaucoup  
 auroient à souffrir & longuement  
 ne pourroient viure. Et tant com-  
 mencerēt à repaistre comme ceux  
 qui bon besoing en auoient. Et à  
 tāt s'approcha la nuict qu'ils vou-

G. de Paler.

lurent marcher & se mettre en  
 voye par la forest comme ils a-  
 uoient accoustumé: Mais la bel-  
 le Melior tant se trouua lasse, cō-  
 me celle qui tēdre & delicate e-  
 stoit que à peine pouuoit mettre  
 vn pied deuant l'autre. Si s'en cō-  
 plaint à son amy Guillaume & dit  
 que qui la deueroit occire aller ne  
 cheminer ne pouuoit. Guillau-  
 me la reconforta au mieux qu'il  
 peut disant ne vous chaille douce  
 amie. Puis que vous vous trou-  
 uiez lasse dont passerons icy la nui-  
 ctée: voire iusques à tant que soiez  
 renforcée & en bonne vigueur.  
 Ainsi demurerent la & passerent  
 celle nuictée eux reposant & dor-  
 mans à leur ayse: iusques au l'en-  
 demain. Si pourrez maintenant  
 ouyr comme le Loup garou be-  
 songna en celle nuictée pour le  
 prouffit des deux amans si lire  
 voulez plus auant: car oncques  
 plus grande subtilité n'eust on  
 sceu trouuer pour leur prouffit &  
 utilité.

*Comme le Loup garou prés le lieu ou e-  
 stoient les amans print vn cerf qu'il  
 estrangla, & puis retourna en la  
 forest à ses autres ad-  
 uentures.*


**L**ors se reposa celle nui-  
 ctée Melior mieux que  
 par auant: car de  
 plus auant aller ne  
 luy estoit possible, & ainsi re-

H.

prit vigueur à force de se reposer. Mais le Loupgarou qui d'autre côté estoit pas n'estoit las. Et n'auoit que faire de reposer ne dormir, comme celui qui fait & crée. estoit pour les deux amans se courir & ayder en leur necessité & à besoing. Si dist l'histoire que le Loupgarou rencontra vn cerf lequel pourluyuit si chaudement que pres des deux amans sur l'aube du iour l'amena prins & estrangla. Voyant Guillaume qui ia estoit resueillé pour le bruiet que faisoient le Loupgarou & le cerf à leur chasse. Et incontinent que le cerf fut mort & estragné, le loup garou print sa course par la forest comme il auoit accoustumé. Si comença Guillaume à compter à Melior ce qu'il auoit veu faire au Loupgarou, disant ainsi. Melior ma douce amie onc ne ouistes parler de telle beste. Car ie cognois present le plus beau moyen que onc eussions peu songer pour nous mettre hors du danger de nos ennemis, & si eussions vn autre peau de cerf avec celle que voyez homme viuant ne nous scauroit nuyre ne cognoistre. Si pourrions par ce moyen hors de L'empire sortir à nostre aise. Car les peaux de cerf prédriens & laifserions les peaux dours: Melior bien veoit que l'opinion de Guillaume estoit bonne. Helas! doux amy dist elle comment vne autre

peau de Cerf pourrions nous recouurer. le n'y voy aucun moyen. Et en disant ces parolles aperceurent le Loupgarou qui vne Biche chassoit de si près que aux dets l'auoit prinle. Et ainsi l'amena aux deux amans qui la prirent ioyeusement & le Loupgarou s'en retourna sans plus arrester. Cy cuida bien Guillaume estre formét courroucé de ce que son aise ne pouuoit remercier le loup garou qui tant de bien luy auoit fait & dit. Ha franche beste que t'ay ie fait, dequoy as tu paour qui ainsi t'en vas fuyans de moy. Las ie cognois que sans toy viure ne pourroye. Venez venez noble beste: car ie croy quen'estes engendrée de loup garou, car on peu cognoistre à vos facons que auez sens & raison. Si vous prie reuez & n'ayez foucy, craintene paour de nous & nous faictes bonne cōpaignie. D'autre part se accorde à ce que dist Guillaume & dist que la bonne beste bien monstre euidemment quelle à sens & entendement. Bien entendre le Loupgarou que c'estoit mussé derriere le buysson tous les propos que Guillaume & Melior auoient dit & deuise. Si s'éva parla forest plorant & l'amentant & laifse les deux amans. Le Cerf & la biche qu'il auoit prins dont firent ce qu'ils auoient deliberé comme auez ouy au chapitre cy deuant,

Le noble Cheualier Guillaume  
prêt le cerf & iceluy escorcha &  
autant en fist de la Bische & apres  
qu'ils eurent les deux peaux escor-  
chées laisserent les deux peaux  
dours & se vestirent de peaux de  
cerf & bische & tantbesongnerēt  
que la nuit fut venuë. Si fut Me-  
lior assez reposée & reprint coura-  
ge, tellement que quand de la pe-  
au de biche fut couuerte mieux  
marcha que deuant. Si ressemblo-  
yent proprement estre vn Cerf &  
vne bische & n'auoient gardé es-  
tre recogneuz de ceux qui esto-  
ient empeschez à les chercher. Car  
il n'auoient autre charge que cher-  
cher deux Ours blancs. Mais ils  
sont bien abusez : car le Loup-  
garou leur à ioué vn toar de finesse.  
Ainsi s'en vont seurement sans  
danger les deux amans. Les  
comissaires d'autre mirent firent  
telle diligence qu'ils vindrent au  
lieu ou les deux peaux Dours  
estoit. Si virent le Cerf & la  
Bishe escorchez d'une part &  
d'autre part les deux peaux de  
Ours blanches, & dōt bien entēdi-  
rent que il estoient gabez & nose-  
rent plus auant aller pour le dan-  
ger des guerres qui en ce pais es-  
toient encommencées de par le  
roi D'espaigne à l'écōtre de la roi-  
ne de cecile en la cōtrée de la Pou-  
ille & de calabre & ainsi s'en retour-  
nerent en leurs maisons sans riēs  
auoir trouué de ce qu'ils cher-

choiēt par les moiens que  ref-  
fus auez ouï reciter.

*Comme le Roi D'espaigne fit grosse guer-  
re à la Roine de Cecile & gasta &  
pilla le pays & la contrée  
de la Pouille.*

**E**N continuant nostre  
histoire faut entendre  
que entre le Roy D'es-  
paigne & la Roine de  
Cecile se esmeut grosse guer-  
re pour la raison qui ensuit. Bien  
auez ouy au commencement de  
c'este presente histoire que le bon  
Guillaume de Palerne par le  
loupgarou en vn iardin, deuant  
le Roy Ebron son pere fut prins,  
dont par succession de temps le  
bon roy Ebron de dueil mourut.  
Si luy succeda seulement vne  
fille quitāt belle & sage estoit que  
merueilles. Et pour la beauté &  
sagesse d'elle fut amoureux le  
fils du roid'espaigne qui estoit fre-  
re du loupgarou dont tant auons  
parlé. Si enuoya le roy D'espai-  
gne embassadeurs par deuers la  
roine de Cecille : Mais autre res-  
ponce ne sceurēt auoir que de re-  
fus, dont le Roy D'espaigne fust  
mal content. Si delibera que puis  
que par amour le mariage de son



filz ne peut faire que par force  
 de guerre la royne fera condes-  
 cendre à sa volonté. Ainsi entra le  
 Roy D'Espagne à grôse & forte  
 armée à la pouille gasta tout le pais  
 sans riens espargner tellemēt que  
 c'estoit grand pitié à veoir & se  
 delibera de assieger la royne en la  
 cité de Palerne ou elle s'estoit reti-  
 rée pour sa seureté d'elle & de sa  
 fille que Florence auoit nom la pl<sup>e</sup>  
 belle & plus sage de son temps &  
 de son aage. Si auoit la royne de  
 Cecile enuoyé demāder & requie-  
 rir secours à L'epereur de Grece  
 son pere: mais trop pourroit tar-  
 der le secours : car les Espagnols  
 sont deuant Palerne qui ont assie-  
 gée la ville & de iour en autre ser-  
 monnent & requierent la Roine  
 de se rendre & de faire leur plaine  
 & entiere volonté & que iamais  
 ne partiront de la que prinse ne  
 soit la ville d'assaut & sera leur vo-  
 lonté accōplie. Mout fut la Roy-  
 ne en grand esmoy quand en si  
 grand dāger se trouua & qui plus  
 la greuoit elle veoit les citoyens  
 de Palerne qui deliberez estoient  
 eux rendre: si ne scauoit que faire  
 ne dire. En tresgrand esmoy fut  
 la royne de Cecille voyant ses  
 subiets & citoyēs lasez de la guer-  
 re. Si tint conseil & elles mesmes  
 en plain consistoire dist ainsi. Sei-  
 gneurs vous estes tous mes hom-  
 mes & subiects. Si vous prie que  
 me soyēz loyaux & fidelles. Bien

estes aduertis que j'ay enuoyé de-  
 mander secours à mon pere L'em-  
 pereur de Constantinople, dont  
 ne puis si tost auoir nouuelles.  
 Si ne puis deliberée me rendre  
 iusques à tant que j'en aye certai-  
 nes nouuelles, afin de estre plus  
 asseurée. Cependant ie suis d'a-  
 uis qu'il seroit bon d'enuoyer mes-  
 sagers sages & prudens par de-  
 uers le Roy D'Espagne qui ainsi  
 me guerroye. Et luy remonstrer  
 de par moy que si de mō pere n'ai  
 secours, dedans quinze iours ie  
 luy rendray la ville: avec telle cō-  
 position qu'il vouldra. Autrement  
 à moy n'aura iamais appoincte-  
 ment. Ainsi fut deliberé & cōclud  
 selon le plaisir de la Royne. Si fu-  
 rent par elle deputez messagers  
 prudens & sages qui par deuers  
 le Roy D'Espagne s'en vont. Et  
 quand en l'ost furent tresbien fi-  
 rent leur harangue. Mais riens  
 n'exploiterent: car le Roy D'es-  
 paigne iura son grand serment  
 que riens ne fera de tout ce que  
 la Royne luy mande se premiere-  
 ment la royne ne luy enuoye sa  
 fille la belle Florence, & que au-  
 trement iamais n'aura paix, avec  
 luy destruyra & gastera toute sa  
 terre. Et se par amour faire ne le  
 veut, par force luy conuiendra  
 faire. Si n'en peurent les messa-  
 gers autre responce auoir. Par-  
 quoy s'en retournerent à Palerne  
 & à la Royne ont faict raport de

la responce du Roy D'Espagne. Quand la royne entendit le vouloir du Roy D'Espagne qui si fier & orgueilleux estoit mout triste & pensue. Si se retira en sa chambre & commença cōme toute desolée à plorer tendrement & Dieu reclamer de tout son cœur, qu'il luy plaist l'honneur d'elle & de sa fille sauuer & les deffendre cōtre leur ennemy. Icy lairrons la royne faire à son ayle ses orailons l'amentables car tantost Dieu luy enuoia secours. Si nous faut changer propos & retournerons à nostre loupgarou.

*Comme les deux amans firent par le loupgarou mener & conduire par plusieurs riuieres & par mer iniques à Palerne en merueilleuse sorte.*

**E** grand merueille cōme les choses se rencontrent dont l'on ne se douteroit iamais ainsi sont de Dieu les faictz merueilleux que c'est vn abisme d'y penser, car doresnauant pourrez comme Guillaume & Alphonse le Loupgarou cogneurent leur pays, & leurs parens, mais encorres leur conuiendra mout de peine auoir sans qu'ilz paruiennent au dessus de leurs besongnes. Or deuez sçauoir que lors le Roy

d'Espagne & son ost auoit assiegé la roine de Cecille en sa ville de Palerne, dont Guillaume estoit naturel seigneur, grand pillage faisoient les espagnolz en la campagne. Et d'autre part la Roine & les gens estoient en grand soucy & craincte. Si ne sçauoit la Roine que faire ne penser. Mais Guillaume & Melior par la conduicte & guide du Loupgarou, tant ont erré & cheminé par bois, Forests, & Campagnes, ainsi vestus en peaux de Cerfs, comme auez ouy cy dessus qui sont yssus hors des terres de L'empereur de Rome pere de Melior qui tant les auoit faict poursuivre & chercher, & entrèrent au roiaume de Cecille, Si trouuerent les bourgs & villages tous pillés & gastés & en entrant d'un territoire en l'autre leur conuint passer mainte dangereuse & parfonde riuiere. Mais de les passer me suis fort esmeruillé & non sans cause, car l'histoire dit chose fort admirable que les deux Amans entroient en vne barque au basteau & le Loupgarou se gettoit deuant és Riuieres & traioit & menoit les deux Amans en les passant outre sans aucun danger. Et quand ilzeurent toutes les riuieres passées par vn matin approcherēt du haut & fort chassel appelé Risse assis sur vne haute montagne. Si se tapirent près

d'illec en vn lieu seur iusques à  
 tant que la nuit approcha. Et  
 alors virent le loup garou qui  
 leur fist signe de le suiur. Au si-  
 gne qu'il auoit doné se departirét.  
 Et apres luy marcherent pas à  
 pas. Si les mena & conduisit ius-  
 ques à vn port de mer suiuant le  
 long du riuage. Illec trouuerent  
 vne barque preste pour passer la  
 Mer. Si estoient les nautonniers  
 endormis & le maistre du nauire  
 à la tauerne, & quand le Loup-  
 garou apperceut qu'il estoit temps  
 & heure, saut au dedans tout coie  
 mét & Guillaume & Melior apres  
 s'as ce qu'ilz fussent apperceuz de  
 homme viuant, Si trouuerent  
 trois tonnes vuides & se mirent  
 dedans. L'heure vint de partir &  
 fut mise la voile au vent. Et  
 tant fut le bon vent que en peu  
 d'heure furét à bon port arriuez.  
 Vn peu deuant l'aube du iour ar-  
 riuua la barque à bon port, dont  
 tous furent fort resiouis & loue-  
 rent Dieu. Si virent qu'ils estoient  
 près de Meschines noble cité du  
 Royaume de Cecille. Mais les  
 Amans qui dedans les tonneaux  
 estoient, eurent grand peur de  
 mort. Car bonnement ne sca-  
 uoient comme sortir. Or oyez  
 ie vous supplie comme fut habil-  
 le & subtile Loup garou qui ne  
 taschoit que tousiours faire serui-  
 ce aux deux Amans & les mettre  
 hors de tous dangers, car si tost

qu'il apperceut l'heure conuen-  
 ble sortit hors de la barque, dont  
 tous les nautonniers furent ef-  
 froyez & esbahis de veoir saillir  
 telle beste hors de la barque, La-  
 quelle n'auoient veu entrer si se  
 mirent tous à courir apres le loup  
 garou, lequel il pensoient facile-  
 ment tuer, pource qu'il cōtrefai-  
 soit le boiteux & tant le poursui-  
 uirent le cuidant tuer ou faire  
 noyer que par fois à coups de pi-  
 erres & bastons le contraignirent  
 se ietter dedans la mer: mais trop  
 bien se scauoit sauuer, comme ce-  
 lui qui le corps auoit habille & ne  
 craignoit riē pour son entreprin-  
 se par faire, ce pendant bien entē-  
 dirēt les deux Amans qui encores  
 estoient dedans les tonnes le bon  
 secours que leur donnoit le loup-  
 garou. Et alors mirent les cor-  
 nes hors & saillirent sans trouuer  
 empeschement, car les nauton-  
 niers estoient ia à demie lieuē sui-  
 uans le loup garou. Ainsi s'en al-  
 lerent le long de la riue. Toutef-  
 fois ne s'en allerent sans prendre  
 dedans la barque force prouision  
 & viures qui leur estoiet fort ne-  
 cessaires. Bien ioyeux furent d'a-  
 uoir eschappé de tel danger: si en  
 louerent nostre Seigneur de bon  
 cœur en luy supliant que son plai-  
 sir soit de preseruer & garder  
 leur bonne beste qui tant leur es-  
 toit au besoing secourable.  
 Tres-bien se sçent garantir le



loupgarou tousiours louant de  
ses bons tours & quant les mari-  
niers virent que rien ne pouuo-  
ient gagner à la poursuite s'en  
retournerent à la barque & les  
deux Amans d'autre costé s'e vôt  
gaignant pais & trouuerent tout  
pillé de la guerre des Espagnolz  
ainsi passerent mainte ville &  
maint chastel comme sainte Ma-  
rie de lesquale, & la cité de cepha-  
le tousiours suiuaus le grand che-  
min de Palerne, mais ce ne fut  
sans la bonne guide du Loupgar-  
rou qui les gouuernoit sans que  
rien leur faille au besoing, car si  
tost qu'il eut euadé les nauton-  
niers qui le suiuiotēt comme dit a-  
uons cy dessus. bien sceut retrou-  
uer la trasse des amans, lesquelz  
acompanoit de loing monstrant  
le chemin de Palerne. Tant firent  
de chemin qu'ilz virent les hautes  
murailles, & les haux clochiers,  
les beffrois, dongeons, hautes  
tours & tournelles & nobles mai-  
sons de bourgeois, enseignes, es-  
tandars & pennons, dont la no-  
ble cité estoit enrichie & decorée.  
Et vont considerant le noble pa-  
lais royal ennobly d'une haute &  
belle tour qui plaine estoit de ri-  
chesses & de thresor sur laquelle  
estoit l'aigle d'or massif par ensei-  
gne d'autre costé la mer salée, &  
tant de nauires que bien sembloit  
d'une grande forest, puis vont re-  
gardant le parc du feu roi Ebron

qui autres fois auoit esté plain de  
bestes sauages de toutes sortes  
mais les Espagnolz les auoient  
prinles, occises & mangées. Long  
temps ont eu les deux Amans en  
consideration la beauté & deco-  
ration de la noble cité. Ainsi se fôr  
reposez peu de temps, mais apres  
leur repos ne scauoient bonne-  
ment que faire ne ou aller, car  
mout auoient grande doute de  
ceux de l'ost des Espagnolz qui les  
eussent peuz apperceuoir, chasser  
& prédre comme cerfz & bisches  
dont, eussent esté en grand dan-  
ger de leurs personnes.

**E**N tant que ainsi estoient com-  
me auez ouy virent venir  
vers eux leur beste, dont mout  
furent resiouis, car grand signe  
leur faisoit qu'il neussent aucun  
soucey. Si s'en va deuant le Loup-  
garou & ilz le suiuent pas à pas,  
car en luy estoit toute leur fiance.  
Plus n'eurent crainte des Espa-  
gnolz. Car le loupgarou les me-  
na au iardin & parc du feu Roy  
Ebron, dont auez ouy comter au  
commencement de l'histoire. De-  
dans ce parc entrerent par vne  
haye ou frette que les espagnolz  
auoient faicte, & se tapirent tous  
trois en vne fueillée brancheue  
dessouz vn haut pin, & la iusques  
au l'endemain au matin se repo-  
serent.

*Comme le Royme de Ceci'e en contem-  
plant les dangers ou elle estoit, fist vn  
merueilleux songe & de l'ex-  
position de celui.*

**L**A Royme de Cecille en  
sa chambre estoit qui  
tant pense à son affaire  
& tant auoit eu de  
foucy & de melencolie. Et tant a-  
uoit prié nostre Seigneur quelle  
s'elloit endormie, & si elle auoit  
tristesse en son cœur ce n'estoit  
point sans cause : Car bien auoit  
veu les murailles de la ville rōpues  
& estoit tousiours en grand dan-  
ger d'estre prinles des Espagnols  
qui nuit & iour donnoient les as-  
sauts & si estoient mout foibles &  
& lassez les garnisons de la ville,  
en ce dormir entra la noble roy-  
ne en songes, dont quand elle fut  
resueillée fut toute esbahie, & ne  
sçauoit que ce pouuoit estre. Car  
tout le sang luy fremist au corps,  
& lui auoit semblé qu'elle & la fille  
la belle Florence estoient allez à  
l'esbat sur vn tertre: & qu'elles fu-  
rent environnées de plus de mil-  
le bestes cruelles qui les vouloient  
deuorer : mais vn Loup & vn  
ours les secoururent. Si que les  
autres bestes ne leur sçurent mal  
faire ne desplaisir, & quand lours  
& le loup prés deux estoient ve-  
nuz leur sembloit que fussent  
deux cerfs, mais qu'ils auoient en-  
tre deux cornes la face de deux

enfants. Et sur leurs chef estoient  
couronnez de riches couronnes  
de fin or garnies de precieuse pi-  
errie, & la beste qui ressembloit  
le cerf, aduis luy estoit que c'estoit  
Guillaume son filz, & l'autre beste  
qui auoit semblât de bische estoit  
vne belle pucelle mout sage gra-  
cieuse, & aduenante qui avec elle  
se maintenoit, & ce temps pen-  
dât le loup garou & le cerf, dont  
dessus ay parlé contre les autres  
bestes batailloient & qu'ilz auo-  
ient prins à force vn liepart & vn  
fier lion si les amenoient par de-  
uers elle en sa ville de ralerne, &  
apres que ces deux fieres bestes  
estoient prinles, les autres s'en  
fuyoient cōme toutes esperduës  
& lui sembla lors proprement ad-  
uis que apres auoit euadé si grand  
peril qu'elle montoit sur sa tour &  
ses deux bras luy creurent tant &  
tellement que de l'vn touchoit la  
cité de rome, & de l'autre à main  
fenestre tout le roiaume D'espai-  
gne, & n'y auoit homme viuant  
qui nuyre luy peust, si ne sçeast  
que dire ne penser de ce sōge fors  
se recommander à Dieu & qu'il  
luy pleust par sa sainte grace de  
luy estre en ayde & secours.

**S**I s'est leuee la noble Royme  
& s'en est allée par deuers son  
Chapelain qui nommé estoit  
Moysant grand clerc, & grand A-  
strologue à merueilles estoit en  
la chappelle & le rencontra, & lui  
compta

contra le songe si comme auez oul-  
sans rien celer luy demandant  
sur son aduis & conseil. Bien en-  
tendit Moylant le songe, & tout  
incontinent tourna les fueilletz  
de ses liures & en trouua toute la  
signifiante. Si dist à la Royne.

Noble Dame de rien ne vous  
quiers mentir, car encores fustes  
de bonne heure née. Et si vous  
dis que bonnes nouvelles vous  
apporte ce songe. Et quand sur  
terre ou montagne vous sembla  
aduis estre en grand danger de  
bestes qui deuorer vous vou-  
loient ce sont voz ennemis les Es-  
pagnolz qui maintz affaux vous  
ont donné, & par force veullent  
aubir la belle Florence vostre fille  
mais la ne viendront à leur en-  
tente. Et le loup & les deux  
ours blancs qui ceris, & biche  
vous ressembloient quand pres  
de vous estoient & ont donné &  
aubient courbaines d'or sur  
leurs têtes. Scachez que le cerf  
qui aubir la face de virentant, &  
ressembloit vostre filz, lequel vn  
Liepart & vn lion demenoit pris  
fourniers vostre maison, c'est vn  
vaillant vassal, puissant & redou-  
té qui de vostre terre mettra voz  
ennemis hors, & par luy sera fait  
ce la paix de ceste guerre. Et  
par la force le Roy d'Espagne  
prendra & amenera en voz pri-  
sons & le plus grand Seigneur de son ar-  
mée. Et tiendra tous le royaume

G. de Paler.

de Cecille. Le loup garou qui a-  
uee eux est c'est vn autre vassal,  
par lequel toute ceste malice  
se fera mise à fin, & finalement  
deliurera de voz prisons le liepart  
& le lion en sorte que tous seront  
bons amis & par son moyen orrez  
parler de vostre filz, d'or de si l'og  
tép n'auz eu nouvelle & duquel  
auz mainte l'armée gettée & Dieu  
priez & suppliez, lequel vous aide-  
ra: car vostre filz telle femme pré-  
dra pour espouse qui sera fille à  
l'épouseur de Rome & par ce moié  
serez maistresse & dame de toute  
la Lombardie qui est la signifiante  
de vostre main d'estre qui sur  
Rome vous sembloit estre, & de  
la main fenestre que auiez sur le  
Royaume d'Espagne cela vous  
signifie que le loup qui est filz au  
Roy d'Espagne espoulera vostre  
fille & par ainsi sera Roy d'Espa-  
gne de Cecille, dont estes dame.  
Or auz ouy l'exposition du son-  
ge telle que en mes liures l'ai trou-  
uée. Si en deutez louer Dieu & vo-  
consoler: car ontques tant heu-  
reuse ne fut que serez dorénavant.  
Ainsi exposa Moylant le songe  
de sa dame la royne de Cecille.  
Laquelle fut moult ioieuse quand  
de son filz Guillaume ouyt parler  
si fit dire & celebrer Messes & o-  
raisons à Dieu le Createur. Le  
priant qu'il garde l'honneur d'elle  
& de sa belle fille Florence. La mes-  
se ouyt deuotement. Puis de sa



chapellet islit & entra en la chambre. Et en pensant à son songe & à l'exposition de Moïsan son chapelain s'en va sur vne fenestre appuyer qui auoit regard sur le parc au Iardin ou estoient Guillaume & Melior qui ensemble se deuisoient & palsoient le tēps attendans le surplus de leurs aduentures.

*Comme la Roïne de Cecile apperçeut  
les deux Amans desguisez en  
cerf & bische gisans  
en son parc.*

**U**Ors gueres n'eust regardé la noble Roïne en priant le Createur de estre à son secours que en regardant par le Iardin à main fenestre vit les deux Amans Guillaume & Melior vestus de peaux de cerf & bische dormans ensemble souz vn laurier en vne verte prairie. Si estoit la belle Melior plaisante & delectable & grand passe-tēps auoient les deux Amans l'un avec l'autre deuisans tousiours de leurs amours & aduentures. Et faisoient deliberation assauoir si plus en ses peaux de bestes se tiendroient veu que hors des dangers de l'Empereur estoient & de cela estoient en grand esmoy. Toutesfois la fin & resolution fut que sans la conduicte de

leur bonne beste qui tant leur auoit donné de secours rien ne feroient en attendant ce qui leur pourroit aduenir. Mais n'estoit sans faire les recommandations à Dieu duquel tousiours ils requeroient laide & secours cōme ceux qui en auoient tresgrand besoing. Ainsi estās en ce parc & iardin apres ce qu'ilz se furent à dieu cōmandez le noble Cheualier Guillaume commença à dire à Melior. Helas ! douce amie i'ay à presēt grand enuie de voir vostre noble face. Laquelle de si long temps ie ne veis. Si dist Melior encores plus grand enuie ay ie de voir la vostre. Je desiroye volontiers dit Melior que la roïne sceust nostre venue. Aussi seroy ie douce amie qu'elle me eust donné bon cheual & bonnes armes pour la secourir cōtre les Espaignolz, car par le Dieu en qui ie croy vn tel homme elle auroit rencontré qui de ses ennemis feroit la vengeance & la paix de toute ceste guerre mais ie croy que à elle la nouvelle n'en scauroit venir. Je ne scay dist Melior à l'aduenture bien en pourroit estre aduenie, ce que ie desireroye volontiers, & prie nostre Seigneur que ainsi soit. Ce pendant que les deux Amans deuisoient ainsi que auez vuy dessus la Roïne regardoit leur contenance & maintien, mais ne entendit ce qu'ilz disoient & resbahissoit cō

me deux bestes pouuoïent tel signe  
d'amour l'un à l'autre monstrer  
côme deux embrasser & accoller  
par Amour, & dit à par elle que en  
ce parc auoit veu maint cerf & bis-  
cho. Mais des tours Amoureux  
de ces deux n'auoit veu le signe;  
car ces deux estoient comme l'a-  
mant avec samte, & dist par esba-  
hissement. Sire Dieu que peut e-  
stre cecy bien luy souuint du son-  
ge & de l'exposition de Moysant  
son chapelain & dit l'histoire que  
toute la iournée entière ne fit au-  
tre chose la royne que regarder  
& contempler les deux Amans en  
leur estre enques à tant que la  
nuit fut venue que plus ne les  
peut voir ne apperceuoir & que  
il fut questel de soupper & alleoir  
les tables. Et furent appareillées  
les viandes & Cheualiers assis  
chacun en son ordre qui repeurēt  
habondamment. Apres que les  
tables furent leuées n'y eut celuy  
en la compagnie qui ne tint pro-  
pos de la guerre. Car l'un com-  
toit des peines & travaux qu'il  
auoit souffertes. L'autre comptoit  
de la puissance du Roy d'Espa-  
gne, & puis que la ville ne pour-  
roit tenir longuement contre eux.  
Car la estoient les murailles rom-  
pues, les fosses remplis, & ne ces-  
soient de donner l'assaut nuyt &  
iour. Si y eut la plus part qui  
ne tendoient à autre chose que eux  
rendre, mais les plus hardis tous-

iours tenoient le parry de leur  
maistresse, & disoient que mieux  
aymeroient mourir vaillamment  
pour l'honneur d'elle que ainsi eux  
rendre villainement & que pour el-  
le seroit encores l'iniurée par eux  
vengée & feroient maint Espa-  
gnol demeurer en la place.

*Comme la Royne de Cecille par le con-  
seil de Moysant son chapelain se ve-  
stus en peau de cerf & alla au parc  
au iardin ou estoient Guil-  
laume & Melior. Et  
comme ils seurent  
cogneurent.*

**A**insi disoient les Ba-  
rons & Cheualiers a-  
pres soupper. Et di-  
soient l'un à l'autre  
que d'angereuse estoit la guerre.  
Or verra l'on disoient les plus  
vaillans qui meilleur vassal se-  
ra & qui mieux servira la dame  
& maistresse. Celle parole fist tai-  
re mains hommes qui grand de-  
sirs auoient de se rendre & à ce  
parol estoit presēt la noble roy-  
ne qui bien escoutoit ce que cha-  
cun disoit. Si commença à repren-  
dre la parole & de la table se leua.  
Le corps auoit gēt & all'aigre, bel  
le, haute & droite estoit, & bon la  
faisoit veoir sur le paument de



la salle. Et par belle douce elo-  
quence leur va dire. Messieurs  
& amys vous qui estes & deuez es-  
tre loyaux, & m'auez la foy pro-  
mise, gardez ie vous prie mon bié  
& honneur & me deffendez de mes  
ennemis car ceux qui bien me ser-  
uiront ie les recompenseray si bié  
qu'ilz auront cause d'estre contés  
de moy, A ces parolles n'y eut ce-  
luy qui ne offrirst loyaument ser-  
uir iusques à leur vies habandon-  
ner. Et à tant prirent tous con-  
gé & chacun se retira en son hostel  
iusques au lendemain. Le lende-  
main au matin le Roy D'Espa-  
gne commanda donner l'assaut  
qui donné fut moult rudement.  
Ceux de dehors faisoient souuent  
la semoce aux bourgeois de eux  
rendre. Ou de eux n'auoit le Roi  
mercy, D'autre part ceux de la  
ville monstroient bien sembler  
de n'auoir crainte & se deffendoient  
vertueusement à coups de trez  
& d'arcs d'arbalèstres, & gertoient  
groses pierres & carreaux sur  
ceux qui approchoient des murail-  
les. L'assaut dura moult longue-  
ment. Parquoy maint Espagnol  
y perdit la vie. Et ce pendant la  
Roine estoit en oraison en sa cha-  
pelle qui de fort bon cuer prioit  
nostre seigneur qu'il lui pleust pre-  
seruer ses ges d'écoubrier & gra-  
tiance. Et apres que elle eust fai-  
ctes ses oraisons & ouye la messe  
s'en retourna en celle fenestre, d'où

nous parlons. Et dedans ce pare-  
voit encores le cerf, & la Bische  
que le iour de deuant auoit veue.  
Et dit l'histoire que les peaux es-  
toient seiches amoldrie & retrai-  
ctes : parquoy elle apperceut à  
trauers les coustures les riches  
vestemens des deux amans qui  
de pourpre inde & vermeille estoient  
dont grandement fut esmer-  
ueillée. Mout fut esbahie la No-  
ble Roine de Cecille quand ap-  
perceurent les nobles vestemens.  
Adonc appella Moysant son cha-  
pelain : & luy monstra ce quelle  
auoit veu. Dont fut moult res-  
ioüy. Moysant cognoissant que  
l'exposition qu'il auoit faicte du  
sage estoit veritable & lors print  
à consoler la noble Roine & luy  
va dire. Tresnoble Dame estes  
vous passementant d'un mes-  
sager de L'empereur de Romme  
l'autre hienvint ceans & comprit  
comme un vassal beau & vaill-  
lant à merueilles apoit emmené  
la fille de L'empereur qui deuoit  
espouser le fils de L'empereur de  
Grace vostre frere. Et qu'ils en  
estoyent assez secrettement vestus  
en peaux de blanches Ours, & tant  
compta le mesager de la vaillan-  
ce de ce vassal, & de la sagesse  
prudente & beauté de celle dame  
que merueilles. Si ne vous puis  
dire pourquoy les deux peaux  
ont changé, car ie n'en scay la  
cause. Si vous conuient noble



royne tant faire qu'ils soient avec vous afin que le Cheualier puisse auoir à vostre secours. Laise moy dist la royne à Moysant conseillez moy comment ie pourray à eux parler : pour dieu enseignez moy la maniere : dist Moysant ceans à vne grand peau de cerf. Si conuient que en icelle soyez coufue tout ainsi qu'ils sont , & puis deuers eux vous pres coucher en sorte que les puissiez voir à vostre aise. Mout fut ioyeuse la Dame , & quand Moysant son chappelain entendit. Si n'eust cesse de repos iusques à ce qui estoit delibere fut mis afin. En la peau de cerf fut par Moysant coufue , & sembloit proprement que d'elle fust vn cerf dainage, tant estoit bien appointee de sous costee. Elle estoit par le costee de Moysant iusques à la nuye qui passa iusques environ l'ambre d'un m. belors de bend les ungren , par vn guichet entre au iardin & par ou estoient les deux amans. Si se chargea d'une ieune damoyelle avec qui elle estoit de l'attendre au guichet : & tenir le cas secret. Ainsi s'en va soufument la Royne par le verger & se mulla derriere vn buisson pres de deux amans qui d'obnoyent. Mais d'auenture Melior se resueillit qui vn tel songe auoit songe que elle en estoit toute esbahie & luy fremissoit le sang par

tous le corps Doucement appela Guillaume. Si luy dist doux ami confortez moy : car ie suis tout effrayee de paour. Pourquoy douce amie dist Guillaume : pour ce dist elle que ie songeois que vn grand aygle venoit qui fur celui donion nous auoit emportez. Amie dist Guillaume , de rien ne foyez esbahie car ce n'est que songe. En ce disant aduiserent la royne de l'autre part du buisson. Helas ! dist Melior doux amy ie voy celle beste qui la s'est endormie si n'a eu de nous paour ne grainde. Elle à bonne raison dist Guillaume : car pas ne cuide que autres loyons qu'elle nous voit : car si elle seauoit nostre condénat gueres ne demoureroit pres de nous. Mais il luy semble que bestes semment tout ainsi quelle.

Quand la royne les entend si fut tresallurée : certes dist elle beaux amis bien vous ay entenduz , & escoutez longuement & loué soit Dieu le createur , dont ie cognois tout vostre affaire si ne m'en fuiray. Mais tenir veux vostre compagnie, d'ot riens n'y perdrez, mais resiouy en denez estre grandement.

Estahis furent les deux amans & sur tout la belle Melior qui toute trembla de paour & bien cuidoit du tout estre prinse & deshonoree. Alors dist Guillaume qui que tu loyes bestes ie te

congiure de par dieu tout puissant  
que si tu es de bone part si parles,  
sinon que aucun mal ne nous fa-  
ces. Lors dist la Roïne ia ne me  
faut congiurer. Car beste suis com-  
me vous estes & ia n'aurez mal  
par moy. Si devez sçauoir que  
de telle pasture ie vis comme vous  
faictes, mais d'autres bestes  
mont chassée hors de mon pastu-  
rage par leurs grands efforts & ay  
grand besoing de vostre secours.  
Et suis icy venuë pour vous de-  
mander ayde & secours à mōtrel-  
grand besoing. Et vous supplie  
que par vous me soit rendu mon  
pasturage si vous feray seigneur  
de tout l'herbage. Bien sçay de  
vous noble pucelle que fille estes  
de L'empereur de Rome. Vous  
soyez tresbien venus: car à bon  
port vous estes arrivez. Au re-  
gard de moy ie vous fais sçauoir  
que de toute ceste contrée ie suis  
roïne couronnée: & à mout grand  
tort le Roy D'espaigne me fait la  
guerre pour auoir ma fille Floré-  
ce. Mais ia ne viendra à son  
entente mieux aymeroye estre  
morte: Par son grand orgueil  
à ma terre brulée & arse, tué &  
occis la pluspart de mes gens &  
suis à present à peu de gens ne sçai  
bonnement comment ie me puisse  
deffendre longuement.

Vaillant Cheualier ie vous  
demande secours vous mettant  
tout mon vaillant à l'abandon:

Car ie sçay de certain que plus  
preux & vaillant estes de tout le  
monde.

*Da parlement que Guillaume & la  
roïne de cecile eurent en-  
semble au iardin à  
leur premiere  
rencontre.*

**E**T quand le noble Che-  
ualier Guillaume eut en-  
tendit parler la Roïne: li  
luy dist. Dame dites  
moy pour certain si de ceste  
terre estes Roïne. Ouy ainsi me  
ayde Dieu dist elle, qui vous à  
peu compter & dire de no<sup>ce</sup> que  
vous en auez dit maintenant  
dit Guillaume, car il semble à vous  
ouys parler que sçachez tout no-  
stre affaire: & ce que c'est passé  
tout ainsi que nous mesmes.  
Ne vous chaste dist la Roïne, pa-  
vous fussiez auant venus deuers  
vous pour secours & ayde vous  
demander: & bien sçay que toute  
ma terre ay perdue, & se par vous  
n'est recouurer. Quand Guillau-  
me entend ainsi la dame parler &  
se plaindre grand pitie en  
print en son courage & fort luy gri-  
esue la guerre que les Espagnolz  
auoyent faicte & luy fontencores  
mais plus luy eust esté grief s'il  
eust sçeu qu'elle estoit la mere.  
Dont rien ne sçauoient ne Pyn ne  
l'autre: si pësoit la roïne auoir per-  
du son fils & Guillaume ne sçauoit  
de que fils il estoit. Lors Guil-

l'ame dit Dame grand paour & de vous, Et si ne sçai que de vous aduenir pourra, mais si en moy auez fiance soyez certaine que i'amaïs ne vous faudray. Dont humblement la dame le remercia. Bien ioyeuse estoit la belle Melior d'auoir rencontré telle cōpagnie. Pareillement le noble cheualier. Guillaume n'en estoit pas moins ioyeux, car à ce le incitoit nature d'auoir rencontrer celle qui dedans son ventre l'auoit porté toutesfois rien ne sçauoit.

**A** Tant se leuerent tous trois sur pieds qui deuant estoient à quatre pieds comme bestes & s'en vont vers le chasteau. La Roynne se mist deuant, & Guillaume & Melior alloient apres, ainsi vinrent à la portee au guichet, mais la pucelle qui les attendoit si grande paour en eut de ainsi les voir vestus de peau de cerf, qui à peu qu'elle ne yist de son sens, & s'en voulut fuyr à grand hast, mais la Roynne la rappella & l'occardisant que d'elle ne d'eut auoir paour. A quoy respondit la damoiselle que paour n'auoit de le, mais des deux qui apres elle venoient, dont l'un estoit si grand & si hideux qu'elle en trembloit toute de paour, & que la damoiselle fut a fleur de & sceut toute la verité la roine lui descendit que pour riens à homme ne femme ne le die.

Ainsi entrerent dedans vn celier & eux entrez la roynne fist tantost apprester deux baings pour les deux amans nettoier & lauer Car bon besoing en auoient qui si long temps par les bois auoient esté viuans comme bestes fauages.

**L** Es baings furent noblement appareillez comme bien leur appartenoit. Si fut le noble Cheualier Guillaume en vn baing appart tout seul & la roynne tint compagnie à Melior en vn autre baing à part. Si furent seruis de tout ce qu'il leur estoit necessaire en sorte que riens n'y falloit. La fut présenté la belle Florence fille à la Roynne de Cecille. Pour laquelle les Espagnols faisoient si grand guerre qui fort prenoit de leur faire bon recueil tant que possible luy estoit & obme tresbien sçauoit faire, & quand Guillaume vit que tant d'honneur on luy faisoit grandement en remercia la roynne & sa fille, & leur dist qu'en brief tēps avecques l'ayde de Dieu mettra bone peine de leur rendre le loier. Et apres qu'ils furent baingnez, l'auiez & vestus de leurs riches & notables vestemens laisserēt leurs peaux de cerfs & monterēt en la salle du palais royal. Quand dedans la salle furent entrez qui moult estoit parée richement pres de la bouche de pare-



ment s'en sont ensemble allez de-  
uisans de leurs affaire & furent  
noblemēt assis chacun en son lieu.  
Et lors commença humblement  
la noble Roïne à arraisonner  
Guillaume luy demandant quel-  
les armes il vouloit porter: si dit  
Guillaume que riens ne quiert  
en ce monde que armes porter &  
pria humblement la Roïne que  
dedās le pēdemain luy fust porté  
vn escu d'or fin: & au milieu vn  
loup bien portraict à fier vilage.  
Dont incontinent telle diligen-  
ce fut faicte que deuant le iour  
couchant fut faict & pourtraict  
l'escu tant bien que merueilles, &  
furent à Guillaume apportez tant  
de harnois que à son choix en pou-  
uoit prendre. Vn desrier luy fut  
admené que le feu Roy Ebroin  
Cecille pere de Guillaume auoit  
accoustumé de porter en  
guerre qui moult estoit de bonne  
nature: car depuis le trespas du  
roy Ebroin n'auoir souffert mon-  
ter homme viuant sur luy: tous  
iours auoit porté criste semblant  
Son nom estoit Brucil: Lequel quand il fut pre-  
senté deuant le cheualier Guil-  
laume commença à l'aider hanir &  
faire pennades & grand signe de  
ioye, dont assistans furent tous  
esmerueillez: car le cheual bran-  
lant la teste & frappant du pied  
contre terre monstra par signe  
qu'il veut estre deschainé d'une

cheine de fer dōr il estoit enchainé  
& incontinēt qu'il fut deschainé  
par force courut vers Guilla-  
me sentant son alaine, dont tous  
furēt elbahis & esmerueillez plus  
que deuant.

Es palefreniers inconti-  
nēt allèrent annoncer la nou-  
uelle à la roïne qui en son palais  
estoit. Dont elle fut tressioieule.  
Si s'enquit Guillaume à la Ro-  
ïne si le cheual estoit bon & seur, la  
Roïne lui dist. Sire Cheualier,  
ie ne pense que au monde ait meil-  
leur cheual. C'estoit celui du feu  
Roy Ebroin mon mari, lequel  
pour l'amour de son maistre tant  
a gardé cherement se croi que  
le cheual aimoit son maistre car  
depuis son trespas ne monstra si-  
gne de ioye. Or sire Guillaume,  
puis que ainsi est qu'un tel est bon  
le Cheual le vous supplie que ie le  
mette en besogne: car auant  
de riens ne serai pieu au Roy.  
Sire Cheualier dist la noble Ro-  
ïne. Monseigneur le Cheual est à  
vous. Mais tous les cheuals  
armez, blancs, or, argens: De  
tout ce que à moi appartient est  
à vostre habandon, Sans rien  
reseruer, dont par le noble cheua-  
lier grandement fut remercie.  
Adonc fut le propos mis fin pour  
cette fois: car nūc estoit si en al-  
la chacun retirer en sa chambre  
apres auoir esté seruis de vin &  
d'espees. La nuit passa & appro-  
cha

cha le point du iour que les Espagnols commencerent à donner l'assaut.

**P**Lus fierement que iamais fut donné celuy assaut. Si estoient bien les assaillans trois mil en nombre, dont fort furent effrayez ceux de la ville de Palerme. Car bien cuidoyent estre mors ou prins. Grands furent les cris & l'amentations que firent les femmes & enfans de la cité. Chacun se mist en deffence, car les vns estoient sur les murailles, les autres és beffrois & fenestres des clochiers tours & tournelles: ietant coups de trait sur leurs ennemis: d'autre part fut armé Guillaume, lequel faisoit tant bon veoir que tous louerent Dieu de sa beauté & perfection que en luy estoit: Le cœur & courage luy creut alors. Car autre chose ne demandoit que faire faits d'armes pour hōneur & los acquerir. Maint bon cheualier pour accompagner Guillaume: monta sur son d'estrier si fut Guillaume ioyeux quand bien armé se sentit. Au departir print congé de Melior samye & de toute la noble compagnie: & dit l'histoire que mout y eut de peine pour le cheual brider & seeller, car hōme n'en osa approcher fors le noble vaillant cheualier Guillaume qui à son plaisir fist incontinent voyant toute la baronnie: car le cheual monstra

G. de Paler.

à Guillaume grand signe d'humilité, dessus le cheual monta Guillaume, & quand il fut monté: lors eussiez veu le cheual faire trongne furieuse: car les narines commença mouuoir: si branle la teste, & les yeux à plus enflambez que torches ardant le cheualier incontinent donna la carrière: si eussiez veu le cheual bondir & feu de pierres faire yssir que c'estoit merueilles à veoir ne restoit que l'escu & la lance qui fust baillée à Guillaume qui bien ressembloit vaillant cheualier. Tous ceux de la cité regardoient la contenance & benissoient dieu qui tel cheualier leur auoit enuoyé, & disoient que bien estoient dignes de grand hōneur auoir. Pas ne scauoient qu'il estoit, car si l'eussent sceu plus eussent esté ioyeux, car il estoit leur vray seigneur: Dont luy mesmes rien ne scauoit. Si commença Guillaume à leur dire, beaux seigneurs ie me bahis de vous, qui me semblez vaillans & cheualeureux comme vous estes, laissez ainsi gourmander à ses Espagnols qui vostre terre ainsi ont exilée, & gastée: que c'est grande pitié. Si en deuriez auoir grande honte, vous qui estes dues, comtes, barons: & cheualiers, & en grand nombre, & n'osez sortir hors pour aux ennemis courir sus & vous deffendre virilement. Si vous pryé seigneurs que chacun prenne coura-

K

ge, car t'ay bonne esperance que ce iour n'en eschappera vn, qu'il ne soit mort ou prin, & leur mon-  
strerons qu'ils ont grand tort.

Or faictes tost ouurir la portes: car ie men vois deuant, & ver-  
ray qui suyure me voudra. Et  
incontinent qu'il eut la parolle fi-  
née donna de l'esperon & s'en va  
bruyant par la ville comme tem-  
peste. Et le suyurent bien qua-  
tre cens hommes d'armes tous  
bien en ordre.

**E**T quand Guillaume fut  
hors de la ville mout fut  
ioyeux voir en presence ses enne-  
mis. Si dit à ses gens. Messei-  
gneurs le vous prenez tous cou-  
rage vous voyez tous les Espa-  
gnols. Combien qu'ils soyent plus  
grand nombre que nous. Ce non-  
obstant si voulons prendre cœur  
& courage bien tost seront def-  
faits: car ils ne tiennent point  
de ordre. Si vous prie que tous  
vous mainteniez ensemble. Fai-  
ctes petites courses, menu, & sou-  
uent sans iamais en desordre  
vous mettre. Or en voy ie vn  
qui vient deliberé de combatre,  
tantost verray qui mieux aura  
au ferir de la lance. Mout estoit  
fier & courageux L'espagnol. Si  
laissent courir leurs cheuaux  
qui au courir firent la terre rem-  
bler & ressembloient plustost vo-  
ler que courir. Si s'entredonne-  
rent si grands coups de lances au

rencontrer, que leurs lances en  
pieces vollèrent. Guillaume re-  
print vigueur. Et d'un espieu  
qu'il auoit si rudement ferit l'Espa-  
gnol: qui estoit seneschal du Roy  
que l'escu fendit en deux parts. Si  
ne le peust guarantir le haubert  
que mort ne fust renuersé ius de  
son cheual à terre. Et dist Guil-  
laume que par luy plus ne sera la  
guerre mené & que en malle heu-  
re estoit party D'espagne pour  
guerroyer en Cecille. Si print le  
cheual par la resne & l'emmaine à  
ses gés, laissant le seneschal mort  
en la campagne.

*Des vaillances que Guillaume fait de-  
uant Palerne à l'encontre des Espa-  
gnols, & comment il print le roi  
D'espaigne, & iceluy pri-  
sonnier à la royne  
de Cecile.*

**V**Oyans les Espagnols le  
seneschal mort esten-  
du grand douleur de-  
menerent, si viennent  
droit au corps & hors de la multi-  
tude des cheuaux le mainent. La  
eussiez veu de maint Espagnols  
destordre les poings: mainte l'ar-  
me y fust respendue & maints de-  
chirerent leurs cheueux de dueil  
qu'ils auoient d'auoir leur bon se-  
neschal perdu qui toute la guer-  
re iusques cy auoit gouuernée: A  
lors voyans les citoyens la vail-



lance de Guillaume tous d'une  
flote se assemblerent à l'encontre  
de leurs ennemis si vont ferir si  
resuirillement que merueilles es-  
toit: car à la femonce de Guillau-  
me leur augmenta la force & le  
courage. Si fierent & frappent sur  
Espagnols à grands coups de lan-  
ces & despées tréchants tousiours  
ferrez sans iamais eux mettre  
en desordre que de ce premier  
coup en abbatirent cent par terre  
qui oncques puis n'eurent pouoir  
de monter à cheual. Pas ne faut  
demander si le vaillant Cheua-  
lier Guillaume abbatit le sien: Si  
fust la lance brisée au deuxiesme  
coup. Puis à coups d'espée tren-  
chante fait voller testes bras &  
iambes par terre en sorte que ho-  
me ne l'osoit attendre. Et quand  
les Espagnols virent que Guil-  
laume si grand dommage leur  
portoit tous commécerent à huer  
& ietter leur cry sur luy. Mais  
guerres ne luy en chaut. Car hom-  
me vivant ne crainr ne doubte  
tant est preux & vaillant. Si don-  
ne des espérons à Brunissant de  
Brueil son bon cheual & se fient  
en la plus grand presse. Qui lors  
eust veu les hauts faits d'armes  
que faisoit le vaillant cheualier  
bien eust peu dire que tel cheua-  
lier n'y auoit au monde vniuersel:  
car de son espée frappoit à tort &  
à trauers testes bras & espaulles  
faisoit renuerfer par terre & cer-

uelles respandre que c'estoit mer-  
ueilles celuy n'y auoit qui le vou-  
lust attendre.

*Comme apres que Guillaume eut enui-  
sion la premiere iournée deuant Pa-  
lerne par le moyen du loup garou  
congneut que la royne es-  
toit sa mere, & la  
royne cogneut  
son frere*

**B**ien l'ay apperçue voy-  
remet dist & cuide que  
bon signe nous demon-  
stre & que bien tost  
l'aurons avec nous. Certes  
dist la royne il me semble que c'est  
celle beste qui long temps à mon  
fils emporté, dont depuis ie n'eus  
au cœur ioye ne auray tant que  
ie viue. Or dictes moy dist Guil-  
laume comme il vous aduint de  
celle fortune. Volontiers ie vous  
diray, dist la Royne, vray est que  
vn iour estoie en ce iardin allée  
prenant mon seiour & esbatemēt,  
Le roy monseigneur & maint che-  
ualiers. Dames & damoiselles y  
estoient & mon fils qui petit enfāt  
estoit & de l'aage d'environ qua-  
tre ans: ce iour estoit le iour fort  
bel & cler & grād chaleur faisoit.  
Ainsi comme estions en ce iardin  
prenant nostre passetemps vn loup  
de telle sorte que celuy que auez  
veu toutesfois que plus grand es-  
toit saillit du bois & entra au iar-  
din lequel parmi toutel'assemblée

à gueulle bée courant print & fa-  
sit mon enfant & en la gueulle l'é-  
porta en sorte que homme ne le  
peut rescourre. Si estoit l'enfant  
tant bel & plaisant que belle cho-  
se estoit à veoir. Et estoit nommé  
Guillaume donc oncques puis n'é-  
ouys nouvelles. Si ne peut la Roy-  
ne outre parler pour les souspirs,  
l'armes & pleurs qui la pressoient  
du regret qu'elle auoit de ainsi a-  
uoir par ceste mesadventure son  
fils perdu. Quand Guillaume le  
bon Cheualier entend ce que la  
royne auoit compté commença à  
douter que ce fut il dont la Roy-  
ne auoit parlé & luy remembra  
du bon vascber qui nourry l'auoit  
en la forest vestu de mout riches  
habillemens & que long temps l'a-  
uoit nourry sans ce que l'on peust  
sçauoir de qu'elle part il estoit ve-  
nu & ne eult esté que la Roine luy  
dist que les cheualiers qui son fils  
auoient poursuyuy luy auoient  
rapporté qu'il estoit noyé eust ve-  
ritablement cuydé estre fils de la  
Royne : mais à tant lairrons ce  
propos & retournerons aux Es-  
pagnols qui mout grand dueil de-  
menerent de leur pere, & des plus  
vaillans d'entre eux qui mors es-  
toient à la bataille.

**C**omme auez ony cy deuant  
C's'en allerent les Espagnols  
fuyans, marrys & courroucez. Et  
aduertirent leur Roy de la perte

qu'ils auoient faite à celle rencon-  
tre, Les premiers qui au Roy del-  
paigne trop tost se presente pour  
nouuelles apporter. Luy racom-  
terent comme tout estoit perdu.  
Et se auança l'un d'entre eux à  
parler & dist ainsi. Sire Roy or es-  
coutez. Car la verité vous en  
dirai entierement sans en mentir.  
Vray est que au secours des ci-  
toyens de Palerne sont venus  
gens d'armes si vaillans que onc-  
ques de tels ne furent veuz si en-  
durcis à la guerre si fiers ne si ro-  
bustes : Car vn Cheualier y à  
fur tous si tresuaillant preux &  
hardi que au demeurant du monde  
de n'y à son pareil tout ce qu'il re-  
contre il occist & confond, & ho-  
me n'y à qui l'ose attendre. En ses  
armes porte vn loup. Oncques  
ne fust si fier cheualier. Car à la  
rencontre premier occist le senes-  
chal, & puis son neveu qui si bons  
& vaillans Cheualiers estoient,  
tous le pouuez sçauoir & entēdre  
merueilles estoit des faicts d'ar-  
mes que faisoit le nepueu du Se-  
neschal sur les citoyens de Paler-  
ne pour venger la mort de son on-  
cle, mais cestui dont vous parlez  
voiant le dommage qu'il lui por-  
toit ne laissa pour presse ne dan-  
ger que outre ne passast pour le  
rencontrer : Si eut l'espée traicte  
de laquelle si grand coup donna  
au neveu du Seneschal que  
toutes ses armures de riens ne

luy seruirent & mort tomba le bõ  
Cheualier par terre. Ainsi sont  
demourez l'oncle & le neveu au  
camp, & n'y à nul homme qui les  
ayt osé apporter. Car trop grand  
estoit le danger demourer lon-  
guement. Or sire prenez cõseil sur  
ce que deuez faire pour vostre  
honte & domnage venger.

*Comme le filz au Roy d'Espaigne folle-  
ment entreprint la vengeance de la  
mort du Seneschal & de ce  
qui luy en aduint.*

**L**A fut present le filz au  
Roy d'Espaigne celuy  
de la seconde femme,  
laquelle auoit conuer-  
ti Alphons filz de la premiere  
femme en loup garou comme a-  
uez peu entendre au commence-  
ment de l'histoire. Cestuy bien  
entendit les tristes & dolentes  
nouuelles que auez ouyes mout  
estoit bien accompagnée de Ba-  
rons, Cheualiers, & gens de cœur.  
Voyans les grands cris & l'amen-  
tations des Espagnolz qui de la  
rencontre estoient euadez plorans  
la mort de leurs amis grand tri-  
stesse en eut en son cœur, si print  
cœur & courage & au roi son pe-  
re dit ainsi. Sire roy & trescher pe-  
re. Or est ainsi que perdu auons  
noz ducz & Barõs, Et Cheualiers

en grãd nombre, mais encores ne  
faut s'esbahir, car de vaillans  
hommes auons plus de cent &  
quinze mille sans la menue gent  
de pied, de la perte c'est vne for-  
tune, Il faut aduiser de se ven-  
ger de la honte & domnage qu'o  
nous à faict, afin que les Ciciliens  
ne s'en puisset mocquer, car ie ne  
puisse iamais honneur auoir ne  
terre tenir, si la chose ne leur est  
chere vendue, Et si ie puis ren-  
contrer celuy qui en les armes le  
loup porte qui tant de mal & de  
dommage nous à porté. Ie vous  
en apporterai la teste & croi qu'il  
sera mort ou prins les autres n'en  
aurons ia meilleur marché. Or  
entendez sire Roy que i'ai deliberé  
de faire deuant celuy Cheualier  
auray occis & les autres mors ou  
prins. Lors-en la ville de Paler-  
ne entreray, la Royne & sa fille  
prendray & les feray en Espaigne  
mener & d'elle ferõs à nostre plai-  
sir, puis serez paisible Seigneur du  
Royaulme de Cecille sans contre-  
dit. Beau filz dit le Roy tout ainsi  
que l'avez dict & deuise sera faict  
sans faillir d'un seul poinct. La  
nuict auoit chassé le iour & temps  
estoit de repos prendre si se coucha  
chacun pour reposer tant que le  
lendemain le iour commença à es-  
clarcir, Lors les Espagnolz com-  
mencerent à murmurer dedans  
le champ. En armes furent tren-  
te deux mille bons & Cheualiers



deffite.

**L**es parolles que dictes auoit le filz au Roy D'espaigne furent trop glorieusement proferées & bien apparut que les grandz menaceurs cōme pourrez ouyr en lisant plus auant, Car tout ainsi que le Roy d'Espaigne auoit delibéré voulant mettre en effect son entreprinse se fist & deuant toute l'armée se mist pour estre des premiers & ia auoit delibéré prendre la ville d'assaut ordonné auoit ses eschelles & corde & parti l'armée en dix bades chacune ayant son capitaine. Ainsi s'en va deuant & tous le suivirent l'un apres l'autre. Mais avec luy retint des plus vaillans Cheualiers. Et tantost approcha l'armée des Espagnolz de la ville de Palerme. Le iour estoit alors cler & le soleil faisoit resplandir les harmois, heaume, & escus, bon faict voir les bannieres & panons ventelant au vent de zephire qui estoit chose ioyeuse à voir, mais quand furent au champ venuz tost fut la ioye tournée en douleur, quand Espagnolz voyent leurs amis mortz gisant en la campagne. Car d'un costé pouuoit on considerer la belle, & bonne Ordonnance de l'armée, La beauté du prince, Et la belle contenance des Cheualiers, Et d'autre costé les mors gisans à terre de la journée precedente cestoit

vn terrible espouuentail aux Espagnolz & peut on bien dire que mal'heureuses faisoit venir & que D'amours qui auoit picqué leur maistre estoient auéglez. Lors eussiez veu la grand horreur des Cheualiers & Cheuaux mortz detrenchez à grandz monceaux, & n'y auoit cheual Espagnol ne Genet qui n'en eust horreur. A cela ne pensoit le ieune prince qui tant Amoureux estoit de la belle Florence que bien la cuidoit auoir par force. La disoient les Espagnolz que mout est grande pitié de la guerre, l'un & l'autre se print à chercher son amy & tant firent qu'ilz trouuerent le Seneschal & son nepueu. Mout fut grande la pitié de voir ses deux grands personages, mors, gisant à la renuerle en vn champ de desordre & desolation, cōme trop mieux pouuez entendre si en telz ades vous estes trouuez de voir tant de ieunes gens fors & puissans mors & destrenchez & par pieces au chāp si n'est merueille si les compagnons en plorerent amerement, mais la grande douleur fut du Seneschal & son nepueu, & de ces deux furent iettez les plus grans regretz & lamentations, car de tous barons princes & seigneurs estoient ayez: chers, & redoutez. Si furent les deux cheualiers portez en lieu de enterrer & inhumér & fu-

rent faictes la leurs obseques  
honorablement comme bien leur  
appartenoit. Maint Espagnol  
fist le dueil des princes qui pas  
ne fut à leur enterrement.  
Et furent par le prince faictes &  
assise les embulches de quatre  
mil hommes en vne vallée, En-  
tre l'armée & la ville, Afin leur  
donner secours si besoing en es-  
toit, Puis delibererent les Es-  
pagnolz de assaillir la ville mais  
neurent le loisir ne le pouuoir, car  
Guillaume & ses gens estoient  
hors la ville qui autre chose ne de-  
mandoient que le choc. Si les Es-  
pagnolz auoient faicte leur en-  
treprinse d'autre costé Guillau-  
me & ceux de Palerne n'auoient  
pas dormi, car ia estoient en bon-  
ne ordre hors de la ville delibe-  
rez de combattre leurs ennemis &  
les assaillir iusques en leurs  
tentes, deuant marchoit le bon  
Cheualier Guillaume, qui fait a-  
uoit quatre Cheualiers qu'il print  
pour l'accompagner & deux au-  
tres vaillans champions. Auec-  
ques lesquelz six voyant ses enne-  
mis se mist du premier fronc. Et  
dist tout hautement à ses gens  
que tous le suient & met ses ba-  
railles en bon ordre. Seigneurs  
& amis dit il, ayez cœur & coura-  
ge de vous deffendre voyez noz  
ennemis qui à l'encontre de nous  
viennent pour eux venger, &  
qui se tiennent en bonne ordon-

nance. Si plus grand nombre sont  
que nous ie vous supplie ne vous  
esbahir, mais tenir en bon ordre  
car le droict nous aydera.

Et en disant aduise le filz au Roy  
d'Espaigne conduisant son ar-  
mée qui deuant triomphoit de  
cheual & de habillemēs, que sem-  
bloit estre grand personnage.

Si dist Guillaume qui bien tost  
sçaura qui à plus de puissance &  
de force, si print l'escu & la lance.  
Et d'autre part le filz au Roi bien  
voit le Loup és armes des Guil-  
laume. Auquel tant desiroit à  
combattre : Et demande à ses  
gens si cestoit le vassal qui tant  
de mal leur auoit fait, Mais di-  
rent que cestoit il voirement, &  
qu'il estoit monté sur Brunissant  
le bon Cheual au feu Roy E-  
bron de Cecille, dont ne tient  
comte le filz au Roy d'Espaigne,  
Si broche des esperons à l'encon-  
tre de Guillaume & Guillaume  
contre luy si impetueusemēt que  
les pointes des lances percent les  
escus, & rōpirent en pieces failār  
grand bruit, & vellerēt les esclatz  
ça & la comme les branches des  
hautz arbres tresbuchans de la  
hauteur des montaignes. Le  
bon cheual Brunissant fut plus  
fort & roide que celui du filz au  
Roy. Et tellement heurta que  
homme & cheual renuersa par  
terre.



Comme par le Noble & vaillant Che-  
ualier Guillaume fut le filz du Roy  
d'Espaigne prins prisonnier, &  
envoyé es prisons de la  
Royne de Cecille.

**S**Il rudement trelbuch  
le filz au Roy d'Espai-  
gne que peu s'en faillit  
qu'il ne se rompit l'es-  
chine. Alors Guillaume voyant  
son ennemi renuerlé commença à  
crier viue Palerne, renāt tousiours  
l'espée preste à ferir iusques à mort  
au mercy. A ce cry viennent les ci-  
toies d'un costé, & Espagnolz cō-

tre eux par cent & milliers les  
L'ances baissée par si grande im-  
petuosité qui sembloit que tout  
d'eust fondre en abismes. Car de-  
puis le commencement du mon-  
de ne fut veuë telle occision. Es-  
pagnolz en leur deuoir se mettent  
de rescourre leur maistre, mais  
ce fut pour néant, car si bien fu-  
rent repoussez par les citoyens  
que le bon Cheualier Guillaume  
à force mena son prisonnier hors  
de la presse & par ses gens le fist  
mener à la Royne de Cecille, mal-  
gré les Espagnolz, & toute leur  
puissance.




**L**es Espagnols furent mout  
Lelibus & dolens quand leur  
maistre & seigneur voyent prins,  
prindrent leur cors pour l'embu-  
che appeller à leurs secours. Ceux  
qu'embuschez estoient à grand  
haste vindrent, & bien entendie-  
rent ce cas, mais quand Guilla-  
ume vit l'embusche delamparer v-  
sa de prudence. Car incontinent  
fist retraire ses gens en la ville  
en prenant toute la charge de la  
defence. La y eut maint baron,  
cheualier & champion rué par  
terre. La tuerie fut mout horri-  
ble à voir. Car les citoyens qui  
lauuez s'estoient en la ville mon-  
terent tous es tours, murailles, &  
clochers & à grâds coups de pier-  
res, de traicts, & de dards ruerent  
sur Espagnols qui en grand nom-  
bre estoient: dont maint y estoit  
trop tost venu qui y demoura  
pour gage. A bref parler les espa-  
gnols furent contrains à donner  
la retraicte & s'en allerent marris  
& esperdus & douloureux. Vo-  
la comme les grands vanteurs  
font souuentresfois grands men-  
teurs: car le fils au roy D'espai-  
gne s'estoit vanté de prendre ce-  
luy qui le priat. Vous pouuez pen-  
ser & ymager si en son chef y a-  
uoit force estoupes: & s'il estoit ca-  
mus. Il fut présenté prisonnier à la  
royne, laquelle l'entretint comme  
il luy appartenoit & comme bien  
sçauoir faire en attendant le

C. de Paler.

gentil Cheualier Guillaume.  
Lequel triumpamment vint  
au palais royal. Si descend de  
son bon cheual brunissant, & luy  
desarma la royne bien accompa-  
gnée des dames & damoiselles  
ieunes petis mignons de sa court:  
vint à deuancer. Melior Floren-  
ce ne furent absentes: & quand  
les dames virent Guillaume: ne  
faut doubter du bel accueil: em-  
brassemens: & baisers qui lors  
furent faicts. Car les grands mer-  
cis de la royne Felixe de Cecille  
valoiēt plus que tout l'or du mō-  
de. Alors s'entreprennent les Sei-  
gneurs & dames par leurs mains  
blanches, & monterent par les  
degrez iusques en la triumpante  
salle du palais Royal. En la ma-  
niere acoustumée, la Royne, &  
sa fille, Guillaume & Melior s'en-  
vont à la fenestre regardans  
au iardin desirant la veue du  
doulougarou, mais ainsi estans a-  
pres aucuns deuis, la Royne com-  
menga à regarder Guillaume &  
en son ymagination luy sembla  
que les traicts de son visage re-  
uenoient moitié à ceux du Roy  
Ebron son feu mary. Et alors  
le print à plorer.

*Comme la noble royne de Cecille print  
imagination en elle que le noble che-  
ualier Guillaume estoit son fils,  
d'autant que mout ressemb-  
loit au feu Roy E-  
bron son mari.*

L.

 Vand Guillaume vi  
uinsi la Royne doulou  
rée & soupirer, la prêt  
à conforter & luy re  
monstrer que plustost deueroit ri  
re & ieiouyr veu la victoire deux  
fois obtenue à l'écontre de ses en  
nemis. Et vous deussiez resiouir  
vos gens & les inciter à faire che  
re ioyeuse. Donner aux vns pro  
mettre aux autres, & tous les na  
urez faire guarir & confor  
ter puis que tel auez en vos pri  
sons qui cause sera de la recou  
urance de vos pertes & bien sca  
uez que par lui vostre personne à  
eu mainte iuiure & deshonneur.  
Helas! doux seigneur & amy vous  
dictes vray. Je prie à nostre sei  
gneur qu'il vous vueille garder  
de mal & d'encombrier. Or vous  
vueil à present donner à entendre  
la cause de mon pleur. Scachez  
que c'est pour vous, & non pour  
autre. Et de ce ne soiez marry,  
car mieux ressemblez au feu Roy  
Ebron, mon notable & fidelle ma  
ry dont d'eu air l'ame que homme  
qui soit viuant & toutes les fois  
que ie vous regarde, me souuient  
de mon cher fils. C'est ce qui me  
ment de plorer. Si ne vous dés  
plaist. Dame fait Guillaume  
si de vostre fils vous souuient ce  
n'est pas de merueilles, mais bien  
pouuez considerer que ne suis son  
pareil, & tels aucunes fois s'entre  
ressemblent qui en riens n'ont de

parenté ne de lignée; si ne vis  
oncques vostre fils. Toutesfois  
bien le voudroye ressembler d'au  
tant que ie suis aduertty que  
mout fut preux & vaillant le Roy  
Ebron. Mais dame bien enten  
dez que du valoir des hommes  
trespassez n'est à present besoing  
car tant peut on valoit seulement  
quand on est en ce monde viuant.  
Après la mort on ne peut acque  
rir los ne merite; grandement  
fut desplaisante la dame, quand  
ainsi Guillaume eut faicte excu  
se selon ce qu'il pouuoit entendre  
& demoura fort esbahie. Et ainsi  
estans en la fenestre comme ils re  
garδοient au iardin la Royne &  
Guillaume veirent le Louppa  
rou qui deuant eux se presente  
en leur faisant la reuerence, com  
me il auoit fait deuant & puis ar  
rieres'en retourne en giste, dont  
fort s'esmerueille la Royne & dit  
à Guillaume. Je vous supplie franc  
cheualier, dites moy si scauez  
que ce peut estre decelle beste, car  
tout ainsi que le iour palse, vous  
à faict la reuerence & à Melior  
vostre amie, pareillement i'ay  
grand doubte que ne soit quelque  
signifiance. Dame dist Guillau  
me, ie prie Dieu que la beste  
veille preseruer & garder de mal.  
Je croy veritablement quelle si  
gnifie toute ioye & honneur &  
bonnes nouuelles qui no' s'ot pro  
chainement à venir, & que tous

vos ennemis destruits & cōsōduz  
feront. Si n'y eut celle de la com-  
pagnie qui ne respondist que ain-  
si peust il estre. Icy changerons  
de propos & retournerons à nos  
pauures & mal'heureux Espa-  
gnols.

*Comme les Espagnols apporterent  
nouuelles à leur Roy de son  
fils. Et comme le Roy  
delibera sur ce.*

**L**es Espagnols apporte-  
rēt secondecment triste  
nouuelles à leur Roy.  
Voire qui luy touche-  
tent plus que celle du iour  
precedent, car voyant son filz  
prisonnier de yre cuyda enra-  
ger. Si commença à appeller les  
gens couards, lasches, meschans,  
Vous m'auez, dist il destruit &  
deshonnoré. Je suis mort, ie suis  
honnny, ie suis trahy. Nous som-  
mes tous perdus, qui la prins,  
ou est il. Tant les interroga  
que loir n'auoyent de respondre  
L'vn se aduentura de parler en  
tremblant de paur: Sire, dist il,  
celuy la prins qui tout prent qui  
tout rauist, qui tout tue & occist,  
qui tout emporte, qui en ses ar-  
mes le loup porte. Dont dist le  
Roy par grand indignation tous  
sombres mors & perdus s'il est tel  
que vous dictes. De Dieu soit il

maudit qui vous en croira, que  
vn tout seul homme ayt telle  
puissance. La fut reietté, si auant  
iuiques au desmentir: car le Roy  
maintint que cent cheualiers les  
plus vaillans du monde n'en scau-  
roient tant faire que le seul dont,  
ils parloient: dilant que à eux  
estoit grand honte Bien luy fult  
donnéreplique, car on luy alle-  
gua la mort du seneschal & son  
neueu qui tant estoient vaillans  
& preux cheualiers & qui tant de  
barons auoient occis. Mesmes  
que lui avec peu de compagnie a-  
uoit faict & porté le fait & char-  
ga de la deffence, pour ses gēs sau-  
uer en la ville. Et quand ainsi le  
Roy ouyt comter des vaillances  
de Guillaume iura Dieu que le  
l'edemain esprouuera son corps à  
l'encontre de luy & que si vne  
fois le peut tenir que il le fera  
pendre & estrangler deuant la  
ville de Palerne & que ia ne sont  
les tours & murailles de la ville si  
hautes & si fortes qui ne les faces  
trebucher par terre. Trop ay  
dist il souffert la meschanceté des  
villains que ie leur rendrai chant  
& conuett. Alors commanda le  
Roy D'Espagne faire vn cry par  
tout le champ que l'endemain  
matin tous qui armes scauroyent  
porter fussent en point au son  
de la trompette pour donner la fl-  
saut à la ville de Palerne, & ceux  
qui seroyent refusans ou contre-



disans deslors estoient declarez serfs A tant chacun en attendant le lendemain se alla reposer, & se iour vint que le Roy fist sonner ses trompettes, chacun fust armé & fist le Roy l'ordonnance de ses gens en dix batailles, En chacune bataille estoient trois mille combatans & tous furent par le roy admonnestez de bien faire, ainsi commença fort tout l'ost à marcher. Lors eussiez veu cheuaux bondir, Trompettes, buffines & corps bruir, cheuaux hâner harnois cliqueter, reluyre cōtre le soleil que c'estoit merueilleuse chose à voir & regarder, Si grand bruit firent au descamper que quatres grands lieues à la ronde eust on peu ouyr le bruiet & tumulte: Et faisoient toute la terre trembler, Bien furent aduertis les citoyens de ceste entreprinse. Dont chacun se mist en point, & sortirent devant la ville pour recueillir leurs ennemis à chere hardie, mais tousiours estoit Guillaume le vaillant Cheualier devant monté sur son bon destrier Brunissant la lance au poig hardy comme un lion rampant.

L'Histoire nous raconte que Le gentil Cheualier Guillaume mist ses gens en ordonnance, En dix batailles ordonna à chacune des dix mist mille vai-

lans & bons champions. Si les incite tous à bien faire. Lors dist que le iour estoit venu d'auoir de leurs ennemis victoire. Le vous prie dist-il que riens ne faites qui puisse tourner à villennie & deshonneur. Bien tost aurez en barbe tout l'ost des Espagnols qui sont en plus grand nombre que nous mais soyez assurez que tant plus ont tant plus perdrons. Vous cognoissez bien que ils scauent faire, Car autre chose ne scauent que toutes finesse, & n'ont Espagnols force vertu ne hardiesse corporelle. Bien ressemblent les escreuiffes qui tout leur bonté ont espiés quand il est question decourir bien mieux leur fied le reculler que vaillamment marcher, ainsi parlementoit Guillaume à ses gens & leur dit ce mot pour finale conclusion seigneurs soyez tous assurez que puis que ie tiens le fils bien tost aura le pere le. Bien gard le fils ma mere. Si fust si vertueuse la semonce du bon cheualier Guillaume qu'il n'y eust ceulx de ses gens qui ne prissent cœur & courage de viure ou mourir en la bataille. A tant se approcherent les deux ost si tressureusement que toute la terre faisoient trembler. Et à la premiere rencontre eussiez veu renuerler gens tant d'un costé que d'autre, Lances rompuës, Espées traictes, Cheuaux sans maistres, Bras

Testes, iambes coupées & detré-  
chées, Corps l'un sur l'autre gesir:  
& sang courir par la campagne,  
Mout estoit le Roy D'Espagne  
furibundieux en son courage: Si  
fait mout grand dommage aux  
citoyens, taschant a les mettre  
en desconfiture par les batailles,  
va demandant & querant le che-  
ualier qui le Loup en les armes  
portoit, Et dit hautement que  
s'il le rencôtre de luy fera cruelle  
vengeance. Si broche des espe-  
rons & par grand d'esprit courtut  
sur Ponce de Viterbe filz d'un  
haut prince & prochain parer du  
feu roy Ebron de telle fureur la-  
fena que mort le rua par terre.

**L**E coup ne demeura sans ven-  
geance, Car vn de ceux de  
dedans nommé le menassent de  
Mielans contre le Roy broche  
son destrier la lance au poing par  
telle vertu que la lance volle en  
pices, Si trait l'espée & si grand  
coup luy donna que s'en fail-  
lit qu'il ne fist tomber par terre,  
mais le Roy le tint à larcon de la  
selle, & quand il le peut redresser  
leua haut le brâc d'acier qui estoit  
tranchant & esmoulu & si grand  
coup donna au menasseur qui le  
pourfendit jusques au menton.  
Puis fiert Acquillant de Brandis  
de si grand force que heaume ne  
coiffe d'acier ne le sceut garder  
que mort par terre ne l'abatir. A-  
lors comença à crier Espagne. A ce

cry s'assemble Espagnolz, sur les  
citoyens & font tel dommage que  
en grand danger sont tous à mort  
mis, le bref n'ont secours, Car  
bien en fut occis cinq cens. D'au-  
tre part estoit Guillaume que telle  
occision faisoit des Espagnolz qui  
seroit impossible de le racompter  
Ainsi se contenant vaillamment  
le bon Cheualier aduise sur le val  
d'une montagne vne partie de  
ses gens reculler que le roi d'Espa-  
gne chaudement poursuivoit les  
citoyens incontinent hautement  
luy escrient de secours leur estre  
donné & luy monstrant au doigt  
le roi d'Espagne à l'enseigne de son  
cheual blanc: & vestemens dorez.

*Comme le Noble Cheualier Guillan-  
me de Palerne se combatit contre vn  
mout fort & puissant Cheualier  
nommé Meliadus, qui fait  
grant grand dommage à  
ceux de Palerne.*

**Q**uand Guillaume le  
noble & vaillant Che-  
ualier voit ses gens en  
desarroy mout eut  
d'ennuy en son cœur.

Incontinent broche son bon de-  
strier à tout deux-mille vaillans  
de ses homes & ceux qui fuyoient  
confort & incité de courage, & le

fier en la bataille renuersant  
Espagnolz de to<sup>s</sup> costez. Lors euf-  
liez veu marteler & frapper d'es-  
pee, lances, d'ardz, & iauelotz, les  
vns mourir, les autres plain-  
dre & la terre tainete de sang. A-  
lors voyans le Roy grand dom-  
mage que luy faict Guillaume  
fut esprins de grand yre & cour-  
roux, si dist à vn Cheualier nom-  
mé Meliadus qui prés de lui estoit  
vaillant Cheualier. Je voy celuy  
qui tant de mal nous a faict qui  
ressemble vn diable d'eschainé  
celuy Meliadus avec luy auoit cét  
homme tous vaillās & deslité na-  
tifz de son territoire qui bien ap-  
perceurent de Guillaume les  
faictz Cheualeureux. A ceux don-  
na charge le Roi de occireou pré-  
dre Guillaume pour en faire son  
plaisir. Si fist grandes promesses  
à celuy qui prendre le pourroit.  
Adonc Meliadus & ses gens sur  
les citoyens se fierent par gran-  
de impetuosité, car Meliadus s'en  
va la presse abatant & renuersant  
puis l'un, puis l'autre. Criant &  
appellant Guillaume pour com-  
batre à grand mal'heur, Car s'il  
eust bien seeu ce qu'il luy est ad-  
uenir ia n'en n'eut approché com-  
me bien tost pourrez entendre cy  
apres.

**S**I resauant se mist Meliadus  
dedans la presse que mer-  
neilles estoit, si rencontra ten-  
dans seigneurs de Brandis & du  
port, Noble seigneur Cheualier  
de nom que mort le rua par ter-  
re, dont fut grand dommage, car  
tant beaux: doux gentil, Et gra-  
cieux estoit que de grandz & pe-  
tis estoit aymé & chery. Ce che-  
ualier vn frere auoit qui nommé  
estoit robert ieune, violāt & plain  
de cœur. Lequel suiuant tendans  
son frere, & voiāt qu'il estoit tom-  
bé par terre de son Cheual des-  
cendit & lui mania tous les mem-  
bres, Si trouue qu'il estoit tout  
roide mort & l'ame separée du  
corps, car n'y sentit poux n'y alai-  
ne. Et ne voit mouuoir nerf ne  
vaine, dont tant au cœur sent de  
douleur que impossible seroit ra-  
méteuoir les grādz pleurs & dou-  
loureuses lamentations que lors  
il fist, si commanda à Dieu l'ame,  
puis que remede n'y peut mettre  
& du corps prent le congé piteux,  
Incontinent que le gentil Ro-  
bert eut veu la pitie de son fre-  
re, tendans monta sur son de-  
srier & dōne de l'esperon se met-  
tant au plus dangereux de la  
bataille. Si n'estime sa vie vne  
maille & ne quiert autre chose  
que venger la mort de son frere.  
Et bien monstra qu'il l'aymoit  
d'amour fraternelle, car de la pre-  
miere course abatit sept Espa-



ignola que mort de sa main fist  
gesir par terre, à tant apperceut  
Meliadus qui son frere auoit occis.  
Lors broche son cheual siyrement  
à l'encontre de Meliadus.  
Et Meliadus contreluy au ren-  
contrer l'escu de Meliadus fut  
frouissé & rôpu qu'il cuida creuer  
de yre. Et pour venger sa honte  
tel coup donna à Robert de son  
branc d'acier que mort le fit tom-  
ber dedās le champ ainsi demeu-  
rerēt la deux freres mors & occis  
par la main de Meliadus, dont  
grand dommage sera si la mort  
n'est vengée, car riches & vaillans  
estioient.

**M**out fut dolent le bon Che-  
ualier Guillaume quant il  
fut aduertý de la mort de deux  
freres que Meliadus auoit occis  
Si se repute lasche & meschant,  
Quant ce cas demeura impu-  
ny, Car tant fiert & ruē grandz  
coups de son brāc d'acier & se fait  
faire place, Tout ce qu'il renecon-  
tre romp & fouldroie comme tē-  
peste & quand les deux Cheua-  
liers Guillaume & Meliadus se  
peurent rencontrer Meliadus  
eut grand doubte de Guillaume.  
Toutesfois si saduenture, Et  
par grand yre si grand coup luy  
donna sur le heaume qu'il le mist  
en deux pieces iusques à demail-  
ler la coëffe, tellement que en la  
teste luy fist vne grande playe  
dont le sang issit rouge & vermeil

comme rose, & n'eust esté que le  
coup gauchist à costé, De ce coup  
eust esté Guillaume occis. Quand  
Guillaume voit son sang ne faut  
pas demander si le cœur lui croist  
& rauigouré comme à vaillant  
Cheualiers sur les estriefz si  
leue le plus droit & ferme qu'il  
peut & si grand coup dona à Me-  
liadus sur le heaume qu'il passa  
tout outre la coëffe, & le fendit  
iusques aux machoueres, bien  
monstra que puissant Cheualier  
estoit, car le coup touchāt iusques  
à la ceinture. En la plaine tomba  
le corps sans ame. Mout furent  
effrayez les Espagnolz de ce cas,  
Si se prindrēt tous à le redoubter  
plus que iamais. Et n'y eust celuy  
qui le osast attendre Guillaume  
suint sa poincte, & ses gens le suiuet  
qui tel exploit firent que les Es-  
pagnolz mettent en fuite.

**Q**uand le Roi d'Espaigne ainsi  
voit les gens reculler leur  
commença à dire. Seigneurs &  
amys de vous ne me puis trop  
esbahir qui ainsi vous mettez à  
la fuite ne scauez vous pas bien  
que rien n'y vaut le fuyr, car  
vous voyez que noz ennemis  
suiuent. Ce sera à nous grand  
honte si en fuyant laschement  
nous laissons mourir & occire.  
Mieux vaut vaillamment mou-  
rir en se deffendant & reprendre  
courage. Or voyie celuy qui le  
loup porte vers moy venir.

Alors le Roy à tout les gens qui  
reprins ont courage contre Guil-  
laume & ses gens sont retournez,  
mais gueres n'y ont gaigné, car  
plus de dix cens Espagnolz fu-  
rent abatus de celle rencontre &  
le demourant blesez & print pri-  
sonniers. Diligent fut Guillau-  
me de chercher le roy si le apper-  
ceut criant Palerne que bien tost  
l'eust ensuiuy. Lors prent le che-  
ual par le frain, & deux coups  
luy donna sur le heaume reluy-  
fant, & luy dist. Sire Roy lasche-  
ment fuyez. Si vous conuient ren-  
dre ou finer la vie, & payer le  
dommage que fait auez en ce pais

maintenant sera la guerre finée  
que si long temps auez menée  
mout estiez fier & orgueilleux. Si  
vous conuient simple & doux de-  
uenir, car ceste fois le loup pren-  
dra le chien.

*Comme Guillaume print le Roy  
d'Espagne prisonnier, le-  
quel rendit à la Roynne  
de Cecille pour  
en faire son  
plaisir.*



**Q**uand la grande peur eut le roy d'Espaigne quand il se vit es mains de celui qui tant estoit plain de bruyt & renom mout craint d'estre par luy occis, si le pria à joindre les mains que pour Dieu lui face mercy, A toy dit il me rendz frâc Cheualier pour de moy faire ton commandement soit de viure ou soit de mourir, mais grâd doubte fais de rés gens qui vers moi viennent que par eux ne soie occis: car à l'encontre de moy ont grand hayne pour les maux & outrages que ie leur ay faitz. A tant rendit son espée à Guillaume qui la print & reçeut puis lui dit. N'ayez doubte de mourir sire roipuisque en mes mains ie vous tiens, mais de cela soyez tout asseuré que à ma dame la Roynne de Cecille vous rendray pour de vous faire son cōmandement & plaisir. Ainsi se rend le Roy à Guillaume qui tous ses gens fait arriera traire & leur deffend de luy faire mal ne outrage. Si fut enuoyé messager à la dame pour luy noncer nouvelles.

**O**R pouvez vous cognoistre la fin d'une mauuaise querelle, car de ceste cy les dommages furent payez iusques au dernier, & dauantage le messager, comme deuant auez ouï, porta la nouvelle à la Roynne de Cecille & luy

G. de Paler.

comte comme les Espagnolz estoient la pluspart mors. Le demourant blessez, prins, & le Roy prisonnier, & que tout ce estoit par la vaillance, & noble Cheualerie de Guillaume le Cheualier qui le Roy tenoit prisonnier.

De prime face ne voulut croire & en grande doubte est d'estre gabée & mocquée. Si le demanda à plusieurs venans de la bataille qui tous luy affermerent que verité estoit. Si ne pouuoit estre lassée de s'en enquerir. Mais tant plus en fist l'enqueste de tant plus estoient les nouvelles continuës, dont le cœur de ioye luy fautelle & quand bien fust de la verité asseurée, à Melior s'en va & luy comte toute la nouvelle & comme son amy Guillaume tenoit le Roy d'Espaigne prisonnier Et que par luy estoient les Espagnolz deffaitz, benoiste soit, dist elle l'heure que en ceste terre estes venu. Car bien heureuse est la mere qui vous a nourris & en ce disant sont les vainqueurs entrez à grandes flottes dedans la cité de Palerne. Oncques ne fut telle ioye & telle triomphe que lors fust fait en la ville.

Deuant estoit Guillaume marchant par la ville tenant son prisonnier. Lequel tout droict maine au palais Royal. Si descendent tous de leurs chevaux, & voulurent monter les degrez,

M.



che, tellement que force fut de faire cesser le parlement, en icelui instant entra le loupgarou en la ville de Palerne Dont tous furent esbahis & esmerueillez.

*Comme le Loupgarou entra en la salle du palais, & de merueilleux signes qu'il fit. Et comme il fut reconnu du Roy D'espaigne son pere.*

**C**omme ce grand bruit & tumulte se fist en la noble ville de Palerne. A cause que le roi d'espaigne suplioit Guillaume de luy estre secourable entra le Loupgarou en la ville. Et ce voyant le peuple les plus folz se prindrent à courir apres luy à tout gros leuiers & bastons pour l'occire & mettre à mort mais pourtant est entré malgré eux en la salle du Palais. Adonc incontinent furent portes & huys fermez & grande huerie faicte en la salle & bien le cuidoient auoir prins. Mais il va & vient parmy les gens si impertueusement que homme ne le peut arrester & tant fait que deuant le Roi vint & se agenouille humblement monstrant signe de grande reuerence & humilié & tendrement plorant. Les folz & estourdis qui apres luy courroient reussent lors tué & occis n'eust esté la noble melior qui le recogneut & commença

à l'embrasser de bon cœur & de bon courage en le deffendant de ceux qui luy vouloient faire outrage. A tant vient Guillaume le noble Cheualier qui fort du conseil mont fut ioyeux de voir le loupgarou en assistance, alors fait deffence à tous les Cheualiers tirer arriere. Et tousiours estoit le loupgarou avec Melior qui grand signe d'honneur luy faisoit. Si le presente de rechef au roy plorant & à genoux flechis, luy baillant les piedz, que sembloit proprement à le voir que d'aucune chole le vou fist prier. Et quand il eut faict il senctine, & puis s'en va comme il estoit venu, mais les folz & aquarriaïres coururent apres pour le tuer ce qu'ils eussent fait n'eust esté Guillaume le noble Cheualier, qui iura Dieu que s'il y a homme vivant qui mal luy face, justice en fera & cruelle vengeance. Alors s'en alla seurement retournant à son giste. De par le noble cheualier Guillaume fut fait & publié le cry par la ville que le loupgarou fut laissé aller & venir sans aucun mal luy faire ne desplaisir & sur peine de la hart.

**C**el cry publié tous s'esmerueillierent, l'un disoit d'un & l'autre d'un autre. Oncques n'auoient veu telle aduerture, mais le Roi seul tresbien entendit le mistere, car à celui touchoit plus que à nul autre. Alors lui com-

mença à remembrer de son fils, qui par les charmes de sa femme auoit esté en loupgarou transfiguré comme plusieurs gens luy auoyent comté. Toutesfois riens n'en auoit voulu croire pour les adulations & flatteries de la roine sa femme, dont fort se repentait; mais c'estoit tard: quand Guillaume eut apperceu la reuerence que le loupgarou auoit portée au roy: incontinent fist appaiser le bruit & murmure des gens & pres du roy saisi, & dist ainsi. Sire ie vous conieure par la foy que vous deuez à Dieu & si voulez auoir merci enuers la roine, dictes moy si vous scauez que celle beste qui telle reuerence vous a faicte signifie, si vous la cognoissez & si oncques l'avez veüe ou cogneüe. Sire dist le roy par Dieu & tous les saints qui sont, quelque chose qui m'en doine aduenir entiere ment la verité vous en diray, puis que la chose est ainsi allée. Vray est que ie estant ieune d'age espoulay femme de haut parage, douce, gentille, & grãde auoir niere qui fille estoit au roy de Gascongne. Aduint que de mon faict fut enceinte, mais quand vint le terme d'enfanter mourut à la deliurance & sain demoura l'enfant en pleine vie. Qui bel & bien formé fust à merueilles, si luy fut baillé mon nom sur les fons de baptême. Alphons fut

l'enfant nommé, lequel ie fis nourrir l'espace de sept ans. Ainsi estât mon fils Alphons en celuy aage espoulay seconde femme qui de haut parage estoit, de laquelle ie euz vn fils, celui que voyez en presence qui vostre prisonnier est. Et quand sa mere vit auoir de moy lignée: print le mien premier en grande hayne, car bien voy que si mon fils viuoit, le sien n'auroit le royaume. Alors elle qui grande estoit fist tant de charmes & de poisôs que mon fils fit deuenir loupgarou, si n'ay depuis ouy de luy nouvelles, combien que ie l'ay fait chercher en mainte contrée & ne voulus oncques croire, ce ainsi fust quelque chose qu'on peu dire, car ma femme tousiours accroire me faisoit que cela me disoit on par enuie, & que noyer estoit en la mer par fortune mout en ay dist le roy long temps porté grand dueil, mais tant ma femme degen ma que mon fils ay mis en oubly.

Ors fut Guillaume ioyeux. **L**quand ce proposuyt raconter beau sire dist il peut estre verité ce que dictes: car la beste à aut tant ou plus de memoire que vous moy & bien le ma monstré en maint passage: & de maint peril ma deliuré: car sans laide de Dieu & de luy pieça fust mort & occis. Et soiez certain que autant ie l'aime come mô propre corps. Et ia-

mais iour de ma vie ne luy fau-  
dray non plus que à mon frere. Et  
s'il est vray que soiez son pere tost  
sera vostre vitupere remis & par-  
doné si vne fois en forme humai-  
ne ie puis vostre filz Alphons ap-  
paroir. Et sçachez sire Roi que de  
ce vous conuient trouuer le moie  
si deliurace voulez de vostre per-  
sone auoir. Or ne faites demeure  
& midez la dame qui ainsi vostre  
filz à atourné, & si elle ne veut ve-  
nir ie vous iure par tous les saintz  
qui sont que à toute puissance ie  
iray donner l'assaut quelque part  
quelle soit, vueille ou non l'ame-  
neray.

*Comme de par le Roy d'espaigne fut  
enuoie ambassade par deuers la  
roine Brandin sa femme.*

**Q**uand le Roy lors oynt ainsi  
parler le noble & vaillant  
Cheualier Guillaume de ioye le  
cœur luy sautelle dedans le corps  
ne pour tout l'or du monde ne  
vousist que ces nouuelles n'eust  
ouyes. Adoncques dist à la Roy-  
ne, Certes, dame, tres-bien me  
plaist de ma femme enuoyer que-  
rir, mais ie vous suppliroye vo-  
lontiers que par mes gens fust  
amenée, maisseurant que micux  
les croira & en eux se fiera plus  
qu'en estrangers. Soit fait ainsi  
que dict auez dirent Guillaume  
& la Royne. Lors le Roy faict son

brief escrire, signer & sceller & au-  
plus sages & preud'homme de ses  
gens donner commission, si leur  
dist tout le conuenant. Doux  
amis, dist il en vous parfaitement  
me fie. Je vous prie dites à  
Brandin ma femme si iamais en  
vie me veut voir, & son filz, pa-  
reillement pour rien ne laisse,  
que tost ne vienne par deça. Et si  
d'aueture refuser vouloit dites  
hardiment que de rien ne luy ser-  
uira le refus, car ceux qui pri-  
sonnier nous detiennent à force  
syront querir & toute la terre ga-  
sterot & si la prèdrôt à force qui  
cause seroit de nostre perdition.  
Et si luy direz d'auantage que ce-  
luy môtât cher filz qu'elle me fait  
soit accroire estre en la mer noie  
est dedans la ville de Patenne en  
forme de loup garou si conuient  
que guarir le face & remettre en  
figure d'homme raisonnable. A ceres  
pondirēt les messagers qui biē se-  
rōt leur message sans en riē faillir  
Cinquante messagers hauts prin-  
ces sages & prudens furent ordō-  
nez pour l'embassade faire, qui sur  
grandz genetz D'espaigne monte-  
rent, & à diligence vers la Roine  
brandin qui lors residoit à parmas  
noble cité d'Espaigne en moins  
de dix iours furent arriuez.

**A** Parmans la noble cité qui  
sied sur la grand mer d'espa-  
gne sont arriuez les messagers &



dedans entrez pour ala noble roine Brandin d'espagne leur message faire mout furent de leurs amis bien recueillis & quand par la ville fust sceue la nouuelle de toutes gens furent enuironnez pour ouir raconter de leurs fortunes: mais à diligence marcherēt par la ville iusques au Palais ou la Roine estoit, si mōtēt les d'egrez & trouuent la dame avec ses mignons en conseil. Ilz la saluerēt de par le Roy son mary & de par son filz bien furent recueillis de la dame & festoiez & apres filēce faite les enquier des nouuelles du Roy & de la guerre, disant ainsi, Seigneurs, ie vous prie dictes moy cōme font le roy & mon filz, sont ils paisibles du royaume de Cécile. Mon filz à il espousé la belle Florence, tient il le Roiaume paisiblement. Dame dist l'un des messagers, tout au contraire est la chose allée, tant auons villes, chasteaux & forteresse cōquis que ne restoit sinon Palerne, ou la Roine est residente qui ia estoit assiégée de iour en iour se voulaient rendre, Si luy est d'auenture venu au secours un vaillant Cheualier qui tous noz gens à destruidz. Le Seneschal, son nepueu Meliadus & maint autre Cheualier occis, le roy & vostre filz prisonnier qui iamais de prison ne seront deliurez si vous mesmes n'y allez en personne, pourquoy dist la dame,

pource dirle messager qu'en la sale royalle de Palerne vint un loup mout merueilleux qui volians tous par deuant le Roi sage-noilla & par semblant demandoit aucune chose. A ceste cause ceux qui prisonnier le detiennent ont coniué & cōtraint le Roi de dire la verité que ce pouuoit estre.

Alors le Roy iura & afferma deuant tous les Seigneurs, Comtes barons que veritablemēt son filz Alphons estoit qui en telle guise fistes deuenir. Et si n'y allez pour remede y mettre. Soiez certaine que de vous sera cruelle iustice faite & toute ceste terre gastée. Et afin que de ce mieux nous croyez, voici le brief signé & scellé de par le Roi. A tant la Roine prent & reçoit les lettres qui bien les sceut lire. Mais ce ne fut sans rougir de honte. Tost fust la nouuelle sceue par la ville, dont y eut comme dis l'histoire mainte paille frappée, maintz cheueux & barbes traites & arachées de despit grand dueil demenerent espagnolz de la perte de leurs amis.

Incontinent que la Roine D'espagne entend la triste nouuelle commanda ses harnois mettre en ordre qui tost furent prest puis trique ses penneaux & empaqueté ses drogues & noublie de porter ses liures de nigromance, dont estoit grand clergesse. Si fist telle diligence que en brief temps

à tout grād nombre de Seigneurs  
Damoyelles à Palerne fust ar-  
riuee , mais à l'entrée de la il ne  
faut demander si bien fut regar-  
dée & son train que bon faisoit  
voir & regarder tant on faict que  
deuant le Palais sont venuz en  
bel arroy. La fust la dame en  
grand honneur receue de son ma-  
ry & de son fils qui traits furent  
de prison. Mesmes le noble che-  
ualier Guillaume se monstra gra-  
cieux. Car la Dame embrassée  
pour descendre de sa blanche ha-  
quenée , luy faisant reuerence  
treshonorable. La sont le Roy &  
son fils plorant & lamentans &  
la Roynes d'autre costé n'en faict  
moins , comme aussi firent plu-  
sieurs qui bien entendoient la be-  
songne. Alors monterent en la  
Salle du Palais à grande fuyte  
des Comtes , Barons , Sei-  
gneurs , Dames, & Damoyelles.  
Tant que toute la salle fut pleine  
de Seigneurie. Si fist Guillau-  
me soit chacune à son lieu la roine  
de Cecille triumpamment fut  
assise en son siege royal & cou-  
uerte comme dict l'histoire d'un  
poille de biterne fort noble & ri-  
che & garny de pierrerie pres-  
estoir Florence & Melior d'autre  
part fut le gentil Guillaume prés  
des dames assis que bon faisoient  
veoir, car son vilage n'estoit sem-  
blable aux Espagnols tristes pen-  
sif blesmes & douloureux , mais

d'une face ioyeuse par toute res-  
plendissant de beauté bien res-  
sembloit estre homme de grand  
valeur. Et disoit chacun qui le  
pouuoit comter que bien ressem-  
bloit le feu Roy Ebron. Ainsi fut  
l'assistee assée & assise & siée  
faicte, mais or oyez s'il vous plaist  
du loup garou comme lors il beso-  
gna selon que mestier luy estoit.

*Comme le Loupgaron de rechef vint en  
la salle royale de Palerne: & de ce  
qu'il fist present tous en pre-  
sence de la Roynes d'Esp-  
pagne sa ma-  
rastre.*

**L**E Loupgaron estant à ses  
Lescoures bien ouyt le bruiet  
que l'on faisoit parmy la ville de  
Palerne & bien entend que temps  
est de aller en la salle au conseil-  
re des seigneurs. Si part de son  
giste & par la ville palse non sans  
estre merueilleusement regardé  
de tous les citoyens , mais sans  
danger , vint iusques à la salle du  
palais & dedans entra & se prele-  
ta deuant le Roi & l'assistance, &  
la roynes d'espagne comença à rou-  
gir de malaler. Et le pauvre loup-  
garou voyant son pere sa belle  
mere & leur fils de paour trem-  
blant comme la fueille en l'arbre,  
reprenent cœur & courage de ven-  
geance & à guentle bec à la roynes  
ne

ne D'espaigne sa marastre court  
fus & tost l'eust estranglée, mais  
la Roynes'escrie hautement re-  
clamant les seigneurs, barons &  
cheualiers à son ayde, qu'ils viénēt  
au secours & Guillaume embras-  
se le loupgarou à force de corps  
si se cōmença à le arraisonner cō-  
me s'il fust en forme humaine, &  
dist ainsi mon trescher amy cessez  
vostre yre. Je vous supply que en  
moy vous vueille fier cōme en vo-  
stre loyal frere & comme le fils en  
sō pere, car au besoing de secours  
iamais ne vous faudrai pour hō-  
me qui soit viuant. Si debuez sça-  
uoir & entendre que telle dame ai-  
māder venir icy pour vous gua-  
rir & si guarir ne vous veut foyez  
certain que arse & brulée en feu  
vif, charbon flambant & la pou-  
dre iettée au vent. Non seule-  
ment elle qui cause est de tout ce  
mal, mais quand & quand le Roy  
D'espaigne son fils & tous les gens-  
d'armes qui prisonniers sont ceans.  
Et vne telle vengeance en fe-  
ray qu'il en fera parlé à tout ia-  
mais, Car tel prince & seigneur  
feray en prison mourir à grand  
mal'heur qui pas ne s'en doubte.

**A** Ce mot le Loupgarou pi-  
teusement le Roy son pere  
regarde demonstrant ioye inte-  
rieure. Si va pas à pas humble-  
ment baiser ses pieds, dōt la Roy-  
ne D'espaigne mout fut ioyeuse  
estimant estre hors des dangers

G. de Paler,

de la beste par elle conuertie.  
Si commença à arraisonner le  
Loupgarou & de la plus grande  
amour quelle peut luy va dire,  
ainsi Alphons mon fils & doux  
amy foyez ioyeux & asseuré. Car  
i'ay presentement les drogues  
pour vous guarir tout sain & pour  
vous ietter hors de ceste muē.  
Et deuant toute la compagnie,  
confessa la Roynes comme le cas  
elle auoit fait, dont furent tous  
les assistans mout esmerueillez,  
& dist ainsi. Vrai est que pour mon  
fils qui icy est, i'ay ce pauvre en-  
fant ainsi atourné que le voyez,  
mais guarir le voirrez bien tost,  
Car i'ay ceans vn baing tout  
prest pour luy donner guarison.  
Lors commença à querir & demā-  
der mercy à Alphons & es princes  
barons & à toute la compagnie.  
Le prie dist elle à tous les barons  
& cheualiers que rendre vous fa-  
cent vostre terre, car d'oresna-  
uant, comme seigneur vous vueil  
tenir aymer & cherir. Et de ce  
que i'ay fait à vous requiers mi-  
sericorde & pardō, & toute la ba-  
ronnie. Alors aux pieds de Al-  
phons le Loupgarou c'est ietté,  
& tant de l'armes & pleurs sont  
tombez de ses yeux que c'est mer-  
ueilles. Et quand la Roynes de  
Cecille les barons, cheualiers, da-  
mes & damoisesles, ainsi voyent  
la Dame l'amenter & faire ses re-  
grets & complainctes requerant

N



merci tous d'elle prindrent grande pitié & compassion, commencerent à supplier le noble chevalier Guillaume & la Roine Felixe d'auoir esgard à sa repentance. Adonc tout fut pacifié & pardonné, tant à la Roine D'espaigne que au Roi & à son filz & à tous espagnols prisonniers qui bon ne cause eurent de eux resiouis, comme ceux qui en grand danger estoient & ne scauoit à quelle fin en pourroient reschapper.

*Comme la Royne Brandin D'espaigne  
remist Alphons le Loupgarou en sa  
forme humaine & comment  
il fut fait chevalier.*

**L**ors fut fait l'accord & fist la roine D'espaigne ses preparatifs, Car Alphons mena en vne chambre toute paincte de verdure. La auoit vn baing tout prest & appareillé & ensemble furent seuletz. Si traict de son coffre vn anel d'or, auquel auoit vne pierre que telle vertu porte, que qui conques le porte en son doigt iamaiz ne peut estre enforcé, ne empoisoné, ne éuenimé, & ne peut de nul estre greué, Entores par propos ne peut estre trauaillé, & qui seroit marié iamaiz de femme ne seroit deceu. Et ne luy pourroit estre tollué : & qui le iour la vne fois veü n'aura celle iour.

née deshonneur, vn millier d'autres vertus à la pierre qui trop longues seroient à racompter.

L'anel fut de soye vermeille enfilé. Si le pendit au col de Alphons le Loupgarou qui si fort commença à se resiouyr de ce que la Dame luy faisoit que c'estoit merueilles. Puis la Dame son coffre traict vn liure. Si tourna les fueilletz. Et puis tant fist de coniurations, & cerimonies, que incontinent Alphons fut en la figure humaine retourné. Et quand ainsi Alphons se voit & que la parole luy fut reuenüe, oncques ne vistes homme qui telle ioye demenast, bel homme nud estoit & membru. Si eut honte & vergongne. Quand nud se veit deuant la Dame qui bien s'en aperçeut, si luy dist ainsi. Beau filz Alphons, mon amy, ie te prie n'ayes de moy honte ne vergongne si ie te voy nud & sans draps. Icy n'a fors que nous deux seuletz : en toy ne voy rien que honnesté ne soit. Voyla dist elle sous c'este courtine de soye vn baing nouuellement fait pour vous baigner & lauer. Alors entra Alphons dedans le baing odoriferant comme baume d'angady.

Mout fut ce baing enrichy des fleurs aromatiques de telle eauë fleurs espices estoit confit que tost fust Alphons reduyt en vigueur. Et la furent perdus & en-

nichilez toutes ses melencolies  
passées & mises en oubly & con-  
uerties en ioyes & liesse ioinctes  
avec vigueur & bonne grace, Et  
lors voyant la Dame auoit fait  
son chef d'œuvre commença à ar-  
raisonner Alphons & lui dist ain-  
si. Donx amy Alphons ie sçay  
que encores n'estes Cheualier, &  
oncques ne portastes armes ne  
habits royaux qui bien vous a-  
partiét mais sçachez que aujour-  
d'huy premier que ie repose d'ar-  
mes & de vestemens serez garny  
autant ou mieux que vn Empe-  
reur. Ioyeusement deuiferent à  
ce bain sans danger, car autre  
valet de chambres n'y fut que la  
dame, laquelle demāda & enquist  
à Alphons de qui il vouloit re-  
cevoir les armes la Cheualerie &  
les vestemens tels que luy ap-  
partenoit. Certes dame dist Al-  
phons du plus vaillant baron qui  
soit les veux auoir si possible est.  
Doncques dist la Dame est ce  
du roy vostre père. Nondist il da-  
me, mais du cheualier qui de moi  
aujour d'huy vous à garantie,  
Car au monde ne sçay si haut ne  
si vaillant homme d'icy iusques  
aux portes de Rome fust mon  
cher pere moy ou autre. Alors la  
Dame droit à Guillaume s'en est  
allée. Si luy comte toute la be-  
songne, & le supplie humblement  
que cheuaux, armes & habillemēs  
soient preparez pour Alphons:

Afin que de sa main soit fait che-  
ualier & le prie de venir en lachā-  
bre ou est encores Alphons dedās  
le baing & que ame ne ameine a-  
uec luy fors Melior & Florence.

**T**Ant fut ioyeux & Guillau-  
me quand ces nouuelles  
ouit que la dame embrasse & re-  
mercie. Las! dist il douce dame &  
amie ne me deceuez est ce verité  
qu'il demāde draps & vestemens,  
Ouy certes dist la dame de ce ne  
deuez faire doutance. Dont dist  
Guillaume verray ie mon frere  
& amy celuy que j'ayme tant. Et  
que si long temps ay desiré co-  
gnoistre. La nouuelle fut racom-  
tée à la Roynne de Cecille. Si ne  
font ensemble long parlement,  
ains s'en vont à la chambre ou  
Alphons estoit nud dedans le  
bain. Vne robbe de siglaton verd  
semé de croix d'or estincellās fou-  
rée d'hermines blanches par vn  
valet lui font porter. Guillau-  
me & les trois Dames entrerent  
en la chambre. Si voiant l'ap-  
pareil bel & gent dont furēt mout  
ioieux & plus de Alphons qui de-  
dans vn liēt de parement estoit  
couché. Si le saluerent toutesuoies  
n'i eust celui qui l'eust sçeu co-  
gnoistre, Si respond. Alphons,  
le seigneur Dieu vo' donne bone  
vie & à vostre belle compagnie.  
Bien sçai, dist il, que pas ne me  
cognoissez. Or suis ie maintenant

en vostre maison ; Si me deuez  
faire grand chere , Comme à ce-  
luy qui maint iour vous ay fait  
seruice , & pour vous oster de grãd  
danger , en grand peril me suis  
mis & si ne fusse avec laide de dieu  
le createur long temps à que fus-  
siez mort & occis toutesuoyes ne  
monstrez semblant d'estre ioieux  
de me voir ce que deuez estre :  
Mais ie considere qua l'auenture  
que ne me cognoissez. Par la foy  
que tiens de Dieu , dist Guillaume ,  
voirement ie ne vous vis oncques  
que i'aye remembrant. Si auez si-  
re , dist Alphons. Et ou dist Guil-  
laume. Ie le sçay , dist Alphons.  
Qui estes vous fait Guillaume.  
Ie suis dist il , le Loupgarou  
qui pour vous ay mainte iournée  
mout de peine endurée. Quand  
Guillaume entend celle parolle :

incontinent l'embrace & accolle  
d'aussi grande amour que la Roy-  
ne son enfant. Ne faut deman-  
der si Melior luy fist grand chere  
Florence qui estoit tirée arriere  
fut mout esmerueillée & esbahye.  
**F**lorence la belle qui pour sa  
iournée arriere s'estoit re-  
traicte fut vergongneuse de celle  
chere regardée , dont la Roine biẽ  
s'apperceut pour les douces l'a-  
mes de honte qui luy arrosoient  
sa douce & ioyeuse face , & mout  
doucement l'appelle. Gête damoi-  
selle n'ayez honte ne vergongne.  
Car si le vaillant cheualier & Me-

lior luy font tel acueil que voyez  
tenuz sont de ainsi le faire , & d'a-  
uanrage allons vous & moy &  
lui faisons la reuerence humble-  
ment , car il est fils de Roy. En  
bonne grace & douce contenance  
alla Florence au liẽt de Alphons.  
Et alors la royne remonstre que  
temps est de habillemens prepa-  
rer pour le leuer & vestir , Car  
dist elle mout y à de gens en celle  
place qui ont grãd desir de le voir  
celle transfigure du Loupgarou.  
Son cher pere l'attend & luy tar-  
de que il ne le voit. Vous distes  
vray , dist Guillaume. Ie vous  
supplie que faictes tant que en  
puissiez à vostre honneur venir &  
qu'il apparaisse à tous , que estes  
Dame d'honneur , de sçauoir & de  
promesse.

**L**es habits furent preparez  
si triumphans que l'histoi-  
re nous racomte que de tels en  
n'eut oncques au monde ne si bien  
ceans au corps de l'homme. Et  
sembloit que proprement lui eu-  
rent esté taillez , cousus & faicts.  
Ainsi fut Alphons honorable-  
ment vestu , & quand il fut sur  
ses pieds si beau faisoit voir que  
Dame ne Damoiselle n'i eut en  
la compagnie qui n'eust desirée-  
stre s'amie , car le corps auoit bel &  
gent , le visage ioieux cou-  
louré , & les cheueux crespeluz  
& iaulnes comme fil D'or de chi-



pre. La Royne de son coffre luy  
trait vne ceinture toute enrichie  
de membres D'or & garnie d'un  
fermoil D'or, vaillant un grand  
thesor. Et quand Alphons fut en  
bel ordre mis que rien n'y faillait  
fust ouvert l'huys de la chambre,  
& ainsi entretenans les uns les  
autres par les mains, entrerent  
en la salle du Palais.

*Comme le Roy d'Espagne & Alphons  
son premier filz sent recongne-  
rent, & de la ioye qui lors  
fut demenee.*

**A** l'entrée que firent  
Guillaume, Alphons,  
& les dames tous ceux  
qui en la salle estoient  
assis, le leuerent & congneut le  
Roy d'Espagne son filz, & le filz  
son pere. Telle ioye fut deme-  
nee en la ville de Palerne qu'on  
ne scauroit raconter ne dire fort  
fut ioyeuse la Royne de Cecille  
voyant le danger de la guerre es-  
tre tourné en vne bonne paix &  
seureté. Si loue humblement  
nostre Seigneur de ses prieres &  
oraisons exaucées & moult est  
esmerueillé des choses qu'elle a  
ouyes & veues. A tant fait fai-

re silence & appelle les Seigneurs  
en conseil. La fut le Roy d'Espa-  
gne, Guillaume Alphons, Me-  
lior, Florence, Et plusieurs au-  
tres, chacun assis en son lieu,  
mout estoit la Royne ioyeuse de  
voir le Loupgarou transformé  
en si belle forme, & plus ioyeux  
enfut le Roy d'Espagne son pe-  
re qui commença premierement à  
parler & dist ainsi. Beau filz Al-  
phons, dist le Roy Dieu soit loué  
& gracié de vostre recourance,  
oncques mais ne fut mon cœur  
si ioyeux que de vous voir en  
presence, car de vous mon filz  
grand besoing ay eu en maint pas-  
sage, si debuez scauoir beau filz  
que moy & tous mes barons de  
ma terre sommes prisonniers à  
la roine qui est icy presente, & ia-  
mais hors de prison neussions es-  
té par elle mis si ton corps n'eust  
esté guarý. Sçachez que par toy  
sommes tous deliurez. Dont ie  
n'en puis trop Dieu louer n'y  
remercier de ce qu'il luy a plu  
m'auoir fait la grace de vous voir  
en si bonne santé & que me as se-  
couru, car de ton aide ay besoing.  
Or me diés cher pere dist Al-  
phons. Pourquoi vinstes guer-  
royer en ceste terre qui tant auez  
la roine & ses gens mal menez, & la  
terre arse & gastée, certes beau  
filz dist le Roy par nostre outrage  
à force voulusmes auoir la  
pucelle Florence qui nous fust

refusée ; parquoy à grosse armée  
toute ceste terre auons gastée &  
destruicte. Et n'y auoit Cheualier  
ceans si vaillant qui osast sortir  
de ceste ville. Tellement que de  
iour en iour se vouloient rendre  
à nous. La Royne & tous les siens  
leur personnes & peu de biens,  
saufz, & s'en fut la roine allée à son  
pere l'Empereur de Grece, mais  
ôcques de cela ne me voulus cōte  
ter, si tout n'auoie à mon commā  
dement, & d'elle & sa fille eusse  
faict à mon plaisir. Neust esté le  
vassal qui cy est present. Ne scay  
dont il peult venir. Mais onc  
ques ne ouy parler si cheualeu  
reux, car par la vertu & hardiēse  
tous noz gens à deffaictz, & nous  
à prisonniers ceās admenez, voy  
la dist le roy en somme comme de  
rous est la chose allée. Beau pere  
dist Alphons mout fut mespri  
son quād par force la pucelle vou  
lustes auoir outre sa volonte,  
pas ne me sbahis si de Dieu ena  
uez esté puny, mais cher pere,  
puis que paix & accord est faict.  
Et moy guarry du demourant ne  
saisz estime, & ne prise vn festu.

*Comme Alphons dist à la roine de Ce  
cille que le noble Cheualier Guil  
laume estoit son filz, & que au  
ant n'en sçauoit rien la  
verité que luy.*

Q Vant Alphons eut ainsi ar  
raisonné le roy son pere cō  
me auez ouy cy deuant, si com  
mença silence. Generalle à estre  
faicte & en pleine audience à tous  
les assisians dist. Seigneurs, tel  
le chose vous vueil compter &  
dire, dont chacun doibt auoir  
grand ioie. Puis adressa sa parol  
le à la Roine de Cecille, disant  
ainsi. Noble & puissante Dame.  
Vrai est que par ceste Guerre  
tout eussiez en fin perdu. Mais  
de vous & de vostre fille eust le  
roi mon pere fait son plaisir sans  
que y eussiez sçeu remédier quand  
le vassal Guillaume que ci est  
vous vint donner secours & n'i  
homme viuant qui sçache, dont il  
est venu que moi. Et si vous à  
donné secours & aidé au besoing  
nul ne s'en doibt elmerueiller, car  
le filz est tenu secourir la mere au  
besoing bien à d'eu deffendre la  
terre qui lui appartient à iuste til  
tre comme dist la Roine. Sçachez  
de vrai dist Alphons que à lui  
est ceste terre, car le filz est natu  
rel & legitime du feu roi Ebron,  
si le portastes neuf mois en vo  
stre ventre. Et ce suis qui au iar  
din le prins & emportai & pas  
n'euz tort, car iugé estoit à mourir  
par vn frere du Roi Ebron & les  
Damoisellés qui en garde l'auoiet  
mesmes par avarice des promes  
ses que leur auoit faictes ce fre  
re auoit conspiré la mort du Roy

& tout ce faisoit le traistré pour  
le Royaume tenir en sa main, bien  
entendy ie tout le conuerant qui  
estoit ia tapy dedans vn buisson si  
ne peuz souffrir celled'esperée tra  
hison. Et le print & emportay  
par bois, riuieres & roches dili  
gément filz poursuiuy, mais onc  
ques ne peuz estre prins, car plu  
tost allay que le vent, sans mal  
luy faire. Mais tousiours depuis  
l'ay gardé de maintz dangers &  
perilz, si vous le rendz sain & en  
tier tel que le voyez. Quand la  
Royne sceut veritablement que  
Guillaume estoit son filz & Guil  
laume aduertty de ce que iamais  
à nul iour de sa vie n'auoit peu  
sçauoir. Ne faut demander s'ilz  
furent ioyeux. Si commencerent  
la mere, le filz & Florence douce  
ment se regarder, baïser & acco  
ler par grande amour charitable  
de ioie se prindrent tous à plorer.  
D'autre part la belle Melior vo  
iant que son amy de ce pais estoit  
Seigneur & roytant fut ioyeuse  
que merueilles. Alors Alphons  
appelle Guillaume & luy dist ain  
si. Doux amy cy deuant toute  
l'assistance pour vous vne raco  
ter & rameneuoir les peines & tra  
uaux que pour vous ay soufferts &  
endurez. Si deuez sçauoir que quād  
vous euz prins au iardin fus pour  
suiuy par le roy Ebron & ses gens  
à cor & à cry, si chaudement que  
contrainct fus de me getter en la

mer autrement ie eusse esté prins  
& occis. Mout euz de peines à  
passer en vous gardant de mal si  
euz grāde ioie d'estre sans danger  
eschappé. Et fist tant que en la fo  
rest d'ardaine vne forest qui sied  
sept lieues près de Rome l'ay  
portay. A sobrement parler leur  
comta & ramenteut Alphons la  
verité de Guillaume. Mesmes  
que Guillaume auoit gardé les  
vaches en la forest, & comme il  
fut par l'Empereur de Rome  
prins & amené, & de Melior com  
mencerent les Amours chastes &  
loyalles. Consequemment leur  
dist comme en peaux de blancs  
Ours vestus estoient le iour que  
les espousailles de Melior avec  
le filz de l'Empereur de Grece se  
deuoient celebrer par Rome qui  
les auoit conduictz & conuoyez,  
& long-temps de viures & choses  
nécessaires fournis & les auoit  
deliurez de danger de la roche de  
Beneuant, & comme les peaux  
d'ours ils auoient chagée de peaux  
de Cerfz, & qui les auoit faict  
passer la mer à grande peine tra  
uail & danger de sa vie. Bref  
tout ce que pour eux auoit faict  
fut par luy ramenteu sans vn  
seul mot laisser arriere. Dont en  
toute l'assistance furent grands  
esbahissemens.



*Comme Alphons qui Loupgarou auoit  
esté pour recompense de ses peines  
demanda seulement la belle*

*Florence à Femme &  
espouse, ce que luy  
fut octroyé.*

**M**out fut esmerueillé  
Guillaume quand si  
bien quyt sa vie reci-  
er, & tres ioyeux est  
de le veoir en si noble compa-  
gnie, & la mere voir en presen-  
ce. Et mout fut esbahy quand la  
trahison contre lui conspirée ad-  
uertie & embrasse Alphons par  
grand Amour & de tous les serui-  
ces luy rend grands mercis, luy  
offrant corps & biens à l'aban-  
don, & s'excuse de iamais ne le pou-  
voir satisfaire. Bel amy, dist il,  
ie vous prie que pour rien ne loit  
nostre amitié rompuë. Et puis  
que ainsi est que Roy deuez estre  
de toute L'Espagne, & moi de ce-  
cille & de Pouille. Je vous sup-  
plie que facions des à present al-  
liance perpetuelle, car de ma part  
quand est des Seigneurs, hon-  
neurs, & mesmes du personnage  
tout soubmetz à vostre vouloir  
& tres bon plaisir. Adoncques Al-  
phons respond à Guillaume.  
Sire, dist il, de tous les seruices,  
peines & traualx que pour toy  
i'ai faictz & portez vne seule cho-  
se te demande pour guerdon, cer-  
tes dist Guillaume demandez,

& dictes hardiment sur toute ma  
terre, Car de rien ne serez reffusé  
fors de Mellior manie.

Amy dist Alphons de la terre ne  
de ton amie ie ne quiers, mais seu-  
lement que à femme & espouse te  
plaise me donner ta sœur Flo-  
rence si t'en requiers tresinstam-  
ment, Autre chose ne demandez  
vous dist Guillaume. Non, dist  
Alphons. Donc est elle de bonne  
heure née, dist le Cheualier.

Puis que de vous est tant aymée  
& soyez assure que tres-bien sera  
douée, douée, dist alphons. Cer-  
tes amy rien ne demande que la  
personne, Car assez auons terre  
en Espagne, chasteaux, villes,  
bourgs, villages & citez. Si vous  
supplie de terre, d'or, d'argent ne  
d'heritage ne soit parlé. Pas ne  
fut reffusé Alphons, & lors fu-  
rent les fiancailles solennelle-  
ment faictes deuant tous, dont  
Florence fut mout ioyeuse, sem-  
blablement la Roïne sa mere, &  
generallement toute la compa-  
gnie.

*Comme Gloriande & Esclantino con-  
fesserent la trahison par elles à la  
requeste de loncle à Guillaume  
conspirée. Et furent enpo-  
yez en un Hermitage,  
pour la finer le de-  
meurant de  
leur vie.*

**B**ien tost furent par le Royaume de Cecille veues les nouvelles. Si vint en la ville de Palerne tant seigneurs, Dames & damoysselles que la ville en fust toute pleine. Or deuez scauoir que quand Gloriande & Eglantine furent aduertis que toute leur trahison & conspiration estoit descouuerte penserent estre asseurées de mourir. Et comme celles qui pleines estoient de repentance, nuds pieds sans aucunes couuerture, fors vn voile noir sur le chef pendant iusques aux talons par la salle aians la face pale, triste, morte & descoulourée à Guillaume se vont presenter. Et quand Guillaume voit les Dames bien les recogneur, car assez les auoit veues leans. Alors deuant toute la seigneurie à genoux se sont mises deuant Guillaume. Si commença Eglantine à parler & dist. Sire mercy te requerons. Vray est que t'auons offencé griefuement, & bien auons meritè la mort rigoureuse, mais ne fera l'honneur d'un si noble cheualier que toy de nous faire en honte mourir, qui sommes vieilles & affoiblies. Si trouueras nobles ne vaillans qui sur nous vueille la main mettre. Plus grand honneur se fera de nous laisser en hermitage viure le demourant de nos vies. Et se ainsi le fais, cer-

G. de Paler.

tes tousiours prierons Dieu pour toy, pour la Royne, & pour le feu bon roy Ebron, dont Dieu vueille auoir l'ame. A tant furent les barons d'opinion que ces deux dames, en vn hermitage fussent enuoyées pour acheuer le demourant de leur vie en penitence, ce qui fut fait & executé tout ainsi qu'il fut ordonné. Cy lairrons à parler des deux dames, & retournerons à nostre principal propos. Les choses expedies. Guillaume apres auoir eue l'opinion & conseil de ses amis ordonné & establi Ambassadeurs les plus prudens & sages barons de sa court pour à L'empereur de Rome signifier le iour que sa fille voploit espouser. Si leur baille ses brefs par escript bien signez & scellez, par lesquels supplie à L'empereur qu'il lui plaist se estre present à Palerne le jour des esponsailles de sa fille avec le Roy de Cecille de Calabre & s'il est possible ameine avec luy Alexandrine, dont cy deuant auez ouy parler. Les ambassadeurs de ce prennent la charge, & diligement s'en partent & tant firēt par leurs iournées que à Rome arriuerent où trouuerēt L'empereur, lequel de par le Roy de Cecille saluerēt & luy comiterent tout le contenu de leur message, mais la harenque fut faicte de par le Roy Alphons D'Espagne qui compaignon de l'epereur auoit esté & de par le

Q

roy de pouille & Cécille, & aussi par Melior la fille, dont quand l'empereur entend nommer la fille Melior mout fut esbahy. Si demande aux messagers s'ils scauent de sa fille nouvelle, ouy certes, car en Palerne est avec le Roy qui prendre veut à femme à ceste cause vers toy nous à transmis. Si te supplie estre present au iour de la feste. La verras mout grand ioye demener; Et sur ce presenterent le brief à L'epereur qui les fist lire publiquement. Si trouuerent que tout ainsi que les messagers auoient dit estoit la pure verité dont L'empereur & toute la Baronnie furent tous resiouys. Plus entend l'Empereur quand telles nouvelles eust ouyes qui fort bien luy plaisent. Si fait apprester tout son bernage, & de Rome se part en triomphant arrôy, mais ne oublia de mener avec luy Alexandrine, qui fut mout richement vestuë & accoustree, & de dames & Damoiselles accompagnée. Si grande fut la fuytte de L'empereur que les champs estoient pleins de Cheneaux, gens & charietz. Et tant firent à petites journées à leur bel ayse pour soulager les Dames qu'ils arriuerent à Palerne, mais deuez entendre que en chemin mout senquist l'epereur aux messagers de sa fille. Et comme d'elle estoit aduenue, & qui en Paler-

ne l'auoit menée. Et par quel moien estoit avec le Roy. Si luy conterent les Ambassadeurs tout ainsi qu'ilz l'auoient ouy dire & compter dedans la ville de Palerne. Et par qu'elle maniere les choses estoient aduenues, Et quand L'epereur & son train approcha de Palerne Guillaume & le Roy D'espagne son filz & les Dames, Seigneurs & Damoiselles aduertis de sa venue les allerent à deuaner & au rencontrer Guillaume descend de son Palfrey & à L'empereur qui bien le recogneut veut prendre l'estrier, mais L'empereur ne le veut souffrir. Si sentreaccolerent par alliance. Puis sentrecogneurent l'Empereur & le Roy D'espagne qui grand chere firent pour la cognoissance du temps passé. Si pouuez penser comme ilz en compterent de belles & de bonnes qui en ce lieu ne pourroient seruir que redictes. Et de entuyer les gentils auditeurs qui plus pourront penser qu'on n'en scauroit escrire. A tant fust venue Alexandrine, laquelle bien fust de Guillaume recogneuë. Si font l'un à l'autre la reuerence par grand Amour & dist Alexandrine. Sire comme vous est il & à ma Dame Melior. Bien nous est dit Guillaume vostre mercy, Car par vostre moien iespere que ceste semaine auez vous l'ouissance de nos Amours.





Puis lui comta vne partie des peines & douleurs qu'ils auoient souffertes depuis leur partement de Rome. Ainsi comptant approcherent de Palerne & finalement entrerent. Les rues furent tendues & encourtinées de riches tapisseries & rien n'y auoit qui ne fut fait par misteres & par compas. Tant bien furent venuz les Romains que on ne le scauroit raconter. Ne faut demander si l'Empereur & Melior sa fille firent iouieux racueil l'un à l'autre. Et semblablement tous les autres Seigneurs & dames.

*Comme à Palerne vindrent messagers de par l'Empereur de Grece.*

**E**t alors que l'Empereur de Rome & tout son train estoient à palerne vindrent messagers de par l'Empereur de Constantinople qui à la Roine de Sicille se adresserent & de par son pere l'Empereur la saluerēt semblablement de par son frere. Dame dirent ilz soiez resiouie, Car vostre pere ne vous à pas mis en oubli pour vous donner secours vers vous enuoie vostre frere qui grosse armée de gés de guerre



vous ameine en grande diligence, si ne deuez douter prince ne Roi tant fort riche & puissant & mal viendroit les ennemis pour contre toy guerroyer, car cher leur sera vendu s'ilz ne viennent à mercy. Quant la Roine ouyt ces nouvelles mout fut resiouye en son courage. Si leur rend leur salut & puis demande ou est Eternidon son frere quand en Palerne arriuera, dedans trois iours dirent ilz pourra il icy estre à tout son ost. Si laisserent le propos. Mais moubien furent traictez les messagers en attendant la venue des Grecz.

**E**N moins de 3. iours arriua Etrionphamment Eternidon

filz de l'empereur de Grece à tout son ost & la puissance, Ne faut demander s'il fut bien honorablement receu des princes & des seigneurs Dames & Damoyelles. Alors luy fut raconté de bout en bout comment son neveu Guillaume & Melior de Rome partis estoient. Et de Alphons, & des autres aduentures que auez ouy cy dessus. Et quand il cogneut que c'estoit celui qui sa femme promise luy auoir ostée. Scachez qu'il eust empêché le mariage de Guillaume & Melior, & à force Peust emmenée. Et contre sa puissance neulfer peu resister l'epereur de Rome le Roy D'espagne, Guillaume Alphons tant estoient les Grecz

en grand nombre & en bel ordre, mais puis qu'il fut aduertý que Guillaume estoit son nepueu, matcha le frain aux dentz, Ce nonobstant fut traité comme à lui appartenoit. La nuict passa, l'endemain fut bel, & reluisoit le Soleil leuant, tellement que toute la ville de Palerne retentissoit des sons armonieux, des instrumens musicaux. Ny eut celuy en la ville qui grandement ne se resjouisse. Les ieux, passe-temps, autres beaux misteres qui se firent seroient trop long à racompter. Bref les deux espousees Melior & Florence furent triomphaument accoustrees. D'autre part Guillaume & Alphons furent prest & gorgias, Alexandrine prés estoit de Melior, & prés d'elle estoit Erenidon de Grece qui commença à dire. Ha douces amie Alexandrine que bien doys hayr celuy qui ainsi ma tollué celle que plus ie ayme en ce monde fist, si toute mon armée qui encores est sur mer estoit icy ia pour parentage ne l'airroye que ie ne l'espoufasse malgré L'empereur & tout le bernage. De ce eut grand ioye Alexandrine. Si n'en fait nul semblant, & parle à propos. A tant viennent au monstier ou furent espousez par le patriarche. Alexis & par ce moie fut sacré & couronné Guillaume Roy de Cecile avec toutes les solennitez re-

quies qui fut triomphante choie à voir & regarder. Et finalement apres les disners banquetz saoureux furent faictes cōsommation des deux mariages.

**Q** Vant par long-temps la feste eut assez duré, si prent chacun congé de la Roine de Cecille, du Roy Guillaume & de sa femme, les Grecz s'en retournerent comme ilz estoient venuz & comterent les nouvelles à l'Empereur de Grece qui les tint à mout grand merueille. Semblablement L'empereur de Rome print congé de tous & espectrallement de Melior sa fille qui ne fust sans l'armes respandre en la exortant de bien & sagement se conduire comme femme de haute maison venuë & extraicte. Et puis de Alexandrine print congé qui de dire estoit pour demourer avec la Roine Brandin. D'espaigne & luy dist, Melior belle cousine de rien n'ayez soucy, car ie te aduertis que filz de Roy as à marry, puis lui à faict bonnes remonstrance, & exortemens. Bien lui respond doucement la bonne Alexandrine que d'elle naura iamais mauuaises nouvelles. Et à tant print congé toutes-foiz luy & tout son noble train furent conuoiez iulques au repaistre. Et la print L'empereur congé de son gēdre qui lui fit promesses de



le voir en bref temps. Si retourne le Roy Guillaume dedans Palerne & l'empereur & s'otrain fôt tant par leurs iournées que à Rome sont ioyeusement retournez

**C**ommença semblablement le Roy D'espaigne à ordonner son partement, si fait deloger son ost, puis aux seigneurs & barons de Palerne comme prince tresliberal ouure ses coffres & leur fait derichesses & tresor & ioiaux, grâds dons & presens, dôt tous le priserent, & louerent: Et de luy furent trescontés, & la femme n'en fist pas moins aux Dames & Damoyelles. Et à tant prennent congé qui ne fust pas sans l'armoyer, car dolens estoient de loing estre les vns des autres separées en Espagne. s'en vôt les espagnols & Alexandrine emmenerent avec eux. Et pour les couoyer mōta guillaume sur Brunissant de Brueil son bon cheual à belle cōpagnie de seigneurs dames & damoiselles & tindrēt toute iusques à la croix. La se embrasserent Guillaume & Alphons faisant leur piteux adieu iusques au renoir & rencōtrer offrans l'un à l'autre donner secours en cas de guerre contre sarrazins payens & autres seigneurs terriens. Si entrerent les espagnols en leurs nauires, leuerent les voilles & singlerent tant qu'en peu de tēps

en leurs pays retournerent tous ioyeux & esbaudis. Sur la riue de la mer demeure Guillaume roy de Cecille iusques à ce qu'il eust perdu la veüe des Nefs des Espagnols nageans en mer, puis leur donnant la benediction s'en retourna à Palerne. Les Espagnols en bref temps en Espagne arriuerent, qui bien au long compterent les nouuelles, dont les aucuns furent ioyeux & les autres courroucez & marris de mort de leurs parens & amys. Le bon & vaillant Roy Guillaume retourne dedans Palerne. Premièrement il fist refaire les murailles qui rompuës & gastées estoient & fortifier en sorte que la ville estoit sans trayson imprenable. Si commença à faire si bonne iustice que homme n'y auoit en la terre que à autrui oīast faire tort ne dommage.

**E**N ce temps l'histoire nous Edit & racomte que L'empereur de Rome alla de vie à trespas au moyen dequoy par l'opinion commune de tous Rois, ducs, cōtes, marquis & seigneurs, & par election vniuerselle Guillaume Roy de Cecille fut esleu empereur, car meilleur prince au mode ne sceust on choisir netrouuer. Si sont incontinent deux Euesques deleguez pour vers Guillaume faire l'embassade qui

fut faicte & expediee à diligence. Quand Melior ſceut la mort & trespas de l'epereur ſon pere mout fut desconfortee, mais ſe reconforta quand entendit que Guillaume eſtoit eſſeu & quelle ſeroit Emperiere couronnee. Alors Guillaume ne fait longue demeure. Ains enuoya meſſagers à ſon compaignon Alphons D'eſpaigne luy annoncer la nouuelle. Et que luy, ſon pere, la Royne, & Alexandrine à diligence ameine à Palerne pour compaignie luy faire iuſques à Rome. Mout fut ioyeux Alphons de ces nouuelles, mais mort eſtoit le Roy ſon pere. Parquoy enſuyuant les lettres, & meſſage de ſon compaignon incontinent, met ſon train en ordre & ſa mere. Sa femme, & Alexandrine, accompagnez de noble compaignie. A diligence vers Palerne ſ'en viennent. Et la arriuez mout honnorablement & à grand ioye furent receuz & feſtoiez & ſ'entrefirēt les ſeigneurs & Dames grand accueil les vns es autres. La gueres ne ſeiournerent, ains Guillaume faict appareiller ſon train magnifiquement & de Palerne ſe part à grande, belle & noble compaignie. Laiſſant ſa terre à gouuerner à ſes Lieutenans, preuſts, & baillifs, leur cominandant ſur toutes choſes faire bonne iuſſice & ne faire tort à homme viuant, Si ſe met

en chemin : oncque ne fut veue ſi grande & noble compaignie, car deuez ſcavoir que luy ſa mere, ſa femme, Alphons, Florence, & Alexandrine. Mout faiſoit beau veoir à toute leur compaignie, & tant errerēt par leurs iournées, qu'en la noble Cité de Rome ſont triumphamment arriuez.

**D**Edans Rome la noble Cité furent honnorablement receuz & recueillis Guillaume & les ſiens & furent luy & Melior & les principaux logez au Palais imperial tous richement repole-  
rēt celle nuit & le l'endemain que le ſoleil commença enluminer la terre de ſes rays plains de lumie-  
re & chaffer les vmbres occidentales ſi toſt qu'il ietta ſon œil ſur le miſphere Romain, furent incitez les animaux à prendre cure & laiſſer en reposnotune. Tous ſe lieuent ſur pieds ioyeuſement & de courage chacun fut preſt & appareillez à ſon poſſible pour voir le couronnement du nouuel Empereur & de l'emperiere ſa femme, Mout leur firent d'honneur les Romains, princes & barons & les accōpagnerent à grande flotte de gens iuſques à L'eglise ſainct Pierre. Et la du conſentement & à la requeſte de tous generallement apres les miſteres faits & accomplis furent couron-

nez par le Pape Clement selon  
l'ancien liure qui en telles parol-  
les le racomte. Sacrez & benis  
Pape Clement vn Apostolle  
qui fut entre les deux Gregoire.  
Celuy Pape Clement mout ex-  
auça la foy Chrestienne. Si les  
oignit du saint cresseme & les cou-  
rona à la maniere des empereurs  
& fit l'office solennellemēt & tout  
le seruice diuin paracheué & accō-  
pli avec les benedictions & miste-  
res en ce cas requis. Tous re-  
tournerent au palais imperial, &  
la fut si grande feste & ioye deme-  
née que possible seroit de la ra-  
comter des banquets solennels,  
richesses tous iours d'instrumens  
de musique, farces, pompes,  
tournoys & ioustes que taire men-  
vueilāt tant, car de ce pourroit  
on vne bible escrire, mais bien  
que de L'empereur Guillaume ne  
fut mis en oubly le vacher qui en  
la forest l'auoit nourry.

**L**E Roy de Cecille Guillau-  
me nouvellement couronné  
Empereur de Rome comme ex-  
empts du vice d'ingratitude ne  
oublya le vacher qui en la forest  
l'auoit par long temps nourry en  
ces ieunes ans. Si transmit gens  
en la forest pour luy & sa femme  
qui ia vieux estoient, eurent  
grand paour, mais quand à Ro-  
me furent arriuez à grand ioye  
furent de tous priez & honorez

par le commandement de L'em-  
pereur. Et quand furent deuant  
L'empereur venus mout bien le  
recogneurent & luy comptèrent  
familierement du temps passé.  
Et apres plusieurs propos leur  
donna L'Empereur vn mout fort  
chastel ou riens ne faillloit de ce  
que homme doit en ce monde de-  
sirer, la vesquirent ces bonnes  
gens tout le demourant de leur  
vie à leur ayse: car l'empereur cō-  
manda generallyment à tous que  
tel honneur & reuerence leur fut  
portée comme à ces propres peres  
& meres & que leur commande-  
ment fust entierement fait & ex-  
cuté. Si dura la triumphe à Rome  
l'espace de quinze iours entiers  
que oncques ne furent veuz tant  
de Seigneurs dames & Damoisel-  
les. Tant de cheuaux & palefrois,  
& tāt de richesses & thresors dō-  
nez par grande liberalité dont le  
nouuel empereur acquist toute  
la beniuolence de tous ses homes  
& subiers. Si que tous luy offroient  
corps & biens pour à son plaisir  
en faire. Si luy rendirent les sei-  
gneurs la foy & hommage comme  
tenus estoient. Puis chacun prent  
congé & s'en retournerent à leurs  
manoirs & maisons.

**L**E Roy D'espaigne, Alphons  
& Florence sa femme avec  
leur compagnie prennent tel cō-  
gé qu'on ne le scauroit d'escrire &  
sembloit



semblablement la Royne Brandin, & ne se peurent contenir de plorer. Car ils ne scauent quand se pourront reuoir.

Les reuerences, baisers, accolles furent plusieurs fois reitrees. Et en congé prenant la tresbonne dame felix mere de l'empereur print Florence par la main blanche & luy dist. Belle fille entendez à moy. Vous vous en yrez en Espagne avec vostre mary vous estes Royne couronnée.

Si faut à vostre espoux obeyr, cōme loyalle dame à son seigneur & faictes tant que tout le monde vous doyue priser, honorer, & de vous bien dire. Trespouce Dame & chere mere dist Florence, tout ainsi que dit vo<sup>le</sup> le mauuez ie le feray sans contredire, encōre mieux se il m'est possible. A tant mōt et à cheual pour retourner

en elpaigne la eut mainte l'armes iettée aussi clere que fin Cristal.

Mais au departir L'empereur supplie Alphons le Roy D'Espagne que souuent luy face scauoir de ses nouvelles: Ce qu'il fera de son costé, affin que l'un l'autre puisse souuent reconcilier & conuoler.

Cela luy promist Alphons sans faillir. A tant se mettēt en chemin & conuoiez furēt par L'empereur & son train iusques à temps de congé prendre & la en pleurs & regrets se fist la departie.

G. de Paler.

**E** sont lors le Roy D'Espagne & sa belle compaignie mis à prendre chemin, & tant firent que en Espagne sōt venuz & ioyeulement ont esté de leurs gens receuz, & honnorez l'Empereur de Rome & les gens s'en retournerent en son palais, puis se delibera de mettre bon ordre à son Empire cheualche à fort belle & grande compaignie par toutes ses terres. L'empereur estant avec luy, & prent les seuretez, serment & feultez des villes, citez chasteaux & forteresses & communautez, Et de tous generallement par foy & telle police, & si bonne iustice par tous ses officiers & à chacun que oncques L'Empereur de Rome ne fut pas si paisible que ne paisible, par tout pouront les marchans aller venir sans danger. Les meues & orgueilleux fūt humilien. Et les humbles exauces, & les paisibles redonnent en pain. Sa mere Felixe honore & luy porte reuerence, hors de la court son arriere mis fait en monteurs, & rapporteurs la bonne Felixe chacun iour rend graces à nostre seigneur qui tant de bien luy auoit fait, comme d'estre hors de mout de perils & dangers de voir son fils Empereur paisible & Roy de Cecille, & de la Pouille, & la fille roine couronnée du Royaume D'espaigne. Si

P

luy reuiēt à memoire le sōgē que  
le fit dedās Palerne que de sa main  
dextre touchoit sur Rome, &  
de la fenestre sur Espagne, mout  
loua Dieu de tout. Si tint L'em-  
pereur son empire en bonne paix  
& mout fut crainct & redouté de  
ses circonuoyfins, tellement que  
ne luy osoit faire guerre mais ac-  
querir sa beniuolence, deux be-  
aux enfans eut de Melior sa fem-  
me qui vaillans & hardis furent  
& tindrent grand Seigneurie, car  
l'vn deux fut roy & l'autre Em-  
pereur, & à tant ferons fin à l'hi-

stoire rendans louange, honneur  
& gloire à Dieu, qui nous à donné  
temps & espace de paracheuer  
cette translation iusques icy.  
Et finalement dit l'ancien fa-  
cteur du liure original, quela con-  
tēse yolant le fit dicter & escrire.  
A l'ame de laquelle Dieu face  
pardon & sauue, & preserue, &  
gard vous qui en beniuolence le  
lirez ou escouterez, & apres voz  
iours vous soit donné la ioie eter-  
nelle de Paradis. Amen.

Prenez en graces mediocres de sens,

Jeunes & vieux ce petit opuscule,

Et vous Seigneurs de sçauoir tout par sens,

Rien ne iugez par rigoureux scrupule,

Reallement ie confesse & consens,

Entre plusieurs estre de sens minime,

Dire ne puis autrement que ie sens,

Vn tel liuret trop grand n'est ou sublime,

Rusez sont ceux qui ont sens magnanime,

Ausquelz est d'eu le nom de l'oz d'orer,

Note ce point que homme ne vit sans crime,

Doncques ne quiers que en durant durer.



**ET FINE L'HISTOIRE DV PREUX ET  
VAILLANT CHEVALIER GUYLLAUME  
de Palerne, & de la belle Melior, Nou-  
uellement Imprimée  
à Rouen.**



